

通

州

志

卷



第 四 册

通州志卷之八

人物志 凡目九

潞陽灑陰之間鮮阜多澤而鍾為知仁山水並樂徒以慷
慨激烈概之淺矣自漢迄今代有奇傑功德被於生民忠
孝孚於家國與夫碩彥通儒後先濟美何其盛也矧婦女
咸知大義金石之節百折不回誰謂巾幗無丈夫氣耶至
方伎仙釋流寓諸賢凡托此邦者皆得以次相附云志人
物

鄉賢 忠烈 孝義 耆英

文學 伎術 仙釋 流寓

通州志 卷之八人物

列女



鄉賢鄆邑併入
以年代序

後漢

陽球字方正漁陽泉州人

鄆本漢
泉州地

性嚴厲好申韓之學初

舉孝廉補尚書侍郎其章奏處議常三閣所崇信出

為高唐令以嚴苛被刻後三府上球有辨姦才拜九江

太守遷平原相尋拜尚書令時中常侍王甫曹節等姦

虐美權扇動外內球常拊髀發憤曰若陽球作司隸此

曹子安得容乎光和二年遷為司隸校尉奏收甫父子

及太尉段熲等送洛陽獄球自按驗甫父子悉死杖下

熲亦自殺乃僵磔甫屍于夏城門大署榜曰賊臣王甫

通州志

卷之八人物

鄉賢

二

後帝從曹節言徙球為衛尉終以節誣收送洛陽獄誅

死按陽球力除強姦厭快眾憤雖史入酷吏而不掩其
功舊志傳太略今考後漢書增正。舊志陽作楊誤

三國

田豫漁陽雍奴人仕魏自弋陽太守遷南陽盜賊屏跡郡

內肅清徵為衛尉屢辭不聽曰年七十而居位譬猶鐘

鳴漏盡夜行不休也固以疾辭

州舉人劉錫信考云兩
漢及晉雍奴泉州各自

為縣見漢書後漢書晉書至北魏太平真君七年并泉

州入雍奴見魏書唐天寶初雍奴更名武清見新唐書

今鄆縣不過泉州故地一隅以前代泉州人屬鄆尚可
若因泉州并入雍奴遂以雍奴人屬鄆殊失限斷且田
豫為三國時人時泉州尚未并入雍奴則豫自為雍奴
人與泉無涉。按此係舊志之誤今仍存之以益考證

北魏

高閻字閻士漁陽雍奴人少時爲崔浩所器重遂知名自中書侍郎爲中書令給事中凡詔令碑銘贊頌之類皆出其手高允以閻文章富逸舉以自代時稱二高人州舉劉錫信考云魏書高閻傳真君九年徵爲中書博士是時泉州入雍奴僅二載耳閻果爲泉人傳未有不載者可知閻自爲雍奴人與泉無涉。按此亦舊志之誤今仍存之。

唐

吳少誠幽州潞人以世廕爲諸王府戶曹參軍事客荆南節度使庾準器之留爲牙門將從入朝道襄陽度梁崇義必叛密畫計將獻天子而李希烈以其事聞有詔嘉美擢封通義郡王崇義反希烈以少誠爲前鋒事平賜

通州志

卷之八人物

鄉賢

三

實封戶五千希烈叛及死推陳仙竒主後務旣又殺之衆乃共推少誠德宗因授申光蔡等州節度觀察留後少誠爲治能減損完軍實自希烈以來申蔡人劫于苛法而忘所歸及耆長旣物故則壯者習見暴掠恬于搏鬪地少馬乘騾以戰號騾子軍尤悍銳甲皆畫雷公星文貞元五年進拜節度使獲罪削官爵後赦免盡還其官爵順宗卽位進同中書門下平章事檢校司空徙封濮陽郡王元和四年死贈司徒舊志失載今從唐書藩鎮傳中採入。按少誠雖以藩鎮得罪旋因自新赦免復爵且旣爲潞人則官爵始未自不容沒故節登史傳以益考據

遼

郭世珍灤陰人景宗時爲太尉司徒統和六年承天太后
侵宋俘獲甚衆師次范陽世珍言降卒皆有父母妻子
不無懷土之情驅而之北終不爲用願放歸鄉國太后
嘉納縱者數萬人祀鄉賢

金

馬諷字良弼灤陰人金初以燕與宋諷游學汴梁登宋宣
和六年進士宗翰克汴京諷歸金復登進士調蔚州廣
靈丞遷雄州歸信令境有河曰八尺口每秋潦漲溢害
民田諷視地高下疏決之患遂息召爲尙書省令史除
獻州刺史天德初改寧州民有告謀不軌者株連數十

通州志

卷之八人物

鄉賢

四

百人諷察其無狀究告者具伏其誣衆感泣再遷南京
副留守歷大理卿刑部尙書改忠順軍節度使致仕卒

祀鄉賢 攷金史
增正

賈少冲字若虛通州人家貧力學日誦數百千言嘗道中
獲遺金歸其主甫冠代叔從軍行伍間未嘗釋卷登天
眷二年進士調營州軍事判官遷安定令時蔚州刺史
恃貴不法屬吏畏之少冲守正不阿大定二年調御史
臺典事累遷刑部郎中決獄北京奏誅首惡釋株連者
全活凡千人嘗執奏刑名甚堅旣退上謂侍臣曰少冲
居下位有守如此十四年以秘書少監使於宋時宋方

有祈請上以意諭少冲少冲對曰臣有死無辱宋人別致珍異拒不受使還世宗嘉之遷右諫議大夫歷順天軍節度使屢請致仕不許少冲外柔內剛立朝能從容進諫性簡易言不及利嘗教諸子曰蔭所以庇身管庫不可爲也聞者尙之祀鄉賢

考金史增正。舊志此誤列馬惠迪後以下叙次錯

雜甚多今按科分悉行更正

張亨字彥通灤陰人登皇統六年進士調樊山丞以廉幹聞授宏州軍事判官累遷尙書左司郎中授戶部侍郎移吏部擢中都路都轉運使以事被劾起授戶部尙書世宗問宰臣曰御史中丞馬惠迪與張亨人才孰優平

通州志

卷之八人物

鄉賢

五

章政事張汝霖以亨吏才極高對時車駕東巡欲輦錢以支費用亨謂上京距都四千里若輓錢而行是率三致一也請行會便法息轉輸之勞而用自足出爲絳陽軍節度使章宗初爲河東南北路提刑使兼勸農採訪使察利病條十三事以聞上嘉納之亨每事存大體畧苛細御史劾其寬緩不事事降授蔡州防禦使遷南京路轉運使轉知歸德府事致仕泰和二年卒年七十八亨才識強敏明達吏事故始終可稱云

考金史增正

馬惠迪字吉甫灤陰人登天德三年進士調昌邑令察廉第一補尙書省令史大定中爲西京留守判官以治最

擢同知崇義軍節度事累遷左司郎中世宗愛其明敏嘗謂宰臣曰人之聰明多失于浮銜若惠迪聰明而樸實甚可善也朕嘗與論事五品以下朝官罕有及者超授御史中丞拜參知政事嘗諫世宗討烏底改曰得其人不可用有其地不可居恐不足勞聖慮後爲昭義軍節度使歷南京留守致仕卒祀鄉賢考金史增正賈益字損之少冲子少穎悟大定十四年父少冲充宋主生日副使益侍行時宋人嘗爭起立接受國書之禮少冲問益曰萬一宋人欲變禮奈何益曰守死無辱可謂使矣少冲大竒之登大定十九年進士調河津主簿以

通州志

卷之八人物

鄉賢

六

父憂去官察廉起復礬山令累官至吏部尙書有疾改安國軍節度使調民夫繕修城郭爲戰守備按察司止之不聽曰治城守臣事也按察無預旣而兵至以有備解去改橫海定國軍節度使道阻不赴貞祐二年召爲大常卿上防秋十三事論遷河北軍民不便不報次年

致仕元光元年卒

考金史增正。金史作元光九年卒元光只二年史似誤元爲九耳

崔禮灑人仕金爲四鄉教諭金亡隱居灑東南小安村構園亭植花卉閉戶自娛元丞相兀都台及帖古迭兒嘉

其高節數過訪復以金鐘駟馬聘之終不出祀鄉賢

舊志

載村中舊有石刻剝落不存今園亭遺址俱無考

元

郭汝梅字和卿太尉世珍元孫金正祐初鄆城陷汝梅年七歲父琪母劉携禱火神廟及灤河力不能負欲棄之遇赤犢乘渡得免年十八縣民公舉攝行縣事耶律丞相知其才奏充燕京都稅司以幹濟稱尋令子翰襲三年平章阿合馬薦起再任稅所官蒞事後創驛舍百餘楹民得不擾獄分男女凡行宮應給差徭先期告備懲兇暴捕盜賊禁倡優與齊民雜處及市民爭詈歲不再易風俗臻善益戶萬二千餘進昭勇大將軍總管中都路兼尹大興數引見奏對稱旨中統五年卒元學士王

通州志

卷之八人物

鄉賢

七

諤撰墓碑載藝文志初鄆陰地窪民被水患汝梅出家貲立新莊七所於高敞地分處里人給貧者牛種不責償創新河天津橋以濟行人鄉人咸感其德祀鄉賢

張礎字可用其先渤海人金末曾祖琛徙燕之通州祖伯達從忽都忽那顏畧地燕薊金守其蒲察斤以城降忽都忽承制以伯達爲通州節度判官遂知通州父範爲真定勸農官因家焉礎業儒丙辰歲平章廉希憲薦於世祖潛邸時真定爲諸王阿里不哥分地阿里不哥以礎不附已銜之遣使言於世祖曰張礎我分地中人當以歸我世祖命使者復曰兄弟至親寧有彼此之間且

我方有事於宋如礎者實所倚任待天下平定當遣還也已未從世祖伐宋凡徵發軍旅文檄悉出其手中統元年立中書省以礎權左右司事尋出爲彰德路拘權官復入爲三部員外郎賜金符爲平陽路同知轉運使改知獻州同知東平府事又改知威州有婦人乘驢過市者投下官暗赤之奴引鳴鏑射婦人墜地奴匿暗赤家礎將以其事聞暗赤懼乃出其奴論如法至元十四年立諸道提刑按察司以礎爲江南浙西道提刑按察副使佩金符宣慰司失里貪暴掠良民爲奴礎劾黜之遂安縣民聚衆負險爲亂命礎與同知浙西道宣慰使

通州志

卷之八人物

鄉賢

八

劉宣領兵捕之宣卽欲進兵礎曰江南新附守吏或失撫字宜遣人招諭以全衆命宣不可礎曰諭之不來加誅未晚遂遣人諭之逆黨果自縛請罪礎釋之宣乃歎服遷嶺南廣西道提刑按察使廣西宣慰使也里脫強奪民財礎按其罪遷嶺北湖南道提刑按察副使授濱州路總管不赴拜國子祭酒尋出爲安豐路總管三十一年卒於官年六十三贈昭文館大學士正奉大夫封

清河郡公謚文敏子淑衛輝路推官

按礎曾祖徙通祖知通州父爲正定

勸農官遂家正定則礎已非通州人舊志誤節史傳原委今考元史增正仍存其人以益考證

李秉彛字仲常世家大都通州潞縣祖以上皆力田至諱

瑛字國寶者仕金朝爲懷遠大將軍以癸未歲生秉彜
勇而沉毅見人倨坐輒色變由是衆異焉穎悟好學七
歲讀書日千言十歲能習古篆隸年二十餘謁行省粘
合公卽爲掾曹未幾遷都事說粘合曰金亡人材無所
附麗天下初定宜拔其尤者爲朝廷用粘合用其說首
聘王先生磐授子弟經於是士大夫相繼登粘合之門
實自秉彜發之叅議王文統投書粘合請立河南省曰
距河以持南北之勢聚財以結上下之交可以成事秉
彜明其邪說願勿聽旣而文統果敗遷員外郎己未世
祖以潛藩代宋從渡江將士入鄂州孟少保家爭取金

通州志

卷之八人物

鄉賢

九

帛秉彜獨收書萬卷以還中原兵火後人家少藏書至
是遠近學者借讀無虛日文風漸起中統壬戌遷中興
等處行省郎中時渾都罕甫平民艱食秉彜奉旨賑恤
玉門以東全活者無數至元甲子徙四川陝中苦司竹
之政奏罷之遷太中大夫佩金符爲彰德宣課運使課
最擢尙書戶部侍郎庚午秋中原蝗銜命往捕有不盡
心聽以軍法從事秉彜訖事未嘗有所撻切明年京師
饑朝廷用秉彜言發廩又明年魚兒泊饑亦被命濟其
民出爲都提舉漕運使御河數千里不半載餉百萬石
中臺察廉能奏授陝西按察副使巡行灌州故有李公

堰當三江口遇水漂悍輒壞歲調夫修完民以爲病秉
彞以爲築之堅可已患父老以壅遏漲勢則恐爲成都
害秉彞令投石水中問曰水從石上過耶石下耶皆曰
流石上耳督有司三月堰成自是大水至冒堰上行無
所壅旱則瀦以溉田爲至今利丁丑除江州路總管屬
邑有剽掠者有司以叛告官軍旣動被俘者衆秉彞邀
諸津詰無辜千餘人悉縱遣之黃州叛九江戍卒僅五
百北來商旅亦授兵登陴單弱甚呂師龍新降爲招討
使擁精騎千百檄使捍禦不聽秉彞夜登庾樓遙望小
舟順流下邏獲七人自黃來持叛書期師龍以五月十

通州志

卷之八人物 鄉賢

十

六日爲內應秉彞卽訪其計議陳文彬偕至師龍所諭
以利害師龍與其麾下自誓不知情秉彞曰審尔何不
分兵守城師龍如言九江遂無警其兄師夔自江西奉
黃金二百兩白金二千兩奴婢十人爲謝力却不受義
門陳氏苦縣吏貪酷戕吏卒秉彞曰非叛也密遣其姻
黨夏德叟招撫之闔族千餘口皆得免遷湖州總管踰
年又徙常德沚江泛溢立堤匱以制湍浪民免墊溺官
種柑橘五百株以代民貢歲歉黜同僚議不俟命開倉
救飢者武陵之人立碑以頌遺愛癸未陞通議兩浙轉
運使去民之不便者而課自辦轉正議除工部尙書居

半載復爲兩浙轉運使兼杭州諸色課程及市舶前同知納速刺丁倚權臣勢奪秉彝職有旨理筭欲因以誣秉彝卒不得豪髮私羣小警服歸道鎮江寓鶴林坊丁亥四月以病卒年六十五秉彝自癸丑徙居彰德南薰坊遂葬臨漳子四人長某次棫次棣秉彝仕安陽時聘緱山杜先生英率僚吏講學於思義堂來九江禮其鄉先生袁公枋牟公鎔故崇政殿說書陳公有宗湖州則故端明殿學士陳公存故叅知政事文公及翁皆請以師道主學校使時人矜式秉彝辨問不倦有所自得嘗名齋室曰閑邪或求爲吏以東坡穎濱二先生手

通州志

卷之八人物

鄉賢

十一

書奏議三十冊爲獻秉彝曰賂可受乎平生不有玩好戒子孫曰凡物之罕得者我獨有之必有奇禍云贊曰中統至元之初人材衆矣當是時戰勝攻取海內嚮平蓋必有知立國之意者相與彌綸於其間如秉彝可一二數也詩曰質尔人民謹尔侯度今之古人哉按秉彝爲元名臣元史無傳惟趙孟頫書周馳所撰閑邪公家傳搨本行於世卽此是也舊志謂得自任孝廉希尹家點竄數行而錄究多闕畧故全登之其與原本異者稱名不稱公以符列傳體例耳

王利用字國賓通州潞縣人遼贈中書令太原郡公籍之七世孫利用幼穎悟弱冠與魏初同學齊名事世祖於潛邸中統間歷北京奧魯同知安肅汝蠡趙四州知州

入拜監察御史薊州有地禁民射獵邏者誣民冒禁籍其家利用糾之邏者上訴利用辨益力得以所沒入悉歸之民擢翰林待制兼興文署奉旨程試上都隆興等路儒士陞直學士與耶律鑄同修實錄歷四川提刑按察使除土豪之持官府長短者都元帥塔海抑巫山縣民數百口爲奴屢訴不決利用覆問盡出爲民大德二年改安西興元兩路總管其在興元減職田租額站戶之役於他郡者悉除之甚便焉有婦毒殺其夫問藥所從來吏教婦指爲富商所貨利用得其情寃始雪未幾致仕起爲太子賓客疏上十七事曰敬畏天戒取法祖

通州志

卷之八人物

鄉賢

三

宗孝事母后敬奉至尊撫愛百姓敦本抑末清心聽政寡欲養身酒宜節飲財宜節用有功必賞有罪必罰杜絕讒言求納直諫官職量材而授工役相時而動俾近侍時赴經筵講讀經史上及太子嘉納之皇后聞之命錄別本以進利用每自言平生讀書於恕字有得焉廉希憲慎許可嘗語人曰方今文章政事兼備者王國賓其人也卒年七十七武宗卽位贈榮祿大夫柱國中書平章政事封潞國公諡文正祀鄉賢

考元史
增正

李德輝字仲實通州潞縣人生五歲父病亟指德輝謂家人曰吾爲吏治獄不任苛刻平反者衆天或報之是兒

其大吾門乎及卒德輝號慟如成人既就外傳嗜讀書家貧乃輟業年十六歲監酒豐州市筆札錄書夜誦不休復求先生長者講學以卒其業時世祖在潛藩用劉秉忠薦使侍裕宗講讀遷從宜府使理財賦調軍食以給取蜀之兵未期年軍儲充羨中統元年爲燕京宣撫使捕誅劇賊之造僞鈔結死黨殺人者然事多不白中書由是忤平章王文統意去位三年文統以反誅起爲山西宣慰使勢家多籍民爲奴按免之復業近千人至元二年授太原路總管崇學校表孝節勸耕桑立社倉一權度境生嘉禾瑞麥五年爲右三部尙書七年奉命

錄囚山西河東懷仁民魏氏發得木偶告其妻厭勝謀不利於已獄詞具德輝察其有嬖妾疑妾借以陷其妻名妾一訊卽服遂杖其夫而論其妾死皇子安西王鎮關中改安西王相視瀕涇營牧故地得數千頃起廬舍疏溝澮假牛種田具令貧民二千家屯田其中歲得粟麥芻藁萬計十二年詔以王相撫蜀時重慶猶城守不下朝廷各置行樞密院于東西川合兵萬人圍之德輝至成都兩府爭遣使咨受兵食方畧德輝知其久玩寇以致堅壁不肯降深切戒之德輝出未至秦瀘州叛而重慶圍潰再退守瀘州十四年詔爲西川行樞密院副

使仍兼王相諸軍既發德輝留成都給軍食是年復瀘州十五年遂拔重慶圍合州縱歸合俘之繫順慶獄者使諭降州將張珏詞意剴切珏未及報而德輝還王邸既而合州遣李興張卻十二人訶事成都皆獲之釋不殺復爲書縱歸使諭其將王立立請降德輝單舸濟江薄城下呼立出降安集其民而罷置其吏合人自立而下家繪事之川蜀平復以王相還邸十七年爲安西行省左丞是年羅施鬼國既降復叛詔雲南湖廣四川合兵討之兵且壓境德輝適被命在播州遣安珪馳驛止三道兵勿進復遣張孝思諭鬼國趣降其酋阿察熟德

通州志

卷之八人物 鄉賢

十四

輝名曰是活合州李公耶其言明信可恃卽身至播州泣告曰吾屬百萬徼公來死且不降今得所歸矣德輝以其言上聞乃改鬼國爲順元路以其酋爲宣撫使後有譖德輝受鬼國馬千數者帝曰是人朕所素知雖一羊不妄受寧有是耶德輝卒年六十三邊徼哭之如私親爲位而祭者千百人合州安撫使王立哀經率吏民拜奠哭聲震山谷播州安撫使何彥清率其民立廟祀之諡忠宣祀鄉賢

按德輝於至元十二年以王相撫蜀後經理軍國戒導兩府厥功甚鉅舊

志傳多誤節今考元史增正

李廷字瑞卿其先漳南人徙于潞廷早孤以樵養母年二

十起家京尹曹歷左司吏部府正掾擢南昌尹及同知河南府事俱有善政屢進郎中賜三品秩爲江州總管治以利民善俗爲本下邑咸化之改兩淮屯鹽總管復田額戶口減糧節公帑朝野稱其賢召爲兵部尙書遷刑部尙書奏誅權臣不法者拜淮東宣慰使居幾月引年謝歸越五年卒年七十三追封潞陽郡公諡忠靖葬潞縣之南臺坡藝文監丞揭傒斯撰墓誌載藝文志

按舊

志以死事蹟見墓誌不復立傳意欲省文殊失體例今補傳

明

董子和字有節灤縣人幼嗜學通經史大義不急仕進居

通州志

卷之八人物 鄉賢

五

家以孝友著侍父疾旦夕不懈父歿哀毀骨立葬祭如禮生平善無弗爲施棺槨助婚嫁焚貸券里有牧官馬斃法當償者追呼無以應將自盡子和貸以償之得不死遇蝗旱民不聊生量賑以粟金活甚衆尤厚恤宗族慈愛子孫子昱登正統七年進士歷官戶部主事員外郎拜山東都轉鹽運使有德政治於民子和年五十八卒受贈至奉政大夫禮部侍郎薛瑄撰墓碑載藝文志郭誠通州人正統間以員外郎提督河道自儀真至呂梁初未相見河上官民皆譽之謂其廉恭剛正處事有條

理云

舊志未載從東里續集採入

董方字仲矩其先太原忻州人父政三歲失怙恃育於季父郁永樂中政隨郁應募徙居灤邑方登正統十年進士試政兵部旋以父憂歸服闋授大理左寺副擢寺正用法平恕能雪冤抑有巨室被盜東阿民蔣杰與盜遇遂株及訥弗能辨考掠誣服方訊實釋之錦衣旗軍鈇堅與百戶薛海鬪傷腦奪理髮簪僉擬白晝奪財傷人者死方謂事起忿爭非造意刦奪從輕與金吾衛卒領大內官銅出道中竊銅板尺餘邏卒執之有司擬盜內庫物律斬方謂物既領出非潛入內庫者比宜論監臨自盜得減死景泰間奉命往山西錄囚太原民白政讐

通州志

卷之八人物

鄉賢

六

殺王選投尸汾河事覺政誣選妻與已私同謀殺夫獄成方謂彼夫婦三十餘年舉子十數人何至是盡拘隣里証驗政具服選妻得釋羅禮妻被盜殺有司誣劉達夫婦害之俱應死方白其冤後知殺人者達壻也其餘活死罪可矜疑者凡若干人還朝建言十事遷右寺丞天順間曹欽謀逆方趣軍士救護賊平擢本寺右少卿成化間由刑部侍郎進都察院右都御史巡撫大同大同久不雨方至祈雨輒應河南軍戍大同者多僦民居方構營房若干衆論稱便戰馬斃者以千數爲區畫買補逾月遂足遷刑部尚書又建白十五事皆允納以老

乞休越六年卒年六十八訃聞贈太子少保諭祭葬如制謚襄毅方好學居官居家手不釋卷嘗修潮志及家乘性儉素獨不吝施與族弟翰瞽戚屬張貴劉清無子俱爲納妾使不乏嗣甥孟謙馬總未晬喪母從子寬三歲孤皆教養成立其篤於親故類如此子寧由進士官按察僉事禮部尙書周洪謨撰墓碑載藝文志祀鄉賢岳正字季方號蒙泉潮縣人正統十三年會試第一賜進士及第授編修嘗夜草疏請復恭讓后位號兄端見之驚曰奈老母何奪稿而止尋進左贊善天順初改修撰時薛瑄致仕帝謀代者王翱以正薦遂召見文華殿正

通州志

卷之八人物

鄉賢

十七

長身美鬚髯帝遙見色喜旣登陛連稱善問年幾何家安在何年進士正具以對益稱旨用入內閣正受命出石亨張軏遇之左順門愕然曰何自至此比入帝曰朕今日自擇一閣臣問爲誰帝曰岳正兩人陽賀帝曰但官小耳當與吏部左侍郎兼學士兩人曰陛下旣得人俟稱職加秩未晚帝默然遂命以原官入閣正負氣敢言感帝拔擢益思自効掌欽天監侍郎湯序者亨黨也嘗奏災異請盡去姦臣帝問正正言姦臣無指名卽求之人人自危且序術淺何足言也乃止有僧爲妖言錦衣校邏得之坐以謀反中官牛玉請官邏者正言事縱

得實不過坐妖言律邏者給賞而已不宜與官或爲匿
名書列曹吉祥罪狀吉祥怒請出榜購之帝使正撰榜
格正曰爲政有體盜賊責兵部姦宄責法司豈有天子
出榜購募者且事緩之則自露急之則愈匿也帝是其
言亨從子彪鎮大同獻捷下內閣問狀使者言捕斬無
筭不能悉致皆梟置林木間正取地圖指詰曰某地至
某地皆沙漠梟於何所其人語塞時亨吉祥恣甚帝頗
厭之正從容言二人權太重臣請以計間之帝許焉正
出見吉祥曰忠國公常令杜清來此何爲者吉祥曰辱
石公愛致誠款耳正曰不然彼使伺公所爲也因勸吉

通州志

卷之八人物

鄉賢

六

祥辭兵柄後詣亨諷令歛戢二人揣知正意怒吉祥見
帝免冠泣請死帝內愧慰諭之召正責漏言會承天門
災正極言亨將爲不軌且言陳汝言盧彬小人狀時徐
有貞再下獄復云用有貞則天變可弭帝皆不納命正
草責躬詔正草詔語極切直多中姦倖舉朝傳誦而亨
吉祥構蜚語謂正賣直謗訕帝怒謫正廣東欽州同知
道鄒以母老留旬日陳汝言令巡校言狀且言正嘗奪
公主田遂逮繫下獄杖百戍肅州行至涿夜宿傳舍手
拳急氣奔且死涿人楊四醉卒酒脫正拳剝其中且厚
賂卒乃得至戍所亨吉祥旣誅帝謂李賢曰岳正固嘗

言之賢曰正有老母得放歸田里幸甚乃釋爲民憲宗立御史呂洪等請復正與楊瑄官詔正以原官直經筵纂修英宗實錄成化元年四月廷推兵部侍郎清理貼黃以正與給事中張寧名並上詔以爲私出正爲興化知府寧亦補外正至官築隄溉田數千頃節縮浮費經理預備倉興草多所裨益有不利其所爲者騰謗言五年入覲遂致仕又五年卒年五十五無子大學士李東陽御史李經其壻也正博學能文章高自期許亦旁及書畫法氣屹屹不能下人在內閣才二十八日勇事直言便殿論奏至唾濺帝衣有規以信而後諫者正曰上

通州志

卷之八人物

鄉賢

九

顧我厚懼無以報稱子乃以諫官處我耶英宗亦悉其忠其在戍所嘗念之曰岳正倒好只是大膽正聞述帝語自爲像贊嘉靖中追贈太常寺卿諡文肅建祠祀之所著有類博稿十卷行於世深衣纂誤一卷藏於家祀

鄉賢

按舊志摘錄李東陽所撰傳今從明史節錄

施聚其先沙漠人居通州父忠爲金吾右衛指揮使從成祖北征陣亡聚嗣職宣德中備禦遼東累擢都指揮同知以曹義薦進都指揮使義與兀良哈戰聚皆從也先逼京師景帝詔聚與焦禮俱入衛聚慟哭卽日引兵西部下進牛酒聚揮之曰天子安在吾何心饗此比至寇

已退乃還歷官至左都督天順元年封懷柔伯食祿千一百石明年以守邊久與世券聚智勇樸直與士卒同甘若在遼東訓練有法增繕障塞興修儒教軍民悅服卒贈侯諡威靖四傳至瑾吏部言不當復襲世宗特許之傳爵終明代

舊志失載今從明史合傳及獻徵錄傳中採入

朱銳通州人登景泰二年進士銳為諸生時宿學舍同舍生有亡銀簪者意銳匿之銳弗辨計直以償後同舍生覓得所失簪大愧還直銳亦不責其前非也學宮前路遺金銀器一囊銳守俟失物者果有人涕泣至詢得實盡歸之其人願中分以謝不受歷工部郎中每奉差過

通州志

卷之八人物

鄉賢

三

鄉里至西郭外即下騎步行遇親識無貴賤一以禮接之人共稱為長者祀鄉賢

舊志以銳為天順辛未進士誤

徐盛灤人景泰四年舉於鄉歷陝西鞏昌知府舊志選舉表內載其有善政所至吏畏民懷

舊志無傳今補

李溫灤人與兄明同舉景泰四年鄉試溫登天順四年進士選庶吉士歷禮部左侍郎舊志選舉表內載其律已謙和居官清慎有美政孫儼官陝西南鄭知縣

舊志無傳今補

孫節字守中通州人少負氣岸不苟交遊雅善州諸生楊勝以道義相期許成化元年舉於鄉知山西稷山縣有清操剛介不容於時罷歸簞瓢屢空晏如也與舊友勝

談經論詩獎進後學多士式之子臬登賢書任河南浙川訓導節將就養時勝已沒二年瀕行爲文辭勝墓悽惋若骨肉然篤於友誼若此祀鄉賢

楊奉春字世元通州人原籍錦衣衛性孝友學問博洽工爲文章登成化十一年進士授工部主事居官以清慎著祀鄉賢

顧大章字天和號小容通州人性聰敏倜儻不羣學問博瞻治制義能洗時習善詩歌古文援筆立就不待點竄宏治八年舉於鄉官西安通判有小容集行世祀鄉賢周榮字國信通州人原籍神武中衛登宏治十二年進士

通州志

卷之八人物

鄉賢

三

知徐州蕭縣有僧欲強姦民婦婦不從僧殺之時其夫他往婦家誣夫弟甚堅榮疑爲冤獄未定夢婦白死狀甚悉乃托疾許齋諸寺僧而殺人之僧亦至禽治之一訊卽服遂釋其弟邑人稱爲神明祀鄉賢

甯河字伯東號石津通州人父賢爲名進士河登宏治十八年進士授戶部主事出知河南臨漳縣多惠政彰德郡志中備書其績擢知德州隨都御史馬中錫招撫流賊劉六等將就平爲璫沮尋以賢能擢河南按察司僉事兵備信陽時信陽爲盜賊負固地河至捕治巨猾殆盡凡案獄發姦摘伏雖閭里銖兩之細皆無遁情信陽

人謂前後監司罕有其匹立祠祀之祀鄉賢

蘇雄通州人宏治間歲貢生由大理寺評事歷山西按察司僉事居家孝友親睦爲子弟率及服官公正勤慎不與世俗浮沉鄉人謂其生死不二心順逆不喪守直與冰霜同操者祀鄉賢

李欽字敬之號心齋通州人世襲武清衛百戶初因祖贄張氏從其姓通顯後復姓李登正德六年進士由行人授御史巡視居庸諸關十二年七月帝聽江彬言將出關幸宣府欽上疏諫不報八月朔帝微行至昌平傳報出關甚急欽命指揮孫璽閉關納門鑰藏之分守中官

通州志

卷之八人物

鄉賢

三

劉嵩欲詣昌平朝謁欽止之曰車駕將出關是吾與君今日死生之會也關不開車駕不得出違天子命當死關開車駕得出天下事不可知萬一有如土木我與君亦死寧坐不開關死死且不朽頃之帝召璽璽曰御史在臣不敢擅離乃更召嵩嵩謂欽曰吾主上家奴也敢不赴欽因負勅印手劍坐關門下曰敢言開關者斬夜草疏未上使者復來欽拔劍叱之曰此詐也使君懼而返爲帝言張御史幾殺臣帝大怒顧朱寧爲我趣捕殺御史會梁儲蔣冕等追至沙河請帝歸京師帝徘徊未決而欽疏亦至廷臣又多諫者帝不得已乃自昌平還

又二十餘日欽巡白羊口帝微服自德勝門出夜宿羊房民舍遂疾馳出關數問御史安在欽聞追已不及欲再疏諫而帝使中官谷大用守關禁毋得出一人欽感憤西望痛哭於是京師盛傳張御史閉關三疏云三疏載藝文明年帝從宣府還至關笑曰前御史阻我我今已歸矣然亦不之罪也世宗嗣位出爲漢中知府總制楊一清疏薦擢延綏兵備副使欽請給關防置簿籍釐剔衛所積弊鳳翔有地曰胡店山險多巨盜欽請于巡撫劉允悉禽滅固原迤北地平行敵易闌入欽受總制檄東自環縣西抵蘭州幾千里內多立塹壘不三月告成邊

通州志

卷之八人物

鄉賢

三

地賴之累官太僕卿嘉靖十七年以右副都御史巡撫四川四川每歲徵收糧額一人多至千石難辦易侵欽令郡縣多簽收戶每戶無過百石數少易完上下稱便請城堡增戍于獐獵以禦西北築隄防以捍嘉定水患嘉定人立石頌其德後召爲工部侍郎被論罷欽性剛正不俯仰時俗事親孝年已四十父母偶不懌長跪請至解乃已嘗語人曰事君事親總在勿欺欺則何所不忍爲平生待吏民無不以至誠爲本嘉靖壬寅卒年六十六歷仕三十年家無儲積子孫俱守寒素人益多其

廉潔云祀鄉賢

舊志傳載事實尙多闕誤今考明史更正

楊行中字惟慎號潞橋通州人父疇敦孝友撫弟遺孤成立嘗拾遺金歸其主潛德未耀行中中正德十五年會試嘉靖二年廷試賜進士授浙江山陰知縣厚重廉平善理繁劇凡興學勸農築隄捍海諸惠政次第畢舉報最擢監察御史巡撫遼東時巡撫呂經激兵變部議勦行中請榜示諸城令亂者自相擒捕以贖罪從之兵遂寢世宗將幸承天行中力諫上震怒命廷杖會風變得免歷南京都察院右僉都御史提督操江查補缺額官軍七十餘名有議處將領及議處民兵疏揚子江巨盜黃勤等聚黨結鹽徒肆擾行中密授弁兵方畧捕獲之

通州志

卷之八人物

鄉賢

十四

餘黨盡散人呼爲江神累遷刑部侍郎奉命案鄭王但列王驕僻狀而洗不軌寃釋株連數百人遷南京工部尙書疏請博咨才畧以備安攘因舉侍郎鮑象賢總兵俞大猷等從之時倭寇猖獗南京城久圯請繕完以便防守遷南京吏部尙書行中素遠嚴嵩至是爲嵩黨劾罷隆慶六年卒年八十四其始爲御史也章凡十餘上皆允行左都御史王廷相稱其剛直明練途遇武定侯郭勛家人有怙勢狀杖之勛謝罪爲御史十年不調吏部尙書許讚將薦擢語同列云吾今薦一不識面御史何如初救陶仲文于戍所仲文貴幸欲有以報行中拒

之曰彼非吾徒吾亦非彼德也行中年六十餘父卒猶孺子泣所受祿悉贍族無吝家居恂恂如寒素嘗纂輯通州志畧祀鄉賢

陳堯字敬甫通州人登嘉靖間進士由戶部郎出守台州治行為東南第一轉長蘆都轉鹽運使遷貴州按察使時採皇木取丹砂使者相望堯每事節省曰勿導荒服以奢靡後巡撫四川轉南京工部侍郎總理河道會河淤沛下堯乘小舟訪古廟碑記知刁陽湖可濟運遂引漕由湖而北決口以塞以刑部左侍郎致仕卒按舊志科第表無陳堯名亦未見鄉賢傳今考畿輔通志人物志中載堯為通州人立傳頗悉及考畿輔通志選舉亦無其名

通州志 卷之八 人物 鄉賢 三

不知嘉靖何年進士補登以備稽攷

聶宗元字陽春號近川祖森襲京衛指揮職家於溇父敏以都指揮領河南軍威信甚著宗元少力學能文章嘉靖二十二年舉於鄉從游者甚眾如副使殷仁通政王汝言叅議劉時敏皆出門下授山西忻州知州忻俗僻獷宗元至設科條均賦稅不嚴而治值大祲濟荒有善政全活千餘人且擒治舉火剽掠為民害者遇敵警堵禦甚力民賴以寧巡撫將薦之被譖歸長子大經官神樞營副將迎養於京卒年八十八宗元天性孝友待戚友誼極厚溇人咸稱之通政使杜其驕譎墓誌銘

王時舉字晉卿號養吾其先江西人洪武初始祖英充錦衣衛徙通州時舉生四日喪母祖母桂撫之登嘉靖四十一年進士授河南府推官偃師縣有田黃二姓指腹約婚黃生女秋雲田生男克普婚遂定後黃通顯田貧不能聘黃欲寒盟女請于母密遷隣媪約克普暮至某所遺以金使備禮娶歸克普喜甚露其實于友朱龍沈橋龍橋思攘其貨醉克普酒暮造約所果有金在地持以行時秋雲同隣媪睨于旁媪訝非田生且熟二人面呼其名叱之二人懼事露剽刃掠金去克普醒往見兩尸血淋漓仆地驚走遺一履不及躡血漬襟袖事發不

通州志

卷之八人物

鄉賢

三

能辨坐抵罪時舉至疑其寃按之未決夜夢女子訴曰某某實殺妾者逮田生枉矣覺而異之審夢中狀捕二人至一訊卽服發其金猶在也抵以法田生得釋擢監察御史劾刑部尙書黃光昇言內官季永以訴事犯乘輿本無死比乃擬真犯姦人王相私闖良民者二本無生法乃擬矜疑宜勒令致仕帝怒命編氓口外隆慶改元召補山西道御史巡按貴州時戎備久弛土獠肆掠時舉檄各道督游校偵察之懸賞厲戒期撲亂首分別土司地界界內有亂酋長連坐羣盜盡息時陳皇后無子居別宮時舉于萬里外疏請正位中宮以端治本帝

方廣市珠寶疏陳奢靡之害臺諫有被謫者申救甚力
至議屯田議鹽政議貴陽更置城邑無不切中時弊又
疏請表章曾大母正節情詞極切萬歷初掌河南道疏
請復建文年號大義侃侃歷大理左少卿善決疑獄必
無生理而後置之法年四十六卒於官逾月妻董舉子
實堅妾王亦有遺娠舉子實穎人以爲天錫之嗣云祠

鄉賢

節錄明
史合傳

張汝濟字仁甫號育泉先世浙之鄞人以軍籍隸通州衛
少嗜學兄汝源先登嘉靖四十年賢書汝濟與兄自相
師友隆慶元年舉於鄉授山東蒲臺知縣值亢旱禱雨

通州志

卷之八人物

鄉賢

三

立應邑劍夜巡派編戶頗擾民乃改役民壯蒲糧多里
甲包收每致侵漁立八櫃令自封投納又釐鹽弊絕饋
遺大吏薦剡云媼阿恥同俗吏方正卓有古風再知山
西陵川縣治獄公允罪首惡釋無辜他若興學育才戢
姦馴暴一如治蒲之政去官日士民如失慈母旣歸不
以私謁有司遇民生利病輒昌言不諱張灣舊有稅名
地基錢乃刁民私歛力請裁革通向辦工部車馬僉派
累民力請當事更之性豁達不屑治生產所入皆贍族
濟緩急助婚喪無稍吝者訓諸子以忠孝季子樞芳成
進士以國難罵賊死詳忠烈傳崇禎辛巳蒲臺人上汝

濟治行崇祀名宦去宰蒲時四十年矣祀鄉賢

楊惟清字子廉號明野先世自淮安徙於通祖景芳詳耆英傳父錫有隱德善教子惟清少窮經史學問淹博萬歷元年舉於鄉授山西太谷知縣潔已愛民多善政家居極謹厚犯亦不校里中有無辜罹法者力雪其冤嘗貸金于人弗能償焚其券弟惟洪惟治相繼登甲乙科子八人皆力學次子若桐詳忠烈傳孫士炘士斌俱進士

李三才字道甫號修吾父由臨潼徙通爲州人登萬歷二年進士授戶部主事歷郎中魏允正言事忤執政抗疏

通州志

卷之八人物

鄉賢

天

直之謫東昌推官累遷山東僉事所部多大猾積盜悉禽滅尋以右僉都御史總督漕運巡撫鳳陽時礦稅使四出攘奪公行稅監陳增尤甚姦民趙古元李大榮等以礦稅故起爲盜三才捕斬之疏陳礦稅之害劾陳增骫法凡三四上不報三十年帝有疾詔罷礦稅旋止三才復極言國勢將危請亟下前詔不聽清口水涸阻漕三才議濬渠建閘督儲侍郎趙世卿力爭三才遂引疾求去帝以爲委避許之南北臺省交章乞留御史史學遷疏言陛下以陳增故去三才非所以抑姦邪扶正氣不報三才遂去淮之徐州連疏請代未得命會侍郎謝

杰代世卿督儲復請留乃命三才供事侯代者帝亦竟不遣代也明年疏言天變人離睢州又有巨盜請免徵求以紓民困亦不報旣而睢盜就獲三才因奏行數事部內晏然歛人程守訓附陳增自恣三才劾治得贓數十萬獲其僭用龍文服器下吏伏法遠近大快顧憲成里居講學東林三才與之厚憲成亦極引重而浙黨御史徐兆魁等力排東林深銜三才三才在淮久以折監稅得民心及淮徐災又請賑恤蠲馬價淮人深德之屢加至戶部尙書會內閣缺人議者謂當參用外僚意在二三才及都御史缺需次內召浙黨忌益甚工部郎中邵

輔忠劾三才姦詐有四大罪御史徐兆魁繼之三才四疏力辨且乞休憲成貽書大學士葉向高白其誣一時劾者救者朝端聚訟御史喬應甲劾三才十貪五姦帝皆不省三才請罷疏十五上久不得命遂自引去帝亦不罪三才旣家居忌者慮其復用御史劉光復劾其盜皇木營建私第侵奪官廠爲園囿三才憤甚自請籍其家又請諸臣會勘帝命御史李微儀給事中吳亮嗣往勘如光復言還報遂落職爲民天啟三年起南京戶部尙書未上卒後魏忠賢亂政其黨御史石三畏追劾之詔削籍奪封誥崇禎初復官三才才大好用機權由是

爲衆所忌毀顧擊三才者若邵輔忠徐兆魁輩咸以附
魏忠賢名麗逆案而推轂三才若顧憲成鄒元標趙南
星劉宗周皆表表爲時名臣故世以三才爲賢三才所
著有雙鶴軒詩集灼艾集無自欺堂稿誠恥錄行世

按舊

志載入流寓文多闕誤今考明史已
書通州人故摘錄史傳列入鄉賢

張祥字夢麟號魯郊溇縣人性孝友勇於爲義讀書務究
心理學身體力行萬歷四年舉於鄉授山西壺關知縣
後調原武政本廉慈民被其澤及歸兩臺連章乞留百
姓亦詣闕籲請不果原武人勒去思碑紀其德建生祠
祀之居鄉以修舉廢墜爲已任葺學宮立文社新岳文
通州志

卷之八人物 鄉賢

三

肅公祠捐置學田三頃八十畝餘今現存督學左光斗
奏請祀鄉賢

岑應春字繹仁號雲石本徽州汪氏曾祖璉任常州推官
家武進嘉靖中父宗沆挈家之京師應春生三歲父歿
母貧不能自存改適州吏岑某撫於岑遂從岑姓爲通
州人好學工文聲譽早著登萬歷十四年進士授工部
屯田司主事營山陵與中官相忤出董清河陶務清河
人歲辦陶千里輸納所司核當否乃返陶所受直然曰
辦曰輸曰核無不爲陶人難者清河人輒以陶死比受
直又多侵蝕應春憫之爲立法甫陶卽予直附糧艘赴

納囑所司曰陶所已核勿再擾也疏請勒石以紓陶人困備兵東究荒多盜人相食悉心賑濟盜賊旋息遷岢嵐副使岢嵐故邊郡武備久弛爲設新障百八十里邊人稱岑公堡焉却羨緡絕供應政績卓然朝議有論清河陶不如法者詔鐫秩向所忤中官中之也初應春父卒殯於寺鄉薦後卜葬永定之阡又爲岑氏葬其先爲繼父置媵生二子請封繼父如其官萬歷戊戌卒年五十五葬州城南藁村後十餘年清河人段世正過墓所猶感治陶之德痛哭拜奠而去初應春娶陳無子繼娶王生子光緒未周晬應春與王相繼卒妾徐氏謝氏盡云

通州志

卷之八人物

鄉賢

三

守節撫之登賢書歷官監司苑馬寺卿徐謝詳列女傳光緒旣貴復姓汪歸武進以成父志事庶母亦孝養兼馬經綸字主一號誠所其先霍山人永樂間立功世襲通州衛千戶爲通州人登萬歷十七年進士授山東肥城知縣挾仁贈編以往仁贈編者皆集先達格言以爲治具者也至任以召募代徭役以浮羨充丁糧闢至道書院以課士易土城以石繕修堅固旣竣曰民罷矣引邱邑隔微列請寬歲額若干考最擢監察御史時尙書孫丕揚奏丁此呂貪縱戎政侍郎沈思考疏救此呂經綸

以思孝爲首禍之臣請斥罷大意謂息辯胎以息禍胎
息正人君子之禍以息宗廟社稷之禍語多切直時論
趨之又因海防兵謀疏陳處置五策并條上邊薊五事
方是時帝以兵部考察不當波連諸臣銳遣言官旬日
中被斥至三十有四人中外震恐經綸陳優容言官疏
力爭之全疏載帝覽疏大怒貶三秩出之外工科都給
事中林熙春等疏救帝益怒加貶經綸爲典史後南京
御史林培疏陳時政帝遷怒經綸竟斥爲民旣歸村門
却掃凡十年嘗遷葬侍郎李欽業師李春雱及友李
吉所武含春於鄉會坊置義地以歲給貧士其好義如

通州志

卷之八人物

鄉賢

三

此易簣時友人張祥來視曰到此全要主持答曰學道
有年到此時纔是學道正容端坐而卒年四十四州人
巷哭肥城人爭來視喪門人私諡曰聞道先生天啟初
復經綸官贈太僕少卿祀鄉賢舊志傳多闕誤
今考明史更正

蔡成巳字復仁號任宇通州人登萬歷十七年進士授浙
江錢塘知縣後歷三原汾陽蘄水諸劇邑多惠政於汾
置義田於蘄設社學愛民育材大率類此遷刑部主事
以饘粥食囚命獄卒滌械器囚俱感泣州人跡其服官
廉惠家居爲後進矜式請於督學左光斗奏祀鄉賢
楊惟治字子理號同野惟清弟性篤孝父母卒哀毀幾殆

廬墓所晨夕長號不已登萬歷二十年進士授河南南陽知縣地當孔道多供億惟治經紀有緒不困郵傳值歲祲大疫亟請發廩以賑搆藥選醫多方濟之活者幾萬人盜賊竊發設法掩捕悉駭散中使奉命開礦惟治力爭南陽無礦寧歲輸二百金以安山谷及民間廬墓大災後賦莫辦婉諭急公不以追呼擾民聽訟如神矜宥小過惟豪強故犯務寘之法三年邑大治舉卓異第一擢刑部主事累遷郎中持法平允嘗盛暑閱獄見圜扉早閉多蒸鬱癘氣憐之許每晨啟戶納涼請著爲令居刑曹九年遷河南布政司叅政礦盜嘯聚民倉皇出走馳檄撫之盜卽散他若開煤窰濟公需修藩封靡政不舉四年擢陝西按察使廉肅飭下墨吏聞風解綬去致仕歸喜作樂府詞千言立就不在宗元下也每歲按部使者造門請謁謝弗見見亦不及私畿內有警與州守登陴畫地固守捐貲修城樓櫓屹然以資保障崇禎辛未卒年七十四季子若橋成進士歷官至御史若橋著有香雪齋集通署詠行世孫正中詳後傳

雷應科號觀齋其先江西臨川人八世祖得明洪武初以戰功賜顯忠校尉七世祖振承襲復由定邊衛指揮調通州屯札督軍耕種世襲八代遂隸籍爲通州人應科

資行醇茂篤學不倦萬歷間歲貢生授山西五臺知縣
爲政寬和不尙刻覈惟抵逆子以極刑民間稱快 國
朝雍正二年祀鄉賢子起龍詳後傳

羅永春號和陽通州人性穎敏一目數行年十四言立
就萬歷三十四年舉於鄉授長垣教諭講求理學爲弟
子率一時多所造就歷遷紹興府同知潔已愛民屏絕
私餽時郡守及諸邑令相繼入覲永春攝府邑篆案牘
山積坐理裕如致仕歸年八十餘好學如少年和易近
人鄉里尤愛慕之 國朝雍正二年祀鄉賢

楊鎬字京卿號後橋行中子萬歷三十七年舉於鄉授山

通州志

卷之八人物

鄉賢

三

東泗水知縣揭天理二字於堂政皆公允恤郵傳清賦
役興利除弊悉裨於民性耿介尤不避權貴自奉甚薄
或謂之曰若此何用服官爲鎬正色答曰予豈溫飽者
流恐愧先人清白耳嘗與戶部尙書李三才講求慎獨
誠意之旨力行不懈易簣時謂諸子曰此時心上一物
不着可以見先公不愧矣李三才銘其墓祀鄉賢

李可久字如我通州人學問博洽循循誘人名士多出其
門下萬歷四十年與弟鉉之同舉於鄉授完縣教諭課
士極勤興起甚衆擢知河南息縣時肇修河工民困畚
鍤爭逃亡避役可以請出公帑給直始得安堵邑試童

子有紳居要地者囑拔其子爲冠可久憑文乙置之紳
愠嗾上官以他事劾左遷衡府典膳比歸偕鄉人結文
社每課七藝陶成後進其教人始終不倦如此里中稱
師法者必曰李先生云

楊若梓字原育號芑寰惟洪子生有至性數歲父卒事母
張以孝著登萬歷四十一年進士授河南信陽知州潔
已愛民禁絕耗羨治獄務平允判決如神不以案牘假
吏手著有申陽未議皆足爲吏治法初若梓甫蒞政監
司洪某意輕之易服矚其聽訟閤者密以告訊讞自若
洪由是意其才凡疑獄悉委鞫焉歲旱步禱跪烈日中

通州志

卷之八人物

鄉賢

三

雨立至謂未霑足跪如故監司至掖之起人感其愛民
之誠居恒勸農桑興學校爲士子校文藝多所造就課
最擢禮部祠祭司員外郎攝儀制司事值神宗光宗相
繼崩熹宗嗣位大禮疊至若梓敬慎將事無纖悉闕畧
廷議改元謂光宗初立詔以明年爲泰昌今一月而崩
紀元焉屬若梓建言曰一年三君前代所無若仍以明
年爲泰昌則無以處今上若遂以今年爲天啟則無以
存先帝皆不可請以今年八月後改爲泰昌元年明年
爲今上天啟元年旣存先帝之二元又尊今上之統庶于
情理爲愜閣臣九卿皆是其議具奏報可先是光宗卽

位京營及邊軍皆有賞獨不及通州五衛若梓力請得
邀賞如例云

舊志傳誤今
考明史更正

李國泰字仲開號傲隍通州人幼穎敏嗜學馬經綸亟稱
其文命子健順結爲友萬歷四十二年舉於鄉授南樂
教諭教諸生爲文有法度擢知山東金鄉縣迎父及庶
母諸弟子任孝友兼盡子懋華聘雷起鯨女崇禎己巳
起鯨避兵挈家南下國泰遣使迎之至金鄉起鯨卒值
歲暮爲籌辦身後事甚悉迎其家屬於署中明年春使
人護起鯨喪歸泣送北門外十數里遷大理寺評事以
父憂奉父喪歸葬爲諸弟營居宅使與已等國泰居官

通州志

卷之八人物

鄉賢

三

廉謹又友愛諸弟多所分析益寒素遷寺正卒舉家相
繼殞遺一孫昂懋華出

雷起龍字伯起號震潛應科子少好學嗜古居盤山讀書
十數年手錄諸子百家甚富登萬歷四十四年進士授
陝西三原知縣三原與涇邑隣兩邑民共引水溉田曰
分水曰爭水曰侵水曰盜水曰霸水訐訟不止起龍至
爲剖畫息爭又戢強暴安寡弱民皆樂業調霑化及長
清政皆善累遷刑部郎中奉命恤刑兩浙平反冤獄以
百計性明決負氣節不畏權勢人有過輒面折或事當
盤錯人所畏憚者毅然任之歸田後嘗謁漕使閤止下

輿闔中屏導側門入忿作色回車不顧在浙不拜魏瑄
生祠人尤服其氣骨云 國朝雍正二年祀鄉賢

劉廷諫字咸仲號良哉通州人登萬歷四十七年進士授
刑部廣西司主事有陝西民首韓宗功等數十人爲姦
細三法司悉議辟廷諫曰廷尉天下之平若但據首詞
遂律以叛何平之有都御史楊漣然之行令察覆得釋
者衆累遷吏部郎中忤魏瑄罷崇禎初復選郎陳啟新
上書請廢制科罷行取疏下部議廷諫力言其謬得不
行兵部尙書楊嗣昌奪情蒞事廷諫上疏諫不納時僉
派經紀運糧通民苦累廷諫力陳當事疏免司漕中官

通州志

卷之八人物

鄉賢

三

誣倉役侵糧論死亟請大司寇上聞龔文等十五人得
出死獄前後在吏部二十年以耿介見泥不調甲申徵
拜僉都御史卒所著有雪菴初集次集白雲牘司銓奏
草都下草退谷蠱言年譜紀畧行於世

舊志未立
傳今補

張文煥字君亮號澄生汝濟孫檜芳子幼嗜經史過目成
誦爲文法先輩大家崇禎間補諸生屢試高等居家孝
事父母友愛諸弟從弟文燧歿於浙文燿死事于閩喪
不能舉文煥遠涉江滸奉其喪挈眷屬歸并爲復其田
宅諸從子賴以自立女兄二俱早卒撫其遺孤成人教
諸從子讀書自好卽遠宗者亦出資助膏火字諸姪女

俱得所其他睦婣任卹不可枚舉以子士甄貴 國朝
累贈吏部尙書康熙三十五年祀鄉賢舊志未立
傳今補

張文燧字彥彪號湛生汝濟家孫杞芳子崇禎七年與弟
文輝同登進士授山東益都知縣俗桀黠難治至則抑
豪強保良善禁衙邸諸閹之以稱貸尅民利者課諸生
文藝講明性命之理手錄薛文清格言授之二年奏最
將遷士民請留復任後擢吏部驗封司主事歷文選司
員外郎甲申之變弟文輝官徽寧兵備文燧奉兩親適
徽寧迨文輝死事於閩奉母棲會稽之若耶溪上從子
士甄貴貽書請還卒不出性狷介寡言笑讀書沉細工

通州志

卷之八人物

鄉賢

三八

書法晚益工詩有彥彪近藝怡怡堂詩集行世 國朝
雍正二年祀鄉賢子士壽詳孝義傳

李永達字質夫號裕寰通州人崇禎初諸生明末任張灣
守備性慷慨好義姑母適周文譽隨夫貿易寶坻崇禎
丙子城破文譽妻率子婦及女共六人投井死永達往
省爲殯殮葬於周之祖塋戊寅道遇避難童子李達任
邱人年十二永達憐而攜歸令與已子同學尋送還其
家酬謝却不受子涵詳後傳

雷應禹字動之應科從弟明諸生行端學純事親至孝撫
諸弟妹曲體親心周旋族黨情義無間有文集傳世歿

後葬梨園孫承恩銘其墓以子一龍貴 國朝封刑科
給事中雍正二年祀鄉賢 舊志未立
傳今補

國朝

朱光煥字雲暉號天章世襲神武衛指揮桂芳子襲職後
善御士卒有守城功明末土賊劫掠光煥督兵登陴晝
夜防禦甲不解者數十日戒軍士不許入民舍犯者貫
耳士民安堵釋老弱之爲流賊脅降者全活甚衆 國
朝官荊州遊擊其部下爲總兵遊擊者十餘人皆光煥
訓練所貽也子四長國垣官鎮江都司孫十五人

耿宗舜字鄰滄溇縣人明萬歷間諸生有文名曾分校溇

通州志

卷之八人物

鄉賢

三

志崇禎間以廩貢授青州府經歷未就 國朝順治三
年通州道蕭世彥特薦授山西榆次知縣實心愛民利
興弊草榆次向有棉稅官吏多侵漁宗舜纖毫不取以
羨餘贍貧民時流寇餘孽擾境棉賈棄貨逃宗舜爲之
封驗售價賊竄棉賈返以原價歸三年擢贛州府同知
歷贛南道金逆不軌犯贛州礮聲晝夜不絕宗舜籌畫
守禦閱八十日寢食幾廢將軍澹泰督兵至逆平宗舜
旋引年乞歸部議以守城功例廕一子宗舜謂守城乃
臣子分固辭家居十年卒年七十七祀榆次名宦子如
掄以隨勦海寇鄭成功功歷官廣西遊擊 舊志未立
傳今補

賈源字君逢號景洙通州人少嗜學嘗謁霍林湯賓尹叩
讀書法賓尹教以絕去外嗜鞭心向裏專趨一路勿以
異遷則明悟日益此由定生慧之理也如其教肆力攻
苦數往來請益雖策蹇時亦手一編不倦中前明天啟
七年副榜 國朝順治初授盧龍訓導性醇謹樂易善
啟迺後進年八十五卒卒後四日舉遺腹子得衍嗣

任希尹字君聘通州人前明崇禎十六年舉於鄉 國朝
授陝西中部知縣以學術治政教稱善凡里巷風俗山
川土物莫不周知間與所部諸父老談亶亶不倦性沉
毅有遠識能決大疑難事家居時後進以文章就正輒

通州志

卷之八人物 鄉賢

早

直言指導委曲造就妹早寡守正養之垂五十年終身
如一日他若振貧乏建廟橋鄉人賴之知州張民望重
其德舉鄉飲大賓年八十餘卒祀鄉賢

李得春通州人順治初以副將鎮沂州恤軍愛民善飭武
備時西山土寇嘯聚如林士民多他徙得春訓練將士
勦叛逆撫歸附三年間疆土宴寧百姓復業卒於官喪
歸軍民感遺愛泣送絡繹孫三人長維儀大姚知縣

韓元盛字心一通州人順治二年授山西寧武關陽方口
守備修城練兵三載報最擢利民叅將兼轄兵民恤疾
苦除強暴百姓愛之時流寇餘孽竄伏交城山元盛奉

撫檄往勦而二府總兵姜瓖忽叛利民失守元盛聞變還遇賊被執脅降不屈扁之別室賊所役使有元盛舊卒因共謀誅賊次日元盛懷利刃與賊語奮臂殲其魁舊卒并力持殺賊衆悉股栗受約束遂恢復諸城 和碩親王統兵至元盛詣軍門謝罪 王署爲前部盡掃賊黨以恢復功贖失守封疆罪左遷衡州府都司僉書致仕歸兄弟四人皆先卒元盛爲經營殯葬教諸姪成立親朋緩急罔不應里居四十餘年無少長貴賤以禮接之孫三長孫瑛登康熙三十九年進士官貴州甕安知縣

通州志

卷之八人物

鄉賢

聖

王公擢號遜哉其先自山西徙昌平明永樂間以功授世襲錦衣千戶徙于通爲州人自六世祖英而下以讀書世其家公擢性至孝色養兼盡廬墓居喪撫幼弟成立終身未嘗析居順治元年選貢生明年舉於鄉考授司理恬退不仕讀書課子弟晨夕無間者二十年持已耿介有同年友宦于通不以私謁遇後進稍涉非禮卽正言教之親黨婚喪不能舉者代謀必忠家雖屢空弗計也雍正二年祀鄉賢

魏繼樑前明大學士藻德從子事繼母至孝撫繼母所出諸弟極友愛順治五年舉於鄉授吳橋教諭按月嚴立

課程訓迪子弟文風翕然擢江西永豐知縣多惠政操守尤廉潔嘗曰芸芸皆赤子朗朗是青天爲民父母敢不精白乃心乎尋陞雲南北勝知州未任卒永豐人謂已爲本邑城隍云雍正二年祀鄉賢

張秉彝號潞源一號汝南通州人性豁達才力彊敏能任大事武清舊有運船八百艘派役通州通民苦多費秉彝力請當事得免歲省州人金以萬計順治五年恩貢生授江西吉安府經歷以幹練稱攝興國邑篆邑當兵荒後民僅孑遺賦莫辦秉彝絕不以催科擾民卒于官民哀感之

通州志

卷之八人物

鄉賢

聖

張士甄字繡紫號鐵治汝濟曾孫文峻子登順治六年進士選庶吉士授編修累官刑部尙書持法平允務從寬大改禮部又轉吏部掌銓三載謝請託疏壅滯公慎自矢士論歸之常奉使祭恒霍諸山途遇山西裁兵憫其無依令當事設地屯處河東鹽課積逋商人苦賠累疏請豁免凡爲會試同考文武會試總裁各一皆稱得人性謹飭謙和與人交藹然可親至獎薦人材必真知確見不肯輕徇引疾乞休卒年七十子五光鏞光鑾皆登賢書光鏞副貢生光鏐廩生光麟歷官郎中知府康熙二十五年祀鄉賢

雷一龍字伯復應禹子少力學事繼母至孝撫幼弟成立友愛無間登順治六年進士授山東汶上知縣潔已愛民修學宮草羸羨超雪寃獄人稱神君課最內擢歷工刑禮吏四科給事中釐剔弊竇不避嫌怨凡所陳奏疏悉以國計民生爲急順治十五年分校禮闈名宿爭出其房是科 殿試第一人孫承恩其一也雍正二年祀鄉賢

丁林聲通州人性穎敏髫年工文章順治十一年舉於鄉歷任學博課士有法擢四川慶符知縣地經明末變亂人民離散林聲至招徠撫綏流民漸集令民開墾無力

通州志

卷之八人物

鄉賢

四

者給以牛種邑向苦楠木差役力請豁免慶符鮮科名林聲爲新學校勤考課獲雋者衆士民爭感其德雍正二年祀鄉賢

康莊通州人生而穎異稱神童順治十一年舉於鄉時方弱冠聲譽籍甚兩秉鐸多所造就歷吏兵兩部司務擢兵部督捕主事監督京倉謹筭繪慎出納秩滿以病罷家居好學談文至老不倦生平著述甚富雍正二年祀鄉賢

劉爾發字性之號如未廷諫子博學強識凡先代掌故前哲遺跡以至奇書秘笈人所未經見者皆能歷歷道之

性耿介纖毫無苟取有懷千金囑爾發言于當事寬其
罪者峻拒不納嘗語人曰功名爲後品行爲先故終身
不變其守順治十一年歲貢生需次學博家居專務藏
修肆志古文詞賦年四十九卒易簣時故舊來視猶倦
倦以立品相勸勉云子培詳後傳

雷湛字雨若起鯨子事親至孝訓子弟以身率登順治十
二年進士授山西和順知縣專務化民刑不輕用校課
士子文風蔚起擢戶部郎中任大通橋河西務監督慎
出入薄征收德之者衆雍正二年祀鄉賢

李涵字孩乙號蘊生永達子居張灣幼有至性十歲張灣

通州志

卷之八人物

鄉賢

四

城陷侍母潘疾無頃刻離兵入憐其孝釋之事繼母如
所生撫養弟妹婚嫁得所教育從弟成立殯葬姊氏夫
婦喪途遇鬻女完逋者詢實傾囊以贈河南修武富豪
范某聘人長女聞其次女美欲易之女父忿墜樓幾死
涵適至聞之不平告邑令正其婚順治十四年舉於鄉
士有法年七十致仕歸越四年卒課子森發榮發俱補
諸生有文名

世祖章

皇帝親試之授學博歷廣平教授凡三秉鐸師範謹嚴課

杜繼召通州人登順治十五年進士授湖廣漢陽推官改

馬平知縣祀鄉賢

按舊志無傳今亦莫考但現祀鄉賢特誌官階補入列傳

楊正中字爾茂惟治孫少有至性七歲喪父哀慟如成人
事母盡孝將娶母卒或勸從俗婚于未成服時悲號拒
之砥節讀書登順治十五年進士選庶吉士授編修累
官禮部左侍郎清慎自持釐正百度爲海內所推重居
家事從父母如父母撫從弟妹如同胞娶婦朱賢而早
歿終身不再娶育甥女爲擇配瞻族中貧乏者又嘗捐
貲修學宮蓋所受祿不置田宅故貴顯猶儒素云雍正
二年祀鄉賢

李含春字梅谷通州人幼事父母如成人居喪盡禮析產
能讓田宅有從父家宣府一門殞于疫僅遺二孫含春

通州志

卷之八人物

鄉賢

聖

爲殯葬六喪撫其遺孤成立教從弟沛春滋春同舉於
鄉含春登順治十五年進士除保定教授宏獎後進務
崇實學嘗言士先器識而後文藝若本行不存而瑯華
繪藻非所貴也累遷吏部文選郎中選郎例任一載

聖祖仁
皇帝知其居官清慎留三年蓋異數也擢鴻臚寺卿祀保
定名宦雍正二年祀鄉賢

張鴻猷字匡鼎通州人登順治十八年進士累官兵部武
選司郎中廣西提學僉事粵西地介蠻服經明末兵火
後向學者寡鴻猷加意鼓舞文風漸振律已公正僚友
不敢以私相干雍正元年祀鄉賢

張文美通州人順治十八年 恩貢生授南和訓導學有
根柢教人文行交勗學者咸感其造就云雍正二年祀
鄉賢

尹肅京通州人性孝友尤尙風義康熙初以貢生授吳橋
訓導官舍傾圮賃居邑之劉氏宅見壁中藏白金四甕
戒勿啟立名劉氏子還之吳橋前令某罷官後旋卒以
子女託肅京爲撫養婚配遷東鹿教諭凡兩秉鐸以敦
實行斥浮華訓勉士子年八十九卒雍正二年祀鄉賢
陳震元通州人康熙二年舉於鄉由教諭擢知廣西貴縣
時徭寇聚據武山民不能耕賦莫辦震元密覘武山路

通州志

卷之八人物

鄉賢

巽

甚悉請于巡撫集兵捕禽賊魁餘黨旋散民復故業積
逋亦賴以完前令虧帑逮追卒於貴震元爲代補遣人
扶其喪歸值歲饑悉心賑濟全活無算貴邑鮮科第震
元嚴月課校文藝後竟有登賢書者在任將二年卒貴
之士民舉入名宦雍正二年祀鄉賢

劉培字厚卿廷諫孫早失怙恃力學承先志康熙二年舉
于鄉授保定教授文行交勗造就者衆擢廣東臨高知
縣邑濱海民貧多逋賦培力請豁免禁耗羨除陋規設
櫃令自納不以追呼擾民民咸德之居家敦友于睦親
黨談經講學後進得所矜式云雍正二年祀鄉賢

何憲曾字晉卿通州人康熙初貢生授山東縣佐時勦滇逆檄委解餉憲曾兼程而進最先抵滇擢陝西韓城知縣值歲歉民多不給憲曾設法施濟民困以紓修城垣立義學善政畢舉韓人德之爲建生祠

王暉字亦歿號秋潭公擢子少力學尙義行處兄弟間能讓財產姊孀居養終其身康熙八年舉於鄉歷懷安衛教授修學校課士子佐邑令賑饑築隄俱以賢能著擢湖廣安陸知縣廉明公正嘗自署內堂日夜告蓋以清獻自勵者年七十一卒於官安人哭之哀公舉祀名宦櫬歸奉准入城雍正二年祀鄉賢妾陳守節詳列女

通州志

卷之八人物

鄉賢

畢

張士堯士甄從弟康熙間貢生授山東高苑知縣歲饑賑恤有方全活甚衆在任八年民戴之雍正二年祀鄉賢張士珀士甄從弟康熙十一年舉於鄉授雄縣教諭訓課有法擢廣東永安知縣興利除弊政皆有裨於民以終母養乞歸居家好行善事里人德之雍正二年祀鄉賢王簡之字在公通州人天性孝友從兄早亡遺寡嫂孤姪奉養教育兼盡訓弟子敦實行崇正學一時獲雋者皆知名士登康熙二十七年進士授江西武寧知縣專務以德化民民感其澤不忍犯十年無命盜案委讞隣邑疑獄能立剖之遇旱蝗禱雨驅蝗甚力去官日邑人爲

建生祠至今事之如神簡之中年乏嗣其妻兄爲置一妾詢之乃舊家女迫於饑寒所致簡之卽遣嫁得所未幾妻連舉二子人謂長厚之報雍正二年祀鄉賢

朱綸字言如號悔菴其先山西人明永樂間以世襲指揮隸籍通州綸少孤家貧奉母至孝友愛幼弟嗜讀書尙氣節有海寧范姓者寓通與綸僅一識面疾亟以子女託綸檢其橐得三十金爲經營數年婚嫁得所仍以原貲歸其子北關村楊節婦年十四夫出不歸繼母逼改嫁不從守三十年綸高其節爲捐貲置地贍之且旌以傳後其夫歸完聚如故山左歲祲流民踵至綸倡立

通州志

卷之八人物

鄉賢

吳

善社施濟全活無算康熙四十七年以第一人舉於鄉明年登進士選庶吉士乞假歸修學校新祭器營建廟祠興舉廢墜平居博覽羣籍兼通岐黃術乙未

聖祖仁皇帝召對乾清宮校玉樞等書後以疾致仕雍正二年祀

鄉賢子元仲康熙甲午舉於鄉官山西寧鄉知縣

柳星耀國子生授州同性謙和坦易淡于仕進康熙五十九年需次將及親黨強令謁選任沂州州同理礦務稱職攝州篆廉明公正敷政裕如時鹽徒肆擾星耀嚴戒九十六堡靜鎮無恐旋以病乞歸居鄉好行善事與同志設善會施寒衣及棺具利濟甚多里人德之

郭應元字乾一通州人少工詩文名著都下康熙二十四年謁選授陝西長安知縣爲政務裨於民絕苞苴治豪猾催科不擾聽訟以公尤愛士創設義學獎勵成就者甚衆二十八年罷歸長安民謳思之所著有蘊香集關中吟座右箴銘

劉文燦字公著先世明季自紹興徙通爲州人父父國子生有隱德詳封贈表文燦性孝友尤勇於義年十五補諸生屢應鄉試不第康熙甲午秋闈同考以第一人薦主司第其名稍後同考固爭謂留發下科解竟被落自是以諸生老伯父肅沒無子文燦應爲後以產稍裕讓

通州志

卷之八人物

鄉賢

晃

仲弟文炳出嗣族有覬覦者力與文炳爲難文燦大義持之事遂寢家有田在靜海縣之木廠雍正九年靜海大祲村男婦衣食俱盡時直隸總督顧琮靜海令韓某勘災至木廠文燦請以田所獲七百餘斛賑附近村落饑民活者數百人故事士民捐賑逾三百石者授七品散官總督將疏文燦名固辭乃額旌曰敦仁好義韓令亦書義重燕山爲贈每歲秋赴木廠收穫道經天津偶於逆旅聞鄰家哭甚哀詢之逆旅主人曰是家有積逋將育女青樓得百金以償明日卽書約矣文燦慨然曰以貧故而爲倡吾不忍其喪節也出百金市之女名桃

花攜歸命爲僕張德妻京師朝陽門外米肆某家素與
文燦交易後以資大虧家幾覆文燦輦數千斛麥濟之
肆得復興其拯危救困諸義舉類如此初文燦甫冠而
孤諸弟皆幼文燦經理家政以所入奉母贍弟延師教
弟力學爲弟成室字兩女弟儀必豐備弟文煥旣遊膠
庠躡場屋乃厚資裝令入都充明史館謄錄議叙得官
遭母喪殯葬盡禮凡鄉黨中貧乏者殫力以助故身後
家無餘財人益重之弟文炳輕財周急如其兄子塤諸
生均舉人官陝西三水知縣文燦受贈如其官塤子錫
信乾隆乙酉舉於鄉所著有潞城考古錄潞城瑣事菱

通州志

卷之八人物

鄉賢

五

溪筆記等書

陳洪範字禹書通州人始祖瑄于明永樂間扈從來燕以
督漕治河功封平江伯祖永福明末征流寇有功歷官
總兵將軍父光肇能教子洪範以康熙五十二年舉於
鄉雍正七年授廣東東安知縣十年調英德地當苗獠
雜居有長岡嶺銅礦俗隄難理洪範以明幹廉潔治之
剽桀者皆斂跡乾隆六年擢浙江寧波府同知歷攝餘
姚永嘉邑篆有循聲曾押運抵通嚴拒糧艘陋規不納
旋以英德任內豫給礦工糧被議歸囊無所積然喜購
書日以貽吾子又嘗訓子河圖曰吾鄉舉日汝祖謂兒

苟筮仕當守廉明二字吾居官每書二字于座汝謹識
之卒年七十五至今粵人有祠祀洪範學問通敏以服
官久著作罕輯兼工書嘗書所著英石詩勒石於英德
官舍載藝文志子河圖舉乾隆庚寅鄉試

王鎔字樞五號若谷公擢曾孫三歲喪母既長嗜學家多
藏書靡不涉獵淹貫古今古文尤長於諸體詩由選貢
生雍正二年舉於鄉五年登明通榜乾隆七年復登明
通榜授新城教諭專務興起庠序造就人文凡膏火不
給者捐俸之外以已產易貲助之產竭不稍靳乾隆十
八年選授廣東永安知縣廉明勤敏政必裨民時邑尉

通州志

卷之八人物

鄉賢

五

貪黷沸怨鎔卽劾罷蠹弊悉清邑多山患虎重賞捕滅
地產羊角斷腸諸草民多誤採傷生者捐廉給直芟刈
殆盡公餘與書院子弟講論品題文風丕振閱三年以
教職改補士民建德政碑長生祠後補臨榆教諭課士
一如新城時任滿將赴省驗看過通得疾卒於家平生
著作多散佚僅梓秋草詩一卷子覲宸登乾隆庚子進
士官安徽穎上知縣

王鎬字肇周德福子父敦孝友教子嚴而有法所延傅必
宿儒鎬稟父師訓砥行力學動守矩矱年十八補諸生
雍正二年中副榜時甫踰冠當事重其行將舉應孝廉

方正科固辭不就居父喪哀毀骨立兩從父不暇理家
政鎬身任之事母及從父母極孝謹從母之孀居者體
恤尤至凡生事死葬盡禮盡誠字諸女弟奩贈不稍吝
待從兄弟友愛無間析居後猶爲主持遇急難不惜破
產以助他若遠宗踈戚濟贍極多有始終不倦者與人
交和藹可親每善排解然和中有介不屑唯阿見後進
又獎勵恐後云乾隆二十五年選撫寧教諭以疾辭居
家課子孫讀書四十五年偕衆紳士呈請修志未始事
先卒年七十七子宗涑孫桐俱庠生

陳瑞字玉汝號比菴通州人性孝友爲文守先正矩獲登

通州志

卷之八人物

鄉賢

三

雍正五年進士歷江南繁昌貴池霍山知縣廉潔自矢
政皆裨民善決獄務持平允遇歲饑設法賑濟全活甚
衆其治霍時俗喜媚神男女雜沓瑞舉不經之祀悉毀
之嘗公出遇童子泣於途詢之知其父爲人所戕不得
申理瑞拘其人訊實抵法童子方六歲無所歸育于署
後攜歸至二十餘贈以貲俾自營業去官之日霍人請
建生祠力却乃已有幾千里送別者杜門家居年屆七
十崇尚古道極愛獎勵後學創修家祠偕子姓恪循祀
事州人咸師其禮法云

蔡珏字聯璧通州人事父母孝家貧刻苦力學登雍正五

年進士分部學習授江蘇清吏司主事會新例舉才堪
民社者珏預薦出知河南鹿邑縣興利除弊務濟于民
尤善聽斷案無留牘嘗曰獄久則弊生恐累無辜也民
俱感服既罷歸篋無所有以課徒自給多所成就卒年
八十五鹿邑人祠祀之子三人

王璋字玉章號潔菴通州人力學能文屢贖場屋雍正七
年舉於鄉時年五十有八十三年揀發貴州試用知縣
歷署甕安婺川兩縣旋實授甕安縣甕安爲五方雜處
地民頗健訟素號難治璋甫下車寬猛相濟禁訟師嚴
保甲治獄誠信俗爲改觀尤樂修舉廢墜如倡葺文

通州志

卷之八人物

鄉賢

五

廟捐貲栽桑公餘與學宮子弟校論文藝士民德之乾
隆六年以老乞歸甕安民多遮道送者子曰萬國子生
田元樞字辰彥大祿曾孫性純正尤篤一本孀早寡從弟
未成立迎於家贍養以禮從兄無依事之二十年能推
己衣食又爲姪女擇配得所蓋田氏有世德至元樞尤
貧而義者律已極嚴雖晏處一室中必整襟端坐與人
交重然諾取與人有過面折無隱爲文不徇時好能探
討先儒理學諸書乾隆元年舉於鄉家居以授徒自給
凡來學者自成人以迄童稚造就有漸二十九年選授
臨榆教諭殫心訓課士林得所矜式越四載卒於官年

六十八所著有幼學草堂性理粗說若干卷幼學草堂四書考史若干卷幼學錄一卷皆其課徒手撰因材以授者惜未梓子營舉乾隆癸酉鄉試官豐潤教諭

潘炯字曦亭號勉齋先世浙之上虞人祖洪始家於通性敏嗜學博洽貫通爲文務根柢經籍補諸生三試皆冠其曹乾隆三年舉於鄉明年成進士初授江西進賢知縣有政聲丁艱服闋知浙江長興縣懲健訟別糟粳教士勸農靡政不舉地濱太湖宵小易匿選役設法偵緝民俱安枕遇旱步行赤日中虔禱立應邑南門有橋當水勢湍急處頻建頻圯爲導源引流橋成利涉調繁烏

通州志

卷之八人物

鄉賢

五

程縣首修 文廟及明倫堂添設愛山書院膏火值歲偏災辦賑者再災黎俱得實惠湖地瀕邊有七十二澗港淤塞多水患詳請疏通便民其他雪冤獄絕苞苴類如治長興時擢紹興南塘海防通判相度水利經畫盡善期滿擢廣西河池知州未抵任因公左遷遂乞歸凡三任浙吏恭逢

聖駕巡幸承辦差務俱以賢能著叠荷

上方賜賚有差其去官之日士民無不遮道送者炯天性孝友先後居祖母父母喪哀毀備至弟燧娶婦早亡遺一女撫如已出復爲弟續娶舉二子弟旋歿長侄又天撫次

姪圻教養肫切早年遊於庠爲姪女擇壻得人居家崇尚儉樸遇貧乏恒樂周卹云卒年六十有五子三坦候選縣丞均堂皆諸生充四庫館膳錄

倪祥麟字靈昭號怡亭通州人事親能先意承志嗜學眈博工爲文辭性豪爽能樹氣節乾隆十五年舉於鄉三十一年分發陝西試用知縣委署吳堡縣邑素瘠薄民力頗艱祥麟下車後振庠序清獄訟減徭役平市賣四民德之董修城垣費節工固閭閻無所擾去任之日士民勒德政碑文補石泉縣善政如吳堡時石泉界連楚蜀多積匪祥麟盡法懲治民爲之快適隣邑紫陽修城

通州志

卷之八人物

鄉賢

五

紫陽令患疾奉檄往理城工益勵廉幹紫陽令歿例無以本任兼隣邑篆者上官以祥麟能且吳紫接壤委令兼攝遂以勞瘁得疾卒於紫陽年四十子四學濬學哲俱諸生奉父喪歸葬居家能安貧讀父書云

馮國英字邁倫通州人先世素封祖父漸中落國英天性仁厚居父喪哀毀中禮事母以孝稱嗜讀書通經史註疏爲文研究理法弱冠補諸生家貧授徒教人存心立品務以主敬存誠爲主一時通儒名俊科第多出其門歲科輒高等棘闈十七試屢薦不售絕不以得失介意乾隆二十八年充歲貢生需次學博時年六十餘矣國

英生平律已嚴謹卽盛暑必肅衣冠詩酒偶娛亦受以節與人交誠意終始凡前言往行典禮儀文以及鄉先達文章政事遺蹟靡不殫洽州人士仰資文獻者四十年又旁精醫理星學百家術數雖不以醫名遇造請者輒赴應手卽愈晚年更及釋氏學能得超悟真旨以無疾終年七十親知及門下士皆哭失聲子二長本早卒次洙本妻黃守節詳列女

通州志

卷之八人物

鄉賢

五

忠烈

明

劉廷訓字式伯號弼寰先世自海寧徙通州性謹厚樂善不倦嗜讀書務為根柢之學崇禎間歲貢生授吳橋訓導崇禎十一年

本朝大兵南下知縣李綦隆欲遁廷訓止之與其守外圍將合綦隆縋城走廷訓即趨城上語守者曰守死逃亦死盍死於守為忠義鬼乎廷訓哭守者皆哭曰公死我等敢求活廷訓乃以幼孫付浮屠隆貴已介而守南門三晝夜炮盡城陷廷訓中流矢束胸力戰又中六矢乃死

通州志

卷之八人物

忠烈

五七

踰月其子啟棺更斂面如生崇禎十五年贈國子監學錄賜祭入吳橋名宦祀鄉賢

舊志傳多誤今從明史節錄

唐嗣美字繹如號憶孺通州人登萬歷三十二年進士累官山西布政使性廉介致仕後寓京師崇禎甲申為流賊所執擄掠慘甚含血喫賊死年六十七妻支攜子婦女婢九人俱死于井詳列女傳婿劉爾崧載其喪厝于

高麗庄祖塋

張樉芳號中柱汝濟子登萬歷四十四年進士由行人歷吏部主事文選郎中公正自持尙書趙南星雅器重之以魏璫恣假歸時里民苦徭役破家多鬻子應樉芳力

陳當事民困乃甦崇禎間起官選郎凡附逆璫遷秩者
釐剔之旋乞休家置義倉值庚辰大饑疫發廩設粥濟
食全活千計居恒以興利除害爲已任甲申之變爲賊
帥所執拷掠備至抗節不屈罵賊死年七十餘 國朝
雍正二年祀鄉賢

楊若桐號虞律惟清子天啟元年恩貢生授江南睢寧知
縣潔已愛民報最將遷尋乞歸崇禎甲申州城破爲流
賊所執不屈死年八十餘妾王守節詳列女

李鍾英州庠生聞流賊陷京師莊烈帝殉社稷整衣冠投
城內嚮閘河死

通州志

卷之八人物

忠烈

五

田銀匠失名通州人甲申三月流賊陷京師匠憤赴義投
水死

賈以祿字泰榮州庠生甲申之變欲倡義雪國恥以大義
曉其妻妻喻其意自盡死詳列女傳以祿詣莊烈帝梓
宮前拜伏痛哭賊異之不殺偕弟以壽南行至廣德州
州人以貌類馬士英誤擊死僕李讓亦被創三日復甦
葬以祿而還

閻應元字麗亨通州人崇禎中爲江陰典史十七年海賊
顧三麻入黃田港應元往禦手射殺三人賊退以功遷
英德主簿道阻不赴寓居江陰明年五月南京亡列城

皆下閏六月朔諸生許用倡言守城遠近應者數萬人
典史陳明遇主兵用徽人邵康公爲將而前都司周瑞
龍泊江口相犄角戰失利

大清兵薄城下徽人程璧盡散家貲克餉身乞師于吳淞總
兵官吳志葵志葵至璧遂不返康公戰不勝瑞龍水軍
亦敗去明遇乃請應元入城屬以兵事應元勵士卒守
城甚固東平伯劉良佐用牛皮帳攻城東北城中用礮
石力擊良佐乃移營十方庵令僧陳利害良佐旋策馬
至應元誓以大義屹不動及松江破

大清兵來益衆猶固守八月二十一日

通州志

卷之八人物

忠烈

五

大清兵從祥符寺後城入衆猶巷戰男婦投池井皆滿明遇
用皆舉家自焚應元赴水被曳出死之時訓導馮厚敦
縊明倫堂婦及妻王結衽投井死里居中書戚勲合家
先縊自焚死舉人夏維新諸生王華呂九韶自刎死應
元子晞後以株連坐罪晞妻王死最烈

舊志失載今從
明史合傳錄入

國朝

張文輝字仲文號闇生汝濟孫杞芳子崇禎七年與兄文
燧同登進士累遷徽寧兵備副使左良玉兵南下禦於
蕪湖左師却蕪湖獲全順治初改建南道移節邵武江
西寇起松關失守繫印于臂沉河死性孝友事親色養

備至弟有遺孤撫之若已出所著有怡怡堂集行世雍正二年祀鄉賢妻楊守節尋卒子士舉有文名

舊志傳誤今考

畿輔通志更正

通州志

卷之八人物 忠烈

卒

孝義 鄒邑併人

明

孫雄通州左衛人事親色養不匱以純孝著親歿廬墓三
年正統間有司奏表其門

按考明史增正

武金曹璉張欽皆鄒庠生正統十四年英宗北狩也先以
之去嗣遣使送還京師震恐詔募勇敢士三人素有義
行憤然曰何至被敵侮若是遂應募也先使至都城門
恣意悉索三人勇拒之使恐乃馳去贈三人國子生後
金官處州知府璉官撫州知府欽官前軍都督府都事
韓鵬通州人定邊衛千戶家承孝友六世同居有司奏表

通州志

卷之八人物 孝義

全

其門

耿從通州人性尚義正統間出粟五百石輸于官以濟時
急詔旌之

呂棟鄒縣人居永樂里嘉靖間歲貢生授河南桐栢知縣
有政聲事母周先意承志曲盡孝養每飲食必親嘗而
後進子孫在庭帷者五代日率之以娛其親母壽至九
十九棟壽至八十知縣李成旌曰斑庭願養邵致諾旌
曰節壽雙高

龍蹈其先南昌人徙居通州有至性幼孤母盛苦節撫之
蹈旣成立事母色養備至與兄躍友愛終身無間言撫

兩姪如所生兩姪早卒瞻其家母黨貧不給凡中表弟
妹二十人皆體母意隨時周急母年七旬病篤蹈禱于
天願減已算益母母聞之曰汝年四十尚無子可減算
乎顧汝矢此心或我增年而汝生子未可知也未幾母
病果瘳三年生子時化又三年生子起化年七十卒起
化天啟四年舉于鄉官無錫教諭時化妻彭起化妾張
後以節著詳列女傳知州俞孔震嘉蹈行以額旌之
褚時中州庠生性剛直尚氣節萬歷間州試多冒籍時中
呈于當事請查禁知州銜之以他事羅織時中戍死御
史馬經綸曰時中義士也以無辜戍戍且死故築虛墓

通州志

卷之八人物 孝義

奎

招魂以葬並表其墓石

苗必進通州人補京衛武生少孤事母鄭至孝人無間言
母歿廬墓三年日添塚土三次寒暑風雨弗懈值大雪
降三尺不及其廬有二犬守夜旦卽去禽鳥馴狎翔舞
廬旁皆謂孝思所感云知州楊忠裕旌曰廬墓孝子時
萬歷四十年

王可成號次槐通州人官工部文思院副使性慷慨樂施
天啟六年通大水多灾黎可成捐貲助有司賑粥遇歲
荒餓死者載道施棺蓆無算請于當事擇地瘞之置屋
十餘椽于南門外以棲行丐寒施綿絮殭者得免崇禎

二年張灣城陷遺骸載道不下千餘人與工部郎董中行設法掩埋又出家財犒守城軍士他若親黨婚喪乏資所助極多里人稱曰王善人

韓維城州庠生性耿介無絲毫苟取崇禎間巡撫差役解官項入京渡東門外河遺公郵及所賫銀維城得于渡所候其來覓役果涕泣奔至訊實還之役得免罪

康承錫字荷九號仁所父西泉由廣寧衛徙通州世襲通州衛指揮承錫誠謹醇厚有善行中年未舉子崇禎五年置妾孟氏詢其有故夫在以貧而鬻立遣還之未幾生子二長莊順治十一年舉于鄉歷兵部主事次政康

通州志

卷之八人物

孝義

奎

熙十一年拔貢生官隆平教諭

楊定午州庠生崇禎間父病劇定午禱于天願身代尋割股以進知州旌曰孝可維風州學正旌曰真孝子

劉澤宏通州人業儒家故貧教授生徒敦長者行崇禎甲申流寇陷京師徧拷諸縉紳家掠其財時有二生以宦裔將見及投止無敢留者澤宏匿于家得免難

張士壽字平格號山公文燧長子少爲名諸生文行兼著甲申之變文燧奉父母將避難先匿他所士壽留京邸都城陷流賊徧掠縉紳家及士壽舍士壽恐賊脅其家人洩大父母及父匿所出謂賊曰我張吏部子笥篋我

主之任汝曹取勿譁也賊搜括僅中人產見士壽不爲
屈釋之居數日又一賊繫去拷掠備至令舉戚黨有貲
者以贖其死士壽大呼曰死耳終不以戀喘息累他人
遂被殺于崇文門內 關帝祠先一口士壽知賊必不
釋已遺言致父母勿爲兒傷大父母春秋高傷兒恐爲大
父母戚文燧聞其言慟甚賊退文燧往殯之瘞張灣祖
塋題墓石曰張孝子墓

魏繼標州庠生大學士藻德子藻德爲流賊拷掠死復執
繼標繼標伏父尸痛哭被殺有僕呂承恩向賊乞繼標
父子尸賊義之承恩負歸殮葬繼標妻提自縊夫靈前

通州志

卷之八人物 孝義

畜

詳列女

馬昇字龍江通州人幼孤母王苦志守節詳列女傳昇有
至性稍長奉母誠孝家極貧隸名司禮監中力謀甘旨
以養兄弟四人友愛肫摯教諸姪務敦一本卒年七十
八 按舊志義行中誤將節婦王氏列入而傳內則詳其
子昇孝友事實今王氏改入列女昇補入孝義

吳承錫字康侯始祖俊以武德將軍自河南汝寧徙通州
承錫少補諸生能植品節父命爲從父後時州里僉派
供用庫役費無算嗣父列僉報中承錫力請得脫復派
河東經紀費與前役等亦求免崇禎五年知州李一爵
爲匿名所中大吏勘問承錫偕同學力訴其誣寃始雪

又嘗倡義捐貲購房安置臺軍民舍得不擾從子邦翰六歲而孤承錫撫若已出教之成立舉康熙十七年鄉試官學博

潘應科字次山始祖貴以軍功世襲自山東平山衛千戶徙通州應科性至孝侍父安疾寢食俱廢日夕跪禱于天親黨稱之感然曰吾以此博名乎居恒好周人急或負之終身不言亦無纖毫德色卒年八十餘子鉉詳文學傳

國朝

苗元毓字子實州庠生明廬墓孝子必進子崇禎末兵荒

通州志

卷之八人物

孝義

奎

產盡罄拮据謀生仍務力學孝廉王法湯見之曰此非終貧賤者以妹妻之友愛兩弟甚篤一早卒一不善治生元毓爲贍其妻子四十餘年戚友中有貧不能讀書及婚娶不舉者出貲以助成全甚衆他若掩埋枯骨修橋梁設路燈善事以次第舉性謹愨課子最嚴有顯宦感舊惠欲爲其子夤緣入庠元毓峻拒初元毓遇術者謂年止五十且無嗣後舉子五享壽七十人謂積德之報長子培亦善課子諸孫大有大年皆克繼家聲云

劉正廉字幼清明武德將軍整七世孫天性孝友居父母喪哀禮兼盡兩兄嫂相繼歿經營殯葬心力俱殫爲撫

育其子女婚嫁之平生忍人所不能忍讓人所不能讓
恂恂有古君子風鄉飲敦致賓筵謝弗與卒年八十八
子餘庇庠生孫濬貢生俱以端方醇謹稱

李養榮號小峰通州人孝友尚義好急人難凡里中有紛
爭不決者委曲開導無不愧悟而服教子含春以義方
成進士歷鴻臚卿

李養貴養榮弟性謹厚有長者行中年乏嗣兄養榮爲置
妾養貴歎曰以年老誤少艾吾弗忍也遣之旋舉幾子
名滋春者舉康熙十一年鄉試

丁大任字荷宇號重軒州庠生以孝友世其家同居四世

通州志

卷之八人物 孝義

奕

鄉黨稱爲義門大任文學博洽循循誘人一時造就者
多知名士性清介自持從不以私請謁當事舉鄉飲固
辭請至再始勉應時年百有一歲神明矍鑠見者異之
學使守道知州咸旌以額子志鴻庠生孫光耀曾孫楷
俱廩生讀書工文僉以大任爲法

劉國璽字信圖號符宇通州人世居城北馬家庄性孝友
力敦一本凡睦婣任恤之舉無不慨然身任教子孫崇
尚古處砥行立名國璽享壽九十五子三孫五曾孫十
一元孫三濟濟以文行著五代一堂同居雍穆人謂公
藝再見云

李希賢號少川先世嘗以功封爵食邑萬戶代傳曰替希賢業于賈家漸隆隆起性好義貸金于人不能償卽弗問有吳某負五百金願以妻償希賢立焚其券家延陳自良任出納自良卒遺宅三區金二百餘希賢俟其子長以產與金授之知州高其義行舉鄉飲者再固辭卒年七十八子達詳後傳

張化光州庠生崇尙氣節不屈于勢利遇事輒求便民以剛直故爲仇家所陷將就刑與妻訣曰吾生爲義士死爲厲鬼任爾他適可也妻曰君爲義士吾願爲節婦化光拜謝死後擊殺仇家妻食言亦擊殺之里人嘆其英

通州志

卷之八人物

孝義

七

烈

王國相字君甫通州人天性孝友幼喪母哀痛欲厚葬事父承歡竭力終身如一日嘗出貲二百餘金爲盛姓莊姓保聚室家從無德色他若治橋道修寺廟亦毫無所吝云子維聰授訓導孫亦繁衍

趙如蛟州庠生隨父宦河南父病篤醫罔効如蛟跪禱于天剖股以進

田大祿號龍泉通州人幼食貧旣長習計然家業隆起天性孝友兄弟亾遺子女撫若已出長爲婚嫁以已所置產分授從子無所私居鄉樂善不倦凡疾病哀喪求助

者固不贍卹州人咸稱爲田善人順治初嘗出米數千石以賑饑民又施棺以歛疫死者

世祖章

皇帝嘉其好義命大學士巴恭表其閭城東橋駕運河上

久圯撤而新之城南哈叭橋城西護城河橋及兩岸堤堰皆出貲繕治兩舉鄉飲賓卒年七十一子永隆詳後傳

張士璦字伯建檉芳孫性至孝事親竭力親歿廬墓三二年早喪偶以有子不再娶居恒律已公正嘗拾遺金還其主尤以扶危濟困爲己任歲荒出粟賑饑購良藥以施病者全活甚衆戚友婚喪不能舉捐貲助之設義學延通州志

卷之八人物 孝義

奕

名師教鄉人子弟多所造就卒年八十餘子光銓詳後傳孫泌貢生

田承武號仰泉其先以武功世襲指揮居通州性孝謹善事父母教養弟姪慈愛極篤待人以誠敬生平無疾言遽色順治間舉鄉飲大賓孫天培曾孫鎡俱庠生

李達字定侯希賢子以州庠生入太學性慷慨尙義人所畏避者輒身任之事兄極敬愛產已析不忍分爨兄嫂相繼卒遺孤數歲有積逋達售己產代償以兄產贍姪教之成立己雖食貧不悔也居恒課子讀書文行兼勗長子準以明經官學博仲子洵舉康熙四十四年鄉試

達夫婦享大壽而終

張定芳字子發州庠生順治十八年隨師劉正遴任廣東吳川邑丞正遴卒于官定芳負其骸骨行八千里歸葬于通人謂其師死不倍云

劉正忠字弼五州庠生有至性幼居父喪哀慟如成人事母出告反面寢食必侍母側凡時物初市未奉母雖親朋宴飲不敢嘗友愛其弟誼極肫摯于財一無所私母亡哀毀嘔血卒子餘祉庠生孫源清曾孫宏志庠生

馬呈瑞字麟友州國子生早孤事母以孝著奉母享壽九十二終喪葬悉盡誠信處兄弟叔侄間凡吉凶事不給

通州志

卷之八人物

孝義

九

者必竭力助之尤善勵名節侄婦早寡贍其家俾撫孤成立州人羣服其長厚子文納庠生

吳光豫字介石號嵩雪父允昇自徽徙通歷官按察使母早亡繼母汪年二十父遂棄養汪無出苦志守節撫光豫諸昆弟成立有傳載列女中光豫既長事繼母至孝後從軍湘南以功授湖廣攸縣令旋致仕歸日侍繼母膝下色養兼盡繼母疾親嘗湯藥徹夜不寐母告以婢嫗在何勞苦爲光豫曰非是則兒心不安也妻李亦以孝姑著光豫本雋才博綜經史尤長于五言古詩家居未久遂卒所著有潭州集四卷子峰太學生體父志能

善事祖母云

張光銓字眉山土壠子州貢生性慷慨好義遇事輒求便民通向有徭役力請當事得免嘗出貲營屋安置臺軍民舍不擾康熙七年州境被水光銓于高處蓋棚以棲居民又覓舟救淹者全活無算他若爲人償官物贖鬻女招無力延師之子弟與已子同學婚葬不給者飲助恐後平生善無不爲類如此

范璋字佩如通州人少孤家貧業于賈母教子嚴肅璋順事無稍違尤篤友于兄先卒撫其子女成立悉爲婚嫁母孀居四十年卒年八十五璋以哀毀得疾卒璋中年

通州志

卷之八人物 孝義

七

家稍裕自奉極儉疏布終身與人交誠信不二里中約信者必曰能學范佩如否乎其見重于人如此

徐文翰通州人父振業官鳳陽守備致仕後遭地震家業盡罄文翰以父母年俱八旬恐厯憂慮必日謀甘旨以博歡心妻馬能佐文翰盡孝早卒繼妻陳亦克盡婦道人謂皆文翰刑于所致文翰生平好讀書于古人嘉言懿行務身體力行雖身抱沉疴猶手不釋卷卒年七十餘

劉聖字睿然州附監生授州同性孝友事孀母田先意承志終身不衰兄弟六人相處極友愛嘗出已產以全手

足誼未嘗洩言里有善事輒贊成之人目爲好禮君子
李長春字和陽通州人性端謹力敦古道嘗有友人處急
難不能自存長春棄產周之平居恤孤貧施棺具善行
極多子三仲子得昇曾授職

馬成龍字君愛州國子生授州同天性孝友家貧用力用
勞以養孀母撫幼弟成立業稍饒爲弟婚娶置產從無
德色親黨賴其周助者亦不乏云

羅錦字師魏永春曾孫母穆生錦七日而歿父再娶于孫
錦自幼迄長深得父母歡父卒孫所出二子俱幼錦上
事孀母下撫弱弟孝友兼篤仲弟鏊以明經出仕兄教

通州志

卷之八人物

孝義

七

也錦天性長厚待人謙謹鄉黨羣以長者目之子二長
溶績學善書官山西朔平經歷次澤州諸生亦善書

馬國武通州人割股療親疾知州王光謨旌曰節孝一門

陶淑通州人割股療叔疾知州吳存禮旌曰敦倫風世

陳可嘉通州人祖母病篤割股進之知州王光謨旌曰孝
義克彰

王好善通州人割肉療母疾署知州奚祿貽旌曰東漢遺
風

魏思明字靈善通州人少孤事母至孝母病篤籲天請以
身代母享壽八十終廬墓二年有白鵲來棲于墓人謂

孝感所致事兄思聰極友愛撫子姪以慈教誨不倦居鄉樂善好義娶婦貧不能守者月給贍費俾撫孤完節成全凡數十家他若設義學二義塚三義渡二及修塗葺廟施藥施棺寒暑施粥藥諸善不可枚舉康熙六十年歲饑思明捐米千餘石以濟貧民 莊親王賜額曰以善事親

王文輝通州人荷擔爲業奉母至孝凡遇時物輒市歸以供甘旨早出暮必返恐貽母倚閭憂母疾嘗糞復割股以進知州李會生旌曰一念可推

劉台望字仰儒州貢生父子振詳文學傳台望天性孝友

通州志

卷之八人物

孝義

七

事親色養兼至兄早卒撫姪如所生教誨成立中年未舉子妻爲置婢詢之乃喪母鬻身殯歛者台望令其父攜歸給貲俾擇配凡親朋中喪葬婚嫁有不給者告輒應遇先達耆彥極盡誠敬見子弟能讀書力爲攸助培植其好義樂善類如此子如楷食餼于庠亦以文行著王永爵通州人少孤母苦志守節永爵旣長竭力事之母病篤割股以進尋愈妻羅事姑亦以孝著與姑並詳列女傳知州王光謨嘉永爵行旌曰孝思可風

王德福字正思州國子生授州同少有至性敦本崇義事繼母至孝兄弟八人友愛不析爨凡絲粟悉歸諸弟經

理從無私蓄尤通達庶務剖疑難化紛爭鄉黨咸受其益人有過必直言規諫遇子弟好學者力培植之妻吳相夫盡孝待孀居兩姊體恤備至云子鎬詳鄉賢傳

田永隆字玉滋大祿子五歲喪母日夕侍父側稍長追思其母輒飲泣累日年十五補諸生以家政繁不能專務舉業入國學考授縣丞性謹厚尚義凡從母從兄弟姊妹及親黨之無依者生養死葬周恤備至父好修舉廢墜有所未竟悉踵成之與人交無城府遇談人過者必相勸戒嘗路拾遺金伺其人還越數日其人復囊金至蓋向負大祿者券毀無驗感還金之義來償永隆固却

通州志

卷之八人物

孝義

三

負者曰公盛德若是某敢爲負心人乎乃量留之平生善舉甚多鄉里推爲長者子湜詳耆英傳

陳體乾通州人庠生民情子有至性幼以孝著稍長父邁疾瀕危體乾日夕飲泣禱于天割左股和藥以進立愈人嘆其誠孝之應子璫乾隆十六年 恩貢生稟父教

篤友于善訓子姪律已處事悉以禮義自持鄉曲尊之劉文熙字東明先世明季自紹興徙通爲州人祖漢祚州庠生父全舉康熙甲午武鄉試代有隱德文熙幼力學年十八補諸生援例貢成均累應鄉試不售援例授員外郎性尚義喜施凡戚友婚喪不能舉者贍助恐後通

惠河水由州西水關入城經通流閘出東水關東西水關舊有橋而通流閘之西有羅家橋東有通利橋河出東水關折而南經東門外吊橋皆行旅孔道歲久傾壞文熙措二千餘金鳩工修治州城內外五橋翼然復整行旅便之州學 文廟漸圯文熙捐千金倡修身董其役二年乾隆庚寅葺事居鄉見義必爲類如此卒年五十七子三坤舉乾隆二十六年鄉試官戶部陝西司員外郎贈文熙如其官筠乾隆四十五年副榜圭州諸生

耆英

明

楊景芳先世以扈從自淮安徙通爲州人居城南藁村業農家頗贍當遇一士人餒甚詢之乃避難無依者歛于家留三載去其人後登第來謝及任府尹數造門敦請景芳終不詣其署高潔如此子錫字南軒亦有隱德教子以義方孫曾相繼登甲乙科

陳所志號尙菴州庠生從侍御馬經綸遊爲門下冠性謹厚以先世業醫亦究其業每視症謂生死所繫纖微不敢忽瀕危獲濟者甚多生平雅好自修薄于責人崇禎十五年學校公舉優行督學吳履中旌曰碩德可風請給冠帶知州舉鄉飲賓年八十餘卒

通州志

卷之八人物

耆英

七

國朝

杜馨字衡仲號豫齋通州人事孀母孝家貧菽水必殫誠敬弟馥爲遺腹子友愛逾常培植成立處親黨間極誠厚遇婚喪不能舉者委曲成就之生平薦志嗜學嘗與友人公立文社以課後進遊其門者先後登甲乙科康熙三十八年充歲貢生未仕卒年七十有一所著有綿澤堂稿藏于家子三瀚澹溶俱稟父教爲州諸生鄧福生字君璽父由山東徙通爲州人福生少貧困及從

昆明爲

御艘管領敬慎供事扈從三十餘年無絲毫失

賜七品職銜及蟒衣補服家居謹飭好義有長者風子杰貢生授州判

湯之舜通州人性好義人有急難周助恐後鄉里稱善人子孫繁衍壽至七十五卒家藏志稿十本知州黃成章謂其足備文獻惜今不存

宗惠祖通州人敦善行嘗遇隣災惠祖力救保全甚多治家能以身率子麟育早卒子婦田守節詳列女

居文炳通州人性誠實樂行善舉通流聞東向無橋操舟通州志

卷之八人物

耆英

七六

者據以爲利往來爭渡行旅困之文炳先與舟人議捐貲五十金令徙業呈于當事建木橋曰通利至今途人稱便子士元舉康熙丁酉武鄉試官江南廬州衛守備年七十二致仕現年九十三

居文傑字明寰通州人天性孝友克樹品節家素封好行其德遇匱乏則周之亦不責償所居近通倉或運軍交納有缺額以身肩任傾囊不惜當事嘉其義舉鄉飲賓左都御史吳涵撰墓誌

張楷字公弼通州人父雲鵬州廩生楷幼失怙恃受撫于仲父雲鳳年十二雲鳳爲訟累西曹來逮遣他出楷赴

逮力辨得解雲鳳以子森官安慶就養去楷復依季父雲鷗頗失愛益恭謹自勵既長經營起家事雲鷗夫婦如父母婚嫁諸弟妹咸得所時世父雲龍家亦落其孫武生炳子立楷力爲培植登康熙癸未武甲科官湖廣守備後炳家于任子維垣自楚歸楷又爲授室延師督課早補諸生其敦愛一本類如此平生慷慨好義遇戚友急難事傾囊無吝色尤重儒者嘗遇鄉先輩郊遊密遣僕供具以隨遊者愕然詢其僕則曰主人仰羨竊効誠歎也子耀舉康熙丁酉武鄉試將謁選楷以兄姪宦遊未歸力止之留守先人塚墓人歎爲知本云孫維基

通州志

卷之八人物

耆英

七

舉乾隆二十七年鄉試

武廷燮字仲調通州人家貧力學長于詩根柢性情不競繁響補諸生絕意進取兼通岐黃星命數學求治疾者輒應手愈不計其酬遇親友無力婚嫁代謀必忠孤幼未成立者教以生計由是鄉里重之性耿介嚴辨取與隣有南人僑寓者其人將南歸以重貲寄托廷燮曰我處貧恐涉嫌也其人固請終不許其潔清自好類如此所著有讀倦吟草藏于家子時成詳後傳

范振德字容齋宋先儒文正公裔明永樂間有扈駕來北者居于通爲州人振德少攻舉業由國子生授鶴山寺

鳴贊康熙五十二年監督大運西倉釐剔諸弊無所擾
累運弁運丁勒碑紀德擢湖廣興國州判有善政士民
繪像作贊頌之秩滿擢河南布政司經歷操守如一以
廉能稱乾隆八年乞歸平生愛羅典籍著作亦夥兼工
書年八十五卒子孫繁衍並列庠序云

雷燮字調公號秘菴通州人年十六喪父母喬諭之曰汝
未冠弟妹俱幼承先啟後責全在汝燮涕泣受命亟謀
治生遂業賈不數年已婚嫁諸弟妹生平事母孝謹母
疾寢食盡廢居母喪痛若孺子歲時祭享雖踰七旬猶
悲慕無已時卒年七十七子六人次開基湖州府經歷

通州志

卷之八人物

耆英

夫

燮受贈如子官孫十五人開基出者名鎔以舉人挑發
江西試用知縣

常世經字豫九號九一又號孤峯逸叟際泰子性廉介植
品甚峻康熙五十二年舉武鄉試授江南徐州運千總
越一年乞歸杜門家居雅嗜書畫以南宮爲宗主人皆
寶之本世醫亦精其理尤善外科治罔弗效處門內極
誠摯從子璟爲伯兄晚得子世經殫力成就之故璟並
以醫著書畫兼得其傳云

張兆勳通州人居烟郊性誠直好義孀母早寡無所依迎
養于家及歿喪葬盡禮教子永清讀書旣遊庠令設義

學訓無力者居鄉曲間專務以理化導鄰有無故出妻者勸止之其家賴以存嗣嘗兩遇鬻子者不惜典揭贍濟終得完聚鄉人稱其義舉無閒言乾隆三十八年卒年七十有八

田湜字鄭公號果齊大祿孫守祖父訓以好義世其家學問該洽弱冠補諸生旋食餼屢試棘闈不售生平律已極嚴治家以肅嘗輯家乘立家祠築先塋凡有關一本者輒修舉之交友不尚聲氣與郭汝舟陳瑞相善人目爲古道交云子元樞詳鄉賢傳

羅鏊字景王號慎齋永春曾孫七歲喪父事母孝能敬其

通州志

卷之八人物

耆英

堯

兄康熙五十五年由廩貢生授定州訓導教弟子有法時學正張某病亟僅一孫女在側鏊躬視湯藥如骨肉然張死爲營殯殮遣人促其子及其孫女之婿至先爲其孫女完姻復助資俾歸其喪尋改江蘇陽湖主簿以廉能稱在任幾二十年上官重鏊才將薦擢以老乞休陽湖士民立祠祀之鏊性廉讓無聲勢交家貧妻龍善相其夫有桓鮑風能飲不及亂喜植花木暇則臨池自娛得趙文敏遺意年八十卒

武時成字靖菴廷燮子天性孝友事親能盡色養待弟姪慈愛無閒言補諸生通醫術濟人甚衆於親黨匱乏亦

勉力周之有浙人陳某亦業醫寓張灣曾識時成面重其爲人于病劇時造時成門求爲其女擇配蓋陳某繼妻性悍恐身後凌虐其女也時成爲許配得所陳某死貧無以殮助之棺令其壻葬焉陳某繼妻有遺娠改適後舉一子時成知之勸令勿收陳姓以延前夫嗣及此子長導令識父墓處一泛交而誼篤始終若此卒年八十餘

車履坦其先自明永樂間由山東徙通爲州人居車家屯祖煥生子二再傳支益繁衍履坦性謹厚於門內長幼雍穆無間言自煥迄今計同居已七世子弟多遊庠者

通州志

卷之八人物

耆英

平

人謂有公藝家風云履坦子國興武生好行善舉如州境通順永固諸橋皆與衆捐貲力襄其事鄉曲稱之

楊國正通州人性醇謹處已接物一出以誠遇急難者周卹恐後妻王能佐其夫亦以賢著子希孟學校舉其優人謂國正庭訓之善希孟由歲貢生官廣平府訓導國正受 贈如其官

夏泰通州人居張灣處鄉曲間修道塗施棺具利濟之事咸樂爲之援例候選州同卒年九十二

李雲龍字乾生通州人幼孤家貧習于武雍正八年由行伍隨征授外委把總軍功議敘授任邱千總任邑被水

晝夜率衆護隄遇蝗蝻起身先撲捕民皆德之擢四川敘馬守備歷永寧都司所至軍政皆善乾隆二十七年調馬邊都司益勵精幹善御卒伍所屬涼山各土司撫綏有法以足疾乞歸軍民爲勒仁愛去思碑居鄉與人交意氣磊落而實主恭遜教子孫俱能自愛歸後五年卒

張文舉通州人家貧充

御舟役敬慎供事授內府總催食六品俸旣自立能曲體母意外祖父母喪分厝兩地爲築塋合墓諸舅氏不能自給禮養終其身他若修廟宇掩遺齒亦樂捐資成善云

通州志

卷之八人物

耆英

全

魏秉直字乾一思明子思明詳孝義傳秉直性誠厚有父風居鄉睦嫻任卹以及施藥施粥濟貧救危諸義舉踵而行之待諸從子如已子凡遇婚嫁之力樂助恐後家本裕後日匱乏亦無怨尤意援例候選州同年六十六卒

鄭鐸字天木通州人父起鰲敦行好義鄉里引重鐸善承父志施與不吝乾隆甲子山左饑饉民踵至官設粥于東關新庄以賑鐸請捐貲添給菜豆自冬及春隨賑而給民皆德之他若卹貧乏修廢墜凡有濟者罔不身任至今人稱鄭善人云

宗麟紱字繡文州武生性謙謹尤辨取與精于射遠近爭就學其教弟子嘗曰射以觀德當于志正體直間求之生平言動不苟鄉黨稱宗先生卒年六十七

劉文煥字青藜文燦弟少失怙文燦教育成立文煥執弟道惟謹年十八補諸生屢應京兆試不售旋充明史館謄錄議敘得官乾隆六年授廣東肇慶府經歷委權陽江縣縣丞篆十二年高要縣丞闕人高要爲肇郡附郭首邑政繁惟丞是佐制撫俱謂文煥能調是職復權開建縣篆踰年委攝新寧縣五堡縣丞時有軍人佔民田民控于文煥文煥辨其券直之干總某來囑托文煥不

通州志

卷之八人物

耆英

全

聽忤其意旋以海船陋規事揭報被議歸旣家居崇尚古處戒子弟毋蹈浮薄凡族中寡無所依貧不能學及婚娶乏力者悉飲助之雅愛金元詞曲尤精六法居官居家索書者無虛日不輕授得者輒以爲寶二十六年遇慶典復原銜四十六年卒年七十有九子坊孫錫福州廩生

侯瑛字見五通州人少力學補諸生授徒于家能訓子弟乾隆丙子秋闈出方伯錢琦房首薦不售三十六年充歲貢生瑛天性長厚持已端謹閉戶絕不預外事所與游皆讀書砥行者卒年六十有四

陳良圖通州人幼失怙恃隨季父洪範任苦志力學年十九補諸生旋食餼屢應京兆試不售義命自安益閉戶謹飭平生律已以嚴無疾言遽色加于人鄉黨稱之乾隆三十七年充歲貢生肄業國子監年餘卒子宗健能守父教云

姚明字視遠通州人國子生事母孝謹家素乏以儉勤自立女兄適鄧頗寒素體母意濟助之兩甥賴以有成從子廷顯天其妻陳守貞周卹備至訓子弟讀書延師於家必竭忠敬人目爲古處云子廷模援例授布政司理問

通州志

卷之八人物

耆英

全

文學 灤邑併入

明

李濬字景淵灤人李故灤望族濬嗜學砥礪能博考古今
人物事業尚氣節文亦豪舉岳蒙泉先生以傑士目之
景泰元年舉于鄉授山西潞州知州弟溫詳鄉賢傳子
儀舉成化四年鄉試 舊志無傳今補

岳梁正從孫性慷慨崇尚氣節博學能文章尤善書法所
著有東湫雜咏梅花百咏詩行世由序班歷中書大理
寺評事 舊志無傳今補

楊惟洪字子寬號襟野景芳孫錫子初習舉業父命佐家
通州志 卷之八人物 文學 八十四

政乃中輟及伯兄惟清登賢書慨然曰人貴自立我胡
為自棄也奮志攻苦歷寒暑晝夜不怠萬歷十年舉于
鄉旋卒以子若梓貴贈如其官

聶啟元字含春號龍川灤人幼孤生母謝守貞撫之詳列
女傳啟元既長工文章為諸生時即與同學徐玠張祥
博採文獻創邑乘稿未竟旋由明經授河南長葛知縣
萬歷間灤令艾友芝輯邑志啟元適家居偕邑紳李鎧
同纂典贍精核後之載筆者皆得所考證云 舊志無傳今補

馬健順字貞元經綸子少孤能讀書崇禎初貢生同學楊
世揚善史學多識古人姓氏地里物產及翰墨家瑣細

事韓登瀛好內典及諸禪語錄健順獨究程朱宗旨以經傳格言爲本然亦時露超悟或問讀古書苦不解又不能憶奈何健順曰淵明不求甚解東坡不求甚熟得此二法能解能憶矣將卒告諸子曰君子不憂不懼吾不能也吾所謂知憂懼者也卒年四十九子五家學家脉庠生家式武進士家穀武生家師武進士官游擊楊世揚字二遠號溼園行中孫鎬子性穎敏讀書目數行下涉獵經史博文洽記藝林盛稱之尤究心書學注蘭亭淳化諸帖專論筆法故生平作書不求貌似古人卒年八十所著有姬解潞水之什東郊風雅瘦瓢等集

通州志

卷之八人物

文學

全

蔡允節字培吾崇禎間州庠生性超悟不役于富貴少負意氣中歲幾屏世務嘗曰吾願黃冠爲五岳遊因自號五岳山人與州部郎劉廷諫相友善廷諫以孤情介性亭亭物外稱之

高雲漢字翔舉通州人讀書淡仕進教授弟子嚴而有法語默動作一無所苟終身蔬食布衣從遊者皆化之

王元臣字養預州庠生性磊落嗜古尤究心典禮凡吉凶諸儀士大夫皆賴其教旁通醫術崇禎十五年州大疫施方藥活人無算善課子先行後文子簡之成進士官知縣詳鄉賢傳

國朝

潘鉉字文鼎應科子國子生性敏嗜學凡經史子集莫不淹貫有執經問難者輒傾心開導士林仰之慷慨尙義有父風年七十二誦陶詩幾章卒弟鉞廩生子游庠生胡其偉字振衣號介菴州廩生幼孤事祖母母以孝著性穎異十三補弟子員卽不屑事章句取朱子小學及真西山大學衍義諸書身體力行之教子弟砥礪廉隅務求根柢故門下多知名士康熙十二年與修州志考摭諮訪得稿十三本今所傳舊志實本此子二長遇亨庠生次廷瑾舉康熙五十三年鄉試

通州志

卷之八人物 文學

八

黃應甲字爾先通州人七歲喪父事祖母以孝著博學工古文州人撰碑序贊頌半出其手尤工書嘗書太學彝倫堂聯

聖祖仁皇帝幸學得邀

睿賞由歲貢生教習授知縣未仕卒從游極多著作亦富以家貧未及問世

劉子振字麟長州廩貢生以善事父母著讀書務究理學爲文不屑作經生語屢躡棘闈益留意天文地理占驗諸書靡不通晚或勸援例筮仕答曰讀書所以明道奚必沾沾升斗乎撫諸姪爲之婚娶周親朋困乏者凡里

中有義舉輒以身先之子台雋庠生有父風台望貢生
詳孝義傳

朱璘字卜年號毅菴康熙二十四年歲貢生家貧教授生
徒以束修盡孝養誨弟成立爲之婚娶性通敏好學寒
暑不輟家鮮書籍嘗從親朋借觀不數日悉能記誦爲
文博雅尤工古詩旁通天文地理音律諸學所著有離
騷註釋類書旁解毛詩補音等書惜未行世教人循循
不倦故一時知名士多出其門下云

宗亮字若采州廩生少孤家貧孝事孀母撫幼弟妹成立
以時婚嫁性嗜學工制義試輒高等棘圍屢薦不售義

通州志

卷之八人物

文學

七

命自安無憤懣語居鄉尙風節尤好罔羅舊聞以備文
獻康熙三十六年知州吳存禮輯州志諮訪甚富嘆爲
名山之藏不減良史子國能讀父書列明經孫一鵬詳
後傳

郭汝舟字衡斗其先自豫徙于通爲州人七歲而孤母田
以苦節著詳列女傳汝舟幼穎異善體母志力學自奮
年十八補諸生旋食餼兼通今古文及韻語嗜米南宮
書法頗得其神年未四十卒惜後人式微著作罕有存
者州人豐潤教諭田營爲汝舟外孫曾爲立傳

宗一鵬字萬九亮孫少孤嗜學與大興王庚王唐爲共硯

友嘗夜讀貧無油各燃香照字默記詰旦俱背誦無遺
雍正四年舉于鄉從遊者衆所授悉本儒先文行交勵
與友人討論古今必具卓識凡披覽典籍賞析皆有評
語授吳橋教諭善課士丁母艱服闋補開州學正卒於
官

黃錫蕃字康侯通州人行端謹學殖淵厚工時藝必宗主
古大家家貧授徒訓誨不遺餘力雖鈍拙者聞教輒化
乾隆元年充歲貢生屢困棘闈以明經老卒年七十四
子家鳳善讀書克紹家學食餼後旋卒士林惜之

劉均字仲衡號石渠文燦次子少穎悟力學年十四補諸

通州志

卷之八人物

文學

六

生乾隆三年舉于鄉時年甫冠益博涉羣書工詩賦雜
文尤喜書法家藏古帖極夥善作擘窠大字求書者踵
戶外二十五年選授陝西三水知縣旋權邠州篆以事
鑄級蒙

原官授浙江富陽知縣乙酉鄉試充同考官所得皆名下
士後調義烏歸安所至悉有政聲三十七年卒於官

谷瀚字巨川號滄田通州人性穎異讀書過目成誦初屬
文卽究心理法年十三過舅氏家塾見案有生徒課藝
爲點竄字句無不當舅氏奇之旋補諸生乾隆十八年
舉於鄉時年十九主司疑爲老宿及謁見嘆曰英年所

造已若是耶明年試禮闈薦不售以母憂哀毀得疾卒
年二十二妻方舉遺腹子應律苦節撫孤詳列女

韓瑞錦字鳴璜其先浙之山陰人父壽溥授徒于通遂占
州籍瑞錦五歲而孤性穎悟既長涉獵經史工詩文補
諸生所與交多敦行嗜學者門下士造就甚衆乾隆三
十年選貢生越三年卒年三十七無子以從子肇鴻嗣
亦州廩生瑞錦生平著作頗富皆散佚僅存客湖州時
詩稿一卷

通州志

卷之八人物 文學

伎術

明

劉彥達李時敬俱通州人知音善歌時宛平李通妙聲律其音屬羽名貫薊北彥達時敬不出通下

國朝

衛公孫字述先通州人精岐黃術手著經血起止一書傳世子周宗庠生能世其業

曹代字唯月號嘯雲其先代郡人祖宦通因家焉性高介博學能詩尤工書畫不肯輕授人或求之經年不應子枚亦工畫

通州志

卷之八人物

伎術

卒

羅滄來善詩畫舊傳其題畫句云悠然曳杖橋東去知是神仙不識名蓋賢而隱于潞水之上者

常際泰字吉軒通州人以醫世其家際泰性仁厚早年探討醫理兼精內外諸科順治初臺軍初撤屯通者多病疫際泰應手而愈全活以千計凡遇奇險諸症治之輒有神效且專務利濟不計酬謝值貧而病者俛助恐後晚年杖履行里巷間婦孺爭迎致之子三世綱世紀季世經由武舉官衛千總別有傳孫瑄璟皆以醫先後著名

黃子培通州人少落魄無以爲業遇老人授岐黃書遂肆

力探討如宿悟然諸科俱曉尤精傷寒各症所投劑或
出人意表罔不瀕險獲濟州人數十年賴之

曹顯宗字思皇國輔子穎敏嗜學懷抱不羈年十三補州
諸生絕意進取嘗得異授精岐黃術著有脉訣一卷然
不樂泛應人亦不敢輕致遇沉痾怪症固請乃至至則
輒效初顯宗愛江南山水遊竟歲歸性嗜花羅植庭院
淪茗賦詩以自樂當事造門謝不肯見晚年益超悟有
與乩仙唱和詩一卷及古今體詩甚富惜散佚不傳年
七十三無疾而逝子鑛早天子婦張以苦節著詳列女

仙釋 灤邑併入

元

洞清張真人不知何許人至正間結廬于州舊城南門內
修煉飛昇後人卽其地建祠名悟仙觀

明

道士某不知何許人洪武間灤邑士子張聰與之游嘗渡
水無船道士教聰閉目不覺而渡聰問已何時登第道
士曰葫蘆架上開蓮花是其時也聰自揣必無售理永
樂九年夏大雨河水泛溢平地數尺聰後園葫蘆架上
漂藕節忽生蓮花聰見而喜是年果中鄉試次年成進
士聞者謂聰與仙遊至今稱其地爲仙庄在灤縣西十
五里或曰道士卽張三丰人所呼張邈邈者

通州志

卷之八人物

仙釋

三

雷通以祖振世職家通州通少落拓州里間宣德時家譙
樓側設機織絹爲業暑月卧譙樓納涼夜半聞檐際偶
語曰明日石橋北酒壚新張我輩往飲取蓮花作下酒
物通聞其語在空際異之明日跡至石橋果有酒壚俄
見四人持猪肝至索酒痛飲割猪肝生啖通意其爲仙
拜求度四人不顧飲啖自若通固請四人趨出先後躍
入井中通亦隨入井遂不知所之踰時忽歸持一鯉爲
母壽而里人有在金陵道中見其携鯉者卽此日也妻

鄭歿復歸持紙錢至墓焚化尋又隱嘉靖間其裔孫霽家有道士持瓶踵門曰我雷通也時已百年霽謂吾祖名通向傳仙去今果來卽出延之已失所在今雷氏家譜稱嘉靖間勅封爲黑虎真人

僧一空俗姓江名免曲陽人叅定州上生寺湛廣和尚得臨濟正傳宏治間錫杖來通往城南黎園菴焚修一日謂其徒古心曰吾將逝矣沐浴更衣作偈曰倒騎鐵馬歸原籍明月清風任自遊端坐而化

道士某逸其名嘉靖中居都門自言曾寓中山王將臺邊以賈力法授人其法用意蓄氣周其身處處運之

通州志

卷之八人物

仙釋

叁

誠意道人姓牛名斗熒萬歷間州庠生屢躋棘闈遇道士蒼髯童顏削一足授以詩曰萬劫千塵得此身幾回出沒幾回新而今不向無生度更向何方去問津斗熒異之執弟子禮求度道士授九轉金鼎書斗熒晝夜叅索久之有悟作詩云功名蓋世春來夢富貴驚人水上漚遂黃冠出遊莫知所之後二十餘年有里人入洋遭風泊一島見一道人執麈尾自稱誠意道人卽潞水諸生牛斗熒也寄書訊其舊時同學云

陳祖通州邢家庄人俗名道安業農時淨空祖師卓錫薊之盤山行腳經其庄道安心竊慕之棄家隨入山參悟

幾十年生精進心嘗暑夜裸體趺坐山嵯俟蚊蚋噬齧旋坐化弟子爲立塔山下盤山李靖菴以淨空爲開山祖以道安爲二代祖云

癡和尚不知何許人狀肥黑樸陋寡言似不解世事者人呼爲癡天啟間寓塔院日乞食于市虛往實歸嘗以餘食授人人怪其易得以難得者難之罔不應一時遊僧流丐及饑寒殘病者咸取給焉衣破衲冬夏赤脚行或問之曰恐蟲蟻當屣而死每飯輒兼數人食與之言或答或不答必出深至語令人省隱私處再叩則又支吾誕謔矣里中羣兒窮極戲侮漠然如不覺平居閉目

通州志

卷之八人物

仙釋

七四

靜坐禮神號不輟行亦不避風雨崇禎十六年忽辭衆適京師某寺坐化

韓十洲初以登瀛名補諸生善讀書工草隸不喜穀食力參內典有訪道名山之志以父在不果崇禎十六年易道服告家人曰南游卽返自是莫知所向後州人于揚州遇之語以家事不答子禹甸國朝順治間令烏程罷官寓于吳適他往有子年十二戲門外一道士操北音問曰爾父安在禹甸子惡其倨曰爾焉用知吾父道士曰欲爾父一見我耳遂去禹甸歸其子以告窮其狀貌聲音實十洲也大驚徧訪卒不得

樸噶嚕大阿羅漢尊者中天竺室羅筏人所謂王舍城者是也常居一室坐禪精大等韻以三十六字母通諸國語及鳥獸音風聲水響皆能測之每得人姓名配字音推測輒能知其心術行業賢愚高下徧遊天下歷十餘年順治五年至通言天竺及所歷諸國風土甚悉或問如何爲道答曰平常心爲道八年西歸擇一僧年二十餘者偕行所遺有麻子茶法食之可見性然惟心潔志專者乃可悟人苟非其人則平日淫瞋傲誕諸習無不自吐云

通州志

卷之八人物

仙釋

九十五

老人逸其名不知何來居東門甕城白衣菴自言一百八歲順治十四年坐化

僧克念不知何許人行脚至州靖嘉寺習祛魔術晝夜不寐稍倦卽攀牕櫺或圍屏上作鳥伸狀康熙二年坐化
僧靜學俗姓曹名登科通州衛千戶曹應利子家饒裕已娶康熙八年忽棄家入京師爲愍忠寺僧後南遊不知踪跡里人呼曹和尚云

僧性海焚修州之勝教寺康熙七而坐化

僧掃雲俗姓張名明章徽州人幼隨祖士奎令蜀中過青城峩峩諸山飄然有雲外想年十五通經史忽棄去曰

吾安用此爲潛心內典生大覺悟遂祝髮徧遊名山入劍南登九臯陟匡廬歷齊魯及燕至潞水上悅玉泉瑩潔泉畔舊有關帝廟掃雲止其中改名玉泉庵先是廟有僧獻廷守戒律甚嚴素不輕禮游僧嘗曰瑜伽妙法恐爲若輩所誤及見掃雲語大悅曰吾謂千古慧燈必不泯也叅掃雲爲師掃雲兼通詩畫曾見許于新城侍郎王士正州人士爭敬禮之稱爲緇隱

劉偃子不知何許人亦莫悉年歲有自幼至老遇之者狀貌不稍改康熙初往來通之城市間里人咸識其面能談休咎或出隱語事後皆奇驗性偃直使氣故爭呼爲

通州志

卷之八人物

仙釋

九六

偃子州人温某年八十餘與之值偃子曰君道袍可見惠矣温瞿然翼日製袍以贈或詰温温曰余成童時從父輩會于某彼在座目余曰此兒有壽余戲答曰如過八十則以道袍贈今聞其言始憶及耳漢軍總兵王某客之與講導引術王嘗欲郵書津門偃子請往踰宿而返王疑之偃子曰有覆函在可驗也又嘗偕里人游西山從行者步皆輕捷移時而至旣登山衆苦腹餒偃子忽出鍋具以卵石貯之拾薪爲炊少頃啟鍋謂衆曰熟矣令衆取食味如山藥衆以其異藏懷中及歸則卵石如故後居七里橋 關帝殿中或踰月不出或一日數

出出亦莫知所之常數日不食食則無數噉瓜立盡擔
許市瓜者色沮令偕還殿中所食瓜仍在還之冬月菜
萎以口噓氣菜復生其奇異類如此雍正元年逝去或
以爲尸解云

趙和尚法號天印通州人幼祝髮于六里屯嚴淨寺守戒
行修持精進其講經傳戒能叅法乘妙諦好利濟嘗施
粥施棺及掩埋遺骸歷久不懈遇歲旱禱卽雨乾隆二
十七年大旱天印不食四十二日玉筋甫垂大雨隨降
遂坐化塔在仁壽寺

僧普慈法號休如通州人俗姓張童年祝髮于崇寧菴圓

通州志

卷之八人物

仙釋

七

具于潭柘山岫雲寺後叅州之寶通寺耀宗和尚得臨
濟正傳普慈戒行清嚴識解超悟嘗應西域聘談經五
十三日能暢不二宗旨尤存心利濟凡設義塾掩遺骸
施棺施藥諸善舉悉樂爲之俗家戚屬楊朝聘處寒素
爲贍其膏火俾得成就寶通素留單奉行三十年不懈
年六十五授法于門人歸祖堂永濟寺又七年坐化塔
在寺南

流寓

明

金忠其先浙江鄞人兄戍通州亡忠補戍乃編卒伍於州少讀書善易卜居通無所資賣卜于市多中市人神之僧道衍薦諸成祖成祖將起兵托疾召忠卜得鑄印乘軒之卦曰此象貴不可言自是出入燕府勸舉大事燕兵起授忠王府紀善守通州有功後術益驗時進謀畫拜右長史贊戎務成祖稱帝擢工部右侍郎贊世子守北京尋召還進兵部尚書淇國公邱福等勸帝立高煦爲太子忠以爲不可歷數古適孽事解縉等皆是其言

通州志

卷之八人物

流寓

九六

乃立世子爲皇太子而忠爲東宮輔導官以兵部尚書兼詹事府詹事帝北征命太子監國高煦謀奪嫡蜚語譖太子十二年北征還悉徵東宮官屬下獄以忠勲舊不問密令審察太子事忠言無有帝怒忠免冠頓首流涕願連坐以保之太子得不廢宮僚黃淮等亦獲全忠由卒伍至大位甚見親倚承顧問知無不言處僚友不持兩端能出以讓十三年卒給驛歸葬命有司治祠墓復其家洪熙元年追贈榮祿大夫諡忠襄

按忠以戍編入卒伍本非

流寓可比但卒後詔復其家未經占籍故附入流寓中舊志未載今考明史補入

國朝

陳善道字天衢浙江杭州人順治間寓于通性聰穎多巧思少遇異人授規矩圖說兼以器遺之自是能作奇器嘗應顯者召卽辭病歸曰吾不能俯仰事人也家貧以所作儀器易食自給有餘輒濟人年八十餘視聽不衰或問之曰惟寡欲耳子身來寓四十餘年州人多稱其高致

聞吉菴浙江杭州人寓于通從張泰定學醫能精其業多利濟云

宋繹字若思遼東人寄通州籍登康熙十三年進士少穎異嗜學事親以孝著歷撫寧定遠知縣多善政康熙已

通州志

卷之八人物

流寓

矣

卯分校江南省試春秋房首薦爲桐城方苞餘悉知名士病瞽致仕歸訓子讀書專務窮理州人奉爲師法卒年六十九

袁庶字翼天其先浙江山陰人祖濬寓於通康熙間庶援例謁選授四川資縣知縣殫心教養鋤暴安良減耗羨均徭役革陋規絕餽送靡政不善所部有憂民如有病見客若無官之頌值軍差經理周密絲毫不以擾民歷攝金堂資陽內江新津諸邑篆一如治資時雍正元年以採辦軍需卒于雅州資之士民間訃俱感泣爲建祠立碑請祀名宦

謝撫謙字尊光浙江餘姚人僑居通州之北郊性嚴正耿介不屑苟同儕俗州之老成爭樂與交嗜學博古兼通岐黃遇疾病者捨藥療之隣里匱乏周卹無所吝居恒左圖右史栽竹蒔花視富貴利達泊如也尤薦孝義以親喪未歸終身不娶女兄嫁于朱早寡無子迎養全其貞雍正四年卒年七十六葬州城南八里東小馬家庄之西時餘姚邵鵬程設教潞河與撫謙善撰墓誌州紳士徐景隆胡瑾李聘馮國英王鎬諸君子爲立墓碑李錯字鐵君生于蜀故號眉山其先奉天鐵嶺人曾祖如梓明鐵嶺衛叅將萬歷辛未城陷死事祖恒忠事

通州志

卷之八人物

流寓

百

太宗文

皇帝賜名宜哈納隸正黃旗漢軍籍爲侍衛順治初從入

關累立戰功授世襲職歷正黃旗副都統父輝祖歷河南巡撫湖廣總督刑部侍郎宜哈納輝祖事蹟具八旗通志名臣傳錯幼通四聲辨小篆父鍾愛之隨父任事二親暨異母兄伊山祈山以孝友著曾補筆帖式旋乞退伊山遠戍請假往戍所居匝月返祈山官闕歸無家錯以屋授兄凡先業之美者悉讓兩兄後并售已產代償祈山逋遂僑居通州潛心經史業益大進喜吟詠尤酷學二王書與秣陵鍾匪莪於越徐芝仙長州劉東郊友善砥礪不倦都人爭欲識錯面益韜晦力學顏所居

曰曉巢自號焦明子作賦及傳以見志性醇謹尚義孝子朱暉家貧親喪不能舉典質以助吳人劉東郊陳渭瞻卒于京經紀其喪劉得歸葬又嗜作山水遊窮訪名勝嘗泛舟采石歌嘯達旦過富春瀨釣臺謁嚴先生祠徘徊不忍去既北歸愛盤山之蘿村村故荒僻錯買山爲隱居誅茆樹屋築石樓草亭闢田疏水廣植花藥果蔬讀書其間時與山氓村叟話敘山之所有任民取不靳遇饑寒喪葬輒賙恤之暇出奇智爲木石陶匏具嗜茗薺自製鉄瓦三合之以爲鐺遊則命奚負以從得水卽烹啜所居當獬廌峯下自題曰廌青山堂自號廌青

通州志

卷之八人物

流寓

五

山人每歲往來盤山通州所酬酢無勢利交乾隆丙辰博學鴻祠科 慎郡王兵部侍郎今 簡親王薦錯應

召試試畢還山慕叔子之愛峴山建生壙于村之陽手植松杏

劉石樹表勒 簡親王題廌青山人李眉山之墓九大

字于碑陽 慎王書客星山人陳盬公梓志于碑陰陳

石間景元銘作漢隸石東村永寧小記作大篆勒左右碑側錯自賦生壙詩詩載曉巢後集錯美丰儀鬚髯表表人謂有蘇長公風度嘗自屬宗人副都御史穀齋貌小影穀齋家有古硯鐫長公像仿寫適肖穀齋識其實於卷以遺之稽其所生地里亦肖甚特出處異耳因作

後髯生傳又自號後髯生庚午

詔舉經

明行修之士工部尙書趙宏恩兵部侍郎觀保以錯薦

錯以老疾辭迨後悼友凋謝疾益增劇癸酉六月五日

卒于通州寓舍年六十有八配赫石烈氏故大學士內

大臣公索額圖女生于勲閥而與錯相莊有桓少君風

先一年卒子方勤亦能詩官戶部主事辛未遇 國慶

錯受封如子官錯所著有曉巢詩十卷知通州杜甲知

寶坻縣洪肇楸後先刊前後集行于世曉巢文集十卷

原易三卷春秋通義十八卷尙史七十卷藏于家錯又

陋宋史冗雜晚年開江蘭社以理葺之易簣時以書未

通州志

卷之八人物

流寓

三

竟爲憾并著有江蘭社詩薦雅菊譜以少精音律亦間

仿元曲云

按錯以世貴澹仕進僑居通州盤山之間德行學問交相器重惜無後可考州孝廉劉錫

信得其行狀兼核傳聞之確者輯爲事畧茲得採取立傳

王庚字介清號鳴巖先世浙之山陰人祖始家京師嗣父

從諫以大興籍登康熙三十年進士本生父從訓長于

詩管理四川塘務年滿授六品散官庚少穎異稍長沉

酣經史雅愛莊騷工晉唐小楷爲文章清高深穩純古

淡泊而一以理法爲宗主出入隆萬天崇諸大家門庭

兼胎息史漢八家神髓每取韓子陳言務去戛戛其難

爲法故能妙極自然超軼流輩弱冠補順天府學生試

輒高等不事請謁諸貴人當事咸謝絕惟以詩文訓後
進遠近皆宗之中年僑居通州問字者益廣循循善誘
一本至誠造就諸弟子掇巍科者甚衆凡十應京闈鄉
試不售乾隆十八年充歲貢生入國子監肄業年逾五
十精研不衰極見賞于祭酒司業諸公三十四年冬選
授交河訓導絕不計諸生羔鴈歲入羸絀而專務訓誨
交河之士咸曰數十年來無此師範矣兼工詩平生愛
誦陶彭澤及王孟韋柳諸家詩官解暇日賦詩自娛時
郵寄在潞諸生以見志四十一年冬卒于官年七十有
五明年子紹聞奉父喪歸通州州人倪賜麟重庚高義

通州志

卷之八人物

流寓

三

以所置西門外一里許滾水壩間之隙地葬之初庚兄
歿遺寡嫂及所生女有廢疾無所依庚迎養于家奉事
惟謹及嫂歿交河具棺歛歸其喪易簣時猶屬紹聞善
爲兄女擇配尤爲人所難云平生所著詩文甚夥惜散
佚罕有存者

按庚門人州孝廉劉錫信曾
爲其師立傳今照原傳節錄

王唐字桐野庚弟性孤介不屑唯阿績學自勵日窮周易
性理朱子語類諸書爲文一準理法補順天府學生與
仲兄庚先後僑居通州州人爭師之多所造就乾隆十
八年充歲貢生唐平生敦篤一本而境處寒素嘗以館
穀所積營葬其伯兄嫂並爲伯兄女擇壻備奩以嫁卒

年六十三子德馨入州籍補諸生

安鶴超原名繩祖字曠仙號蓉溪其先順天昌平人大父世鼎官江西巡撫父定昌官四川道鶴超生於蜀七歲喪母庶母張撫之年十六父卒于官奉父喪及庶母諸弟歸昌平嗜讀書有左氏癖後閱性理諸書喟然嘆曰吾道自足旨哉言乎讀書盈尺不如躬行一寸之爲得也故生平謹飭自修不汲汲于仕進事庶母孝謹以苦節請于官得旌表處兄弟間極友愛伯兄歿迎養寡嫂訓從子成立年四十寓居通州家徒壁立處之晏如時鐵嶺李錯亦寓通設江蘭社校讎宋史月一會同社

通州志

卷之八人物

流寓

三

者權古吟詩鶴超慕錯名造其門執弟子禮錯亦快得良友唱酬甚富然所存不過什一曰結蘭吟易簣時命其子以遺稿屬州孝廉馮維維其素契也維屬靜海元克莊序其詩付梓行世

邵奎璧字星垣浙之餘姚人少宗其鄉王文成學以文行稱于時雍正十三年僑居州之甘棠鄉教授弟子動必中矩制義務講經術嘗謂無實之華學者弗貴也兼工詩清高深穩不入浮靡從遊獲益者甚衆乾隆三十三年舉京兆鄉試時已晚歲訓後進猶不倦云卒

七



列女 鄒邑併入

明

韓氏州人定邊衛千戶韓景女錦衣衛舍人湯全妻韓年十八全贅於韓半載全從軍陣亡韓誓不再適家止有弟韓璵方七歲撫之成立孀居三十餘年天順六年建坊旌表

李氏鄒庠生董恕妻年二十二恕歿子生甫周歲李哀毀幾絕不敢身殉苦志守節撫恕成人宏治間建坊旌表
葉氏州人魏豫妻夫亡苦志守節詔旌表正德六年為流寇所掠不屈死事聞於朝勅建祠祀之

舊志失載攷畿輔通志探入

通州志

卷之八人物 列女

一

吳氏名淑廉州庠生孫祿妻祿早嬰疾吳于歸後侍奉湯藥調護起居者八年尋病篤吳慟曰夫有嗣吾為夫後活也今且死無嗣吾何以生為悉散篋中衣飾于娣姒親舊即絕食親黨有泣勸者終不聽且曰與其後夫死不若先夫死迨其見吾目瞑矣一日沐浴更衣甫畢而絕旬餘夫亦卒正德十一年建坊旌表

葉氏浙江蘭谿人州人神武衛舍人許紳明史作紳妻紳故饒家業好任俠揮霍無節葉嘗諫曰物力可惜作法貴儉以君所為恐暴殄為天所忌一旦蓋藏告訕將奈何紳不聽果罄所有衣食且不繼携葉出投所親路死于舊



城西門外葉守尸晝夜悲號州人哀之或餽飲食或遺金帛或歆其改嫁以葬夫俱不顧絕水漿十有四日死尸旁年纔二十餘州人爭買棺鬻地合葬適巡撫御史錢學孔按通親見之疏聞下禮部議尙書夏言重其烈議請旌表嘉靖十五年建坊立祠有司春秋致祭侍郎李廷相銘其祠碑碑文載藝文志已載明史

張氏州人定邊衛指揮吳鉞妻年十八夫歿矢志守節至六十一歲嘉靖間建坊旌表

謝氏直隸順義人澠人都指揮聶敏妾敏卒謝所出二子應元啟元俱幼謝矢志撫孤不以諉諸嫡長值歲荒族

通州志

卷之八人物

列女

二

黨覬其家貲嗾令改適謝厲聲曰吾有二子可使成立卽天不遂吾意吾身死得附于都司君墓亦何憾族人慚懼而退治家以禮法門庭肅然卒年八十四子啟元以明經官長葛令會修澠志萬歷間知縣趙廷儼旌其門曰貞節

劉氏澠人日照訓導張永達繼妻年二十二夫亡家極寒素無以自給劉茹荼飲檠苦節撫孤教三子皆成立卒年八十九萬歷二十一年孫庠生德厚以苦節呈于當事知縣魏之幹給額旌之

張氏州人龍某妻錦衣衛校尉龍鍾母夫亡守節子鍾早

卒偕子婦盛熒熒共守以終其身

舊志無
今補

盛氏州人錦衣衛校尉龍鍾妻年二十八夫亡痛絕欲殉時孀姑張守節多年二子躍蹈俱幼母勸之曰汝死誰爲事姑育子者乃強起操家家貧甚屢勉奉姑菽水必盡其孝教子以義方俱有卓行苦節六十餘年卒年九十萬歷間知州吳來庭高位先後給額旌之曰雙節流芳曰九旬完節崇禎十三年督學吳道昌奏旌其門次子蹈詳孝義中孫婦彭孫妾張並以節著詳後傳

單門三節蘇氏州人敬之女嘉靖癸未進士單鉞妻姜氏鉞之妾單氏鉞次女也鉞家張灣登第後旋卒時蘇年

通州志

卷之八人物

列女

三

二十六有女二無子慟欲自我因姑老妾姜方有娠忍死待之以遺產付夫弟鑾經理字長女子都察院楚人賈戩子某字次女子刑部郎宣城張乾子正甫守節五十餘年卒年八十姜氏于鉞卒後六日生一子八歲天蘇憐姜年少喻以他適意姜泣曰是何言也節義何常惟人所蹈吾奉嫡終身得同歸單氏瑩幸矣豈謂婢妾遂無至性哉妾志已決請無他慮蘇敬禮之若姒卒年七十餘單氏歸張正甫于京邸未三年正甫歿旅觀南旋單依母蘇以居一日告母曰兒張家婦終當歸張且婿墓已宿草而兒未一展拜心旦夕怆怆然何能久侍

母也辭歸宣城未幾卒州人尚書楊行中作單門三節傳紀之

張氏浙江山陰儒士柳廷元妻徙于通爲州人嘉靖間廷元病篤慮弟廷政凌之囑張曰兒女幼爾又年少不如改適以存孤張聞願自盡明志廷元曰吾恐爾母子難以自存耳果能撫之吾目瞑矣廷元歿張年二十七廷政盡奪其家貲逼改嫁張乃携子女別居紡績自給子女旣長爲營婚嫁苦節五十餘年卒年八十二曾孫國棟官句容縣丞元孫星耀沂州州同

王氏漣庠生馬龍圖妻年二十五夫亡子泰方七歲王矢

通州志

卷之八人物列女

四

志守節孝庶姑育遺孤辛苦備嘗終身一日教泰績學勵行爲名諸生知縣魏之幹給額旌獎萬歷三十五年卒年七十三知縣艾友芝申請巡撫以貞節旌其門又爲文祭之文載藝文志

汪門雙節徐氏謝氏皆萬歷丙戌進士副使岑應春妾也應春初娶于陳無出又娶于王生子光緒陳王俱先卒應春歿時徐與謝皆年少光緒亦在弱齡徐謝矢志撫孤視如己出守節三十餘年教養成立崇禎癸酉光緒舉孝廉歷官監司苑馬寺卿徐謝乃出家譜示光緒曰汝父本姓汪臨終猶以未復姓爲恨今汝貴當成父志

光緒呈于提學御史左光斗上聞下禮部議尙書林堯
俞議云徐氏謝氏分忝綠衣志堅白首痛夫早逝厲苦
節于卅年督子歸宗復本源于一且閨閣旣罕媵妾尤
稀詔准復姓旌其居曰一門雙節

林氏州廩生劉杞芳妻年二十夫歿止一女林誓欲絕粒
死恐傷兩世舅姑心猶于家人進食時匿少許作食狀
越五日憊甚姑察其故抱女勸解之林泣曰婦將從夫
且不獲終事堂上奚惜此呱呱爲守夫柩旁絕食二十
一日死巡按御史聞于朝建坊旌表州人御史馬經綸
撰墓碑碑文載藝文志

通州志

卷之八人物

列女

五

賈氏州庠生郭登科妻登科早卒賈欲死殉因遺腹未娩
冀舉子以延夫後及產女遂自縊柩側詔建坊旌表題
曰千古流芳

華氏州庠生陸大經妻萬歷三十八年夫歿無子華慟曰
何以生爲絕粒九日死詔建坊旌表

馬氏州人戶部尙書李三才妾三才卒氏絕食十二日死
于喪次時天啟四年二月也四月又有李家灣諸生呂
完聲妻陳氏

陳氏州庠生呂完聲妻完聲疾亟集族人計後事族人畢
至以陳在側不卽言陳心知其爲已也出戶外完聲告

族人曰我旦夕且死婦少無子我不忍其惇獨語未竟
陳遽入問適語云何夫不應陳曰我耳之矣請自今君
一飯妾亦一飯君不食妾亦不食與君俱耳未幾夫卒
陳不食十四日死于夫之柩側太常彭端吾聞而歎曰
不三月間而有兩烈婦古云燕趙多慷慨奇節知不獨
丈夫然也以其事聞于巡按御史彭鵬化奏旌其門

王門雙節胡氏州人王化浹妻徐氏化浹子謙德妻也胡
年十六歸于王二十三生子謙德甫三月而化浹歿胡
哀號絕粒舉家勸之曰此呱呱兒何以自活願少忍撫
之孤存卽夫存也乃勉進飲食撫孤自任謙德稍長教

通州志

卷之八人物列女

六

以力學二十補諸生爲娶婦徐氏未幾謙德又夭遺孤
在襁褓中胡偕婦徐養孤孫以繼夫祀兩世孀居同心
茶槩胡苦節六十五年卒年八十七徐亦以苦節終其
身崇禎間督學吳道昌奏旌其門

張氏州庠生王大治妻年二十七夫治卒子立極甫生張
自矢于夫之靈曰願佑此三尺孤以延王氏嗣且願未
亡人他日得歸骨王氏先壙吾志畢矣守節教子四十
二年卒年六十八崇禎間兵備道王鰲永額旌曰節慈
裕後知州楊聯芳額旌曰白首孤燈

劉氏州人王賁德妻年十七于歸十九夫亡誓以死殉時

有遺娠兩月家人解之曰倘天不絕王氏幸而生男則祖宗一脈於是乎在殉夫死不若延夫祀也強舉饘粥後果生男凱撫之成立補諸生劉乃慨然嘆曰今而後可見夫於地下矣以哀悴卒

王氏州人吳濟妻守志事蹟舊志失考仍存之以免湮沒王氏州庠生馬夢龍妻年二十九夫亡子應圖甫六歲王苦節撫育比長延師謀其業補諸生以善醫官太醫院吏目遷上林苑監丞崇禎七年王贈孺人舊志無今補

彭氏州人龍時化妻年二十二夫亡矢志守節教子命保成立補諸生苦節四十一年卒年六十二

通州志

卷之八人物

列女

七

張氏州人無錫教諭龍起化妾起化任無錫以身率士卓有賢聲學宮子弟勒碑頌之曰清直謙厚崇禎十六年遷國子監學正時州境大疫起化及妻袁子庠生命相命佐輩內外三十餘人俱死僅存張與兩幼子命延命錫張年甫二十四矢志守節撫孤二子雖非已出教養備至命延補諸生早卒命錫廩貢生命錫子灃亦補諸生龍氏一綫張實存之卒年六十戶部郎中宋之儒額旌曰閩內伊周知州于成龍額旌曰栢舟雅操

楊門三節馬氏蔡氏雷氏皆州人吏部尚書楊行中孫婦泗水令鎬子婦也馬氏州人御史經綸第三女讀書通

大義歸鎬第三子庠生世昌馬年二十三世昌卒撫子
辰生十五歲天乃誦佛書茹素終身嘗曰吾每觀儒書
不入觀佛書則入以所歷皆苦境故也知州楊聯芳旌
曰栢舟賢節 國朝順治十二年卒年七十五守節五
十三年蔡氏州人刑部郎成已長女歸鎬第四子庠生
世喬夫卒將以死殉家人慰解不從鎬五子世顯曰嫂
賢如此聽其死則不忍無子勸之守促之死耳會鎬六
子世法妻許氏歿遺子嶽生在襁褓世顯乃語弟世法
舉以畀蔡曰今有子嫂可勿死矣蔡遂撫之如已出嶽
生既長改名宏補諸生崇禎十年蔡卒年五十守節二
十八年宏將爲主喪鎬次子世揚不許曰宏爲世法長
子禮不得爲他人嗣弟世喬非宗子又不當立嗣竟奪
氏所遺產以自殖後宏改名舟 國朝康熙乙酉登賢
書雷氏州人五臺令應科季女歸鎬第五子庠生世顯
世顯天性孝友多才能善論事理仲兄世揚與語每心
憚其公正早卒雷年二十九撫子宗教之成立治家嚴
謹操持有丈夫槩門內外肅寂無語諍聲 國朝康熙
六年卒年七十一守節四十三年子宗補諸生後改名
宗最循謹蓋遵母教云

翁氏州人徐九德妻居張家灣崇禎己巳張灣城陷九德

被難翁匿神龕中自縊死

趙氏州庠生丁大志妻居張家灣崇禎己巳張灣城陷所生女被掠趙往奪之手指盡砍落遂被殺

張氏州人袁希點妻居張家灣聞城將陷先令三女俱縊旋自縊死

金氏鄆人常希文妻崇禎己巳鄆城陷被執挾之上馬金見道旁有井躍入井中身被三天而死時年十九

周氏鄆人翟光國妻崇禎己巳遇兵逼使上馬堅不從被殺時年二十一

潘氏州人守備李永達妻廣平府教授涵母也姑病胃不

通州志

卷之八人物

列女

九

能飲食潘乳之一載侍奉湯藥朝夕不怠歷三年如一日姑病愈潘積勞成疾崇禎三年卒年三十六親黨以孝婦稱之

張門雙節陳氏州廩生張一龍妻馬氏一龍子元珍妻也

陳年二十七一龍卒子元珍尙幼陳矢志守節教誨成

立爲娶婦馬氏元珍中崇禎壬午舉人官山西忻州知州尋卒陳偕子婦馬撫孤孫起敬讀書補諸生陳卒年

九十餘馬與姑同操且事姑以孝聞 國朝康熙初守

道錢世清旌曰一門孝節知州甯完福旌曰雙節流芳

高氏州人李茂齡妻夫亡絕粒七日自縊柩前崇禎十三

年兵備道羅國華重其節委官致祭 國朝順治元年
知州李廷梅贈額曰貞烈可嘉

支氏州人山西布政使唐嗣美妻封夫人崇禎甲申流寇
陷都城嗣美殉難支率子婦九人同投井死

提氏直隸河間人刑部侍郎橋女州庠生魏繼標妻崇禎
甲申流寇陷都城繼標殉父藻德難提慟哭幾絕家人
勸之曰夫柩未返可遽死乎及翁與夫柩歸厝城外提
往哭欲留厝所自殉時土賊蠡起劫掠家人強之歸提
曰欲我歸當迎靈位於家朝夕得奠食也家人知其將
殉防護甚嚴提強言動如平時防者懈提詭病夜常數

通州志

卷之八人物

列女

十

起以誤衆人一夕跪縊于夫之靈前死年纔十九時六
月十五日也越三日成殮伏暑中顏色如生兩膝終屈
不伸其父聞之來省不哭曰此真提橋女矣家人舉其
喪與繼標合葬先塋側

王氏州人崇禎丁卯舉人羅應星妻孝事舅姑年二十六
夫亡矢志守節甲申以後家計日落備嘗艱苦教子宏
璧成立爲州廩生卒年七十三

王氏州庠生張鵬翮妻鵬翮遭流寇難慘被害王年二十
六聞夫亡隨自縊家人救而蘇時子甫九歲家罄無所
依王守困撫孤饑寒不易苦節四十五年卒年七十

趙氏州庠生王來試妻年二十七夫亡子幼貧不能舉火終不受里鄰饋苦節四十八年卒子道興能孝母孫廷弼廷貴廷璽廷諫俱成立曾孫十二人人謂節母之報任氏州人馬錦妻四歲失怙恃十六歸馬在齋蕭然失愛于姑每爲妯娌所詬侮任悉順受之錦不善治生家益落錦卒子尚幼堅志撫孤崇禎壬午兄希尹舉於鄉迎養終身苦節垂五十年卒年七十三

章氏州貢生黃應甲祖母年三十餘夫亡矢志靡他治家整肅卒年七十一 國朝順治間知州于榮旌曰節壽

湯氏通州衛千戶孫如林妻年二十六夫亡遺子二女一

通州志

卷之八人物

列女

十一

長德光甫六歲家貧衣食不繼湯矢志冰檠教養諸孤及德光長襲世職次德久舉武鄉試湯年七十七疾革呼二子曰爾記父喪後併日而食時乎吾幾十年撫爾兄弟將以報爾父于地下今幸得成立可無憾也語竟卒 國朝順治間督學程芳朝旌曰節凜冰霜

黃門四節柴氏州人黃承恩妻潘氏承恩弟婦大姑二姑承恩在室妹居張灣崇禎甲申都城陷柴與潘及二室女俱墜井死承恩子肇坤 國朝官廣東司戶

舊志無今補

黃氏州人指揮李應魁妻年二十八夫亡三子俱幼遭流寇難家產畢罄以女工自給雖饑寒弗怨也教子成立

苦節三十四年卒孫鐸廩貢生鉞州庠生曾孫師沆師
泌俱補諸生

王氏州人江南睢寧知縣楊若桐妾崇禎甲申若桐殉難
王年二十三痛不欲生時若桐妻先卒王念撫孤無人
乃忍死撫嫡出子士彥兆龍教養不啻所生家貧甚茶
檠自甘終身如一日苦節五十一年卒年七十三

胡門雙節翟氏州儒士胡宗禮妻王氏宗禮子州庠生國
政妻也宗禮卒遺孤國政翟苦節教養年十五補諸生
爲娶婦王氏生子其偉八歲國政旋歿王年二十七姑
婦同操撫孤補諸生翟卒年八十二王卒年七十三

通州志

卷之八人物

列女

十三

林氏州儒士王世麟妻十九于歸二十二夫亡子宏緒甫
生撫之成立繼姑卧疾八載奉侍不懈以孝聞

楊氏州人神武中衛指揮王鑑次孫起蛟妻楊居東鄉寨
于歸後年二十五夫卒楊矢志靡他治家嚴肅守節四
十八年教養三子俱成立長永福中順治甲午副榜

李氏州人周文譽妻文譽貿易寶坻挈李以行崇禎丙子
城破李率子婦及女共六人俱投井死

舊志無
今補

徐門雙節戴氏州人徐文煌妻孟氏文煌子光裕妻也戴
年二十五文煌沒家貧值兵荒戴携幼子光裕東西竄
避備歷艱辛光裕長爲娶婦孟氏生子五光裕旋歿孟

年二十九撫五子履符等皆成立戴守節四十餘年卒
孟苦節與姑戴同享壽終

顧氏州人文思院副使張大經妻年二十八夫卒食貧守
節教子萬策補諸生卒年六十

沈氏溇人任志伊妻年十八夫亡子銘鼎甫周歲沈苦志
守節教子食餼于庠以明經官景寧令 國朝順治十
六年沈卒年六十六有司旌之

陶氏州人都督顧凝命繼妻于歸二年夫卒無出前妻子
二麟祥豹祥在襁褓陶撫如所生家貧紡織給食子長
爲婚娶麟祥豹祥俱早卒豹祥遺子俊七歲陶偕媳撫

通州志

卷之八人物

列女

三

之成立卒年七十八豹祥妻王守節詳後傳

舊志無
今補

李氏州人馬萬全妻崇禎末李年二十六夫亡姑老子德

裕甫二歲家極貧李矢志堅守事姑吳以孝聞教子成

立苦節享大壽終 國朝康熙間知州吳存禮旌曰栢

舟矢志

某氏州庠生賈以祿妻崇禎甲申以祿不爲流賊屈曉妻

大義妻喻其意飲藥未絕復自經

舊志無
今補

國朝

王氏州庠生朱純妻年二十五夫亡太姑尙存舅姑有痼
疾三女幼王矢志守節奉兩世以孝及歿喪葬盡禮教

女嚴肅字皆得所苦節五十餘年卒年八十一舊志無今補

黃氏州庠生華國繼妻年十三于歸國年老嗜酒家益落

甚或不能舉火黃甘之國多疾黃日夕侍奉不衰國嘗

醉語人曰吾婦有丈夫氣吾死必與吾同歸一夕國中

酒歸疾大作翼日卒黃慟曰天平侍君七年蓋早暮憂

懼也今果舍我逝矣遂絕粒卧柩旁十四日死年纔十

九知州胡朝賓往省其喪為下拜順治六年葬城西觀

音寺西北數武後因築道墓沒入道中

吳氏州人黃雲瑞妻于歸後孝事舅姑持家嚴謹年二十

九夫歿矢志守節教養二子俱成立長金函補諸生次

通州志 卷之八人物 列女 十四

金章授守禦所長孫士輝舉康熙辛卯武鄉試苦節垂

五十年卒年七十八舊志無今補

閭門雙節杜氏張氏皆湖廣常德府知府閭拱宸婦也順

治初拱宸任常德兵變沉江死杜年二十有子名然張

年十九無出杜張携孤歸同心堅守紡績佐食謀子讀

書然既補諸生終坐貧窘杜張茹長齋終身張中年失

明逾困頓苦節皆五十餘年卒年俱七十餘康熙間知

州王光謨旌曰清節同標舊志無今補

莫氏州人于繼倫妻居張灣順治四年夫亡家無擔儲遺

孤三皆幼莫食貧撫之俱克成立守道蔣龍光旌曰荻

允貞行知州劉應時旌曰母道女宗

王氏州人順治乙酉舉人公擢女順治戊戌武進士雷森妻森登第授辰州守備未抵任以疾歸王侍奉調護者數年病益篤呼天請代卒不起王亦欲死父兄慰之曰以死殉夫烈矣其若子女何始進勺水家貧不自給寄食母家教撫子女備嘗艱苦以終其身

朱氏州人游擊光煥女順治辛丑武進士馬柄妻于歸後奉孀姑至孝年二十六柄卒誓從夫死勺水不入口者數日子二長騏六歲次士襄尙在襁褓戚黨以撫孤勸始進飲食竭力課子艱苦備嘗守節三十五年卒騏授

通州志

卷之八人物

列女

五

府通判士襄授主簿

劉門節孝楊氏州人劉允瑞母侯氏允瑞妻也順治初允瑞幼孤楊苦節撫之旣長爲娶婦侯氏侯克盡婦道姑病篤思羹侯割肉治湯以進姑嘗之立愈人謂節母孝婦感應如此知州甯完福旌曰一門節孝

董氏州人楊文煥妻順治間年二十四夫歿子于陞六歲孤苦無依紡績自給教子力學補諸生苦節三十七年卒年六十孫繼祖授州同曾孫溥州庠生

張氏州人李騰祥妻騰祥家故貧作客遠方死時張年二十七夫骸骨歸一慟幾絕遺孤二長國福八歲次國斌

甫周歲張以女紅自給立志撫孤夫弟備極凌辱絕飲食以逼改適張惟閉門飲泣誓死不易苦節四十餘年卒年七十知州吳存禮旌曰節苦貞全

賈氏州人郝桂茂妻年十四歸郝十五夫亡撫遺腹子志秀織紡自給教以成立苦節享壽終督學顧藻知州王光謨俱額旌之

李氏州人營卒康虎妻虎弟素頑劣無賴每欲調其嫂李嚴拒之清明墓祭歸虎中途他往獨其弟隨李至家持刀逼污李不屈被殺事發官以其弟伏法

李氏州人孫光繼妻年二十八夫亡撫前室子紹先教誨

通州志

卷之人物

列女

六

成立苦節四十餘年卒年七十五督學顧藻知州王光謨俱額旌之

伯氏明錦衣衛千戶世感女 國朝州庠生杜芳華妻子歸後夫久病伯侍奉湯藥不懈年二十八夫亡哀毀誓殉家人勸曰舅姑老二子幼若死奈俯仰何且有遺娠苟生男又多延杜氏一脉也越八日果生男伯矢志撫孤教誨成立事舅姑盡孝養生送死悉中禮守節四十餘年卒年七十三長子馥廩生次馨廩貢生季馥卽遺腹子州庠生

袁氏州人田大發妻年二十二夫歿遺腹舉一子袁志在

撫孤家雖極貧茶檠自勵教子泓克底成立苦節三十九年卒年六十

郭氏州人田繼武妻千總一元母年二十三夫歿子二俱幼有遺娠越六月生子一夔家貧甚郭甘心茹苦撫三子成立守節五十餘年卒年七十餘

金氏州人傅應科妻于歸後夫病八年侍奉弗怠金年二十九夫歿子八歲食貧撫孤教之成立守節享壽終知州吳存禮旌曰義高彤史

劉氏州庠生徐貞勤妻年三十夫亡劉代夫完子職撫遺孤二教養成立子通國子生事劉亦以孝著劉苦節享

通州志

卷之八人物

列女

七

大壽終知州王光謨旌曰栢操松齡吳存禮旌曰純孝完節

李氏州庠生張耀祖妻年十六歸張十九夫亡矢志守節教子祐讀書勵行長食餼于庠苦節二十七年臨終謂祐曰吾今可見汝父矣汝宜益奮志以振家聲卒年四十五

周氏州人高敏政妻年二十三夫亡幾絕粒死以姑在子幼不敢殉奉姑色養兼至教二子俱讀書成立姑疾侍奉湯藥晨昏不懈姑歿哀毀過甚逾年卒守節三十餘年長子嵩國子生次崗以明經授訓導

汪氏江南徽州士人大保季女按察使吳允昇繼妻允昇自徽徙于通汪年二十夫卒無出撫前室諸子如所生教養備至持家有大體區畫井然季子光豫官湖南攸縣令奉汪盡孝有傳載孝義中光豫卒汪又撫孤孫峰成立鞠育兩世心力俱殫享大壽終從夫爵封淑人劉氏州人黃鼎新妻居宏仁橋姑楊病篤醫者謂無生理劉焚香籲天刲股進之痼疾頓瘳人謂其誠孝所感

王氏州人顧豹祥妻年二十六夫亡有欲奪其志者王泣曰吾姑苦節守吾夫成立已七旬矣吾有子七歲獨不能效吾姑乎誓不再適奉孀姑極孝以女紅佐菽水子

通州志 卷之八人物 列女 七

俊就外傳日積錢數文以儲修儀終身荼苦坦然甘之

舊志無
今補

王氏州人馬從善妻年二十九夫亡矢志守節撫四子宏

仁昇夢魁夢元俱敦孝友昇載孝義中王苦節垂六十

年卒年八十七孫有德早亡孫婦守節詳後傳舊志誤
今改正

李氏州人張三才妻夫亡堅守訓課孤子成立苦節五十

餘年卒年八十四知州靳讓旌曰節壽流芳舊志無
今補

王氏州人謝立賓妻立賓貧不自給偕王寄食于叔文周

家文周以貲付立賓貿易粵西王年二十六子二女三

長崑甫二歲次岳夫出後逾月生立賓既行久之絕耗

或疑其死王泣曰縱我夫不諱我豈肯事二姓者文周嘉其志爲之延師課兩子皆補諸生三女俱字玉苦守二十二年卒卒之次年立寶始歸人謂王之守不計夫之生死也與夫死守節者同

按舊志載文周勸嫁知州黃成章正其誤今改傳

李氏州庠生田永盛妻年二十四夫亡子三女一俱幼李誓守撫孤家貧以女紅給食子女長力爲婚嫁教仲子霑食餼於庠苦節五十一年卒年七十四

舊志無今補

田氏州廩生沈銓妻年二十一夫亡舉遺腹子田矢志守節孝事舅姑教子起灑食餼於庠守節四十五年無疾

卒年六十五

舊志無今補

通州志

卷之八人物

列女

九

路氏州人王瓚妻年二十二夫亡跪哭於靈者三日將以死殉時舅年踰七旬子秉信甫九歲親黨以大義勸止路事舅盡婦道教子成立苦節享壽終

彭氏寄籍通州河南濬縣知縣王業昌妻彭七世祖椿從明太祖有戰功食邑遼海祖士宏以舉人知直隸南宮縣死流寇難彭幼讀書通大義士宏將殉難顧之曰奈汝曹何答曰女聞國而忘家也于歸後業昌寄居通中康熙二年舉人授河南濬縣令旋卒彭年二十八撫子二女一教養成立子爵鴻俱國子生爵博學能文鴻工書事母尤以孝著母嘗病篤鴻嘗糞少甘則哭居恒友

愛以娛其親女玠亦通詩書字士人吳峰彭每訓其子女曰行險求裕不如任誠無爲閨中學識類如此康熙二十八年 旌表入一統志

李氏州人趙應昌妻年二十七夫亡孤苦無依誓甘荼檠

苦節享大壽終舊志無今補

馬氏州人馬有德妻年二十五夫亡矢志守節三十餘年

卒按馬氏與有德同姓今無考仍舊志

胡氏州貢生田易妻年三十夫亡有遺娠禱於天願得子

續宗祀逾月果生男植姑老多疾胡曲盡孝養持齋十

餘年冀延姑壽教子寬嚴有法長補諸生食廩餼學問

通州志 卷之八 人物 列女 三

博洽人爭師之胡守節五十年卒年七十九知州靳讓

旌曰節孝可風舊志無今補

李氏州人耿進銀妻居東石里年二十九夫亡矢志守節

事堂上以孝治家整肅有法卒年八十六舊志無今補

周氏州人季國樑妻年三十夫亡遺二子琬祿俱幼家貧

以紡績易食撫孤成立艱苦備嘗卒年八十二子琬授

州同舊志無今補

趙氏州庠生馮盛治妻年二十九夫亡遺孤在懷抱中夫

有幼弟亦未成立趙矢志守節家貧女紅佐薪水教夫

弟及已子備竭心力苦節四十六年卒年七十四後馮

子姓蕃衍實趙守節撫孤之力云舊志無今補

康氏名流著州人武寧女許字州人張經畿輔通志作京經父素

豐裕後家于京漸貧幾不自給康父兄聞之謀悔婚康

持大義甚堅乃止經計至康易素服泣請于母曰兒聞

古之女子有未嫁為夫守義者後世以為賢兒身雖未

歸許張久矣願母載兒從夫喪父兄駭斥其狂且恐身

殉防護甚謹康釋素服言動如平時防者懈一夕閉戶

焚所製巾帶綦履素服自縊死時年二十一戚黨議當

偕夫葬康父乃携女喪至京歸張氏康熙三十一年與

經合葬于郭西白石橋京師士大夫重其節賦詩弔之

通州志

卷之八人物 列女

三

郭琇著康烈女傳巡撫郭世隆旌曰烈壯山河守道邵

嗣堯旌曰未識夫面欲殉夫亡從容就義日月爭光知

州王光謨旌曰生無一夕之歡非耽于情也夫家貧無

立錫非慕其富也父母愛養非迫于勢也生于市井非

爛于教也乃從容以死毫無瞻顧真女子而烈丈夫矣

給額曰千古完貞舊志傳太畧今考畿輔通志郭琇所撰傳增正

金氏州人無極教諭彭爾齡妻爾齡少貧困或勸其逐未

治生金于歸後以讀書勵之黽勉持家相夫稱善爾齡

病篤已不治金禱於天願減已算二十年益夫復剖股

肉以進病尋愈後爾齡官學博歸卒果二十年人謂金

至誠格天之驗後嗣皆能以詩書世其家

馬氏州人洪應元妻居張灣年未二十夫亡馬持身嚴肅
治家有法守節三十餘年卒年五十一督學朱阜旌曰
操同冰潔知州王光謨吳存禮俱額旌

王門節孝某氏州人王永爵母羅氏永爵妻也永爵少孤
母守節撫養永爵事之以孝著有傳載孝義中婦羅氏
孝姑能竭心力知州吳存禮旌羅曰女中曾閔舊志失載其姑

今增

李氏州人某妻居靛莊年二十三夫亡舉遺腹子撫孤延
夫祀苦節歷幾十年子克成立李年至八旬舊志無今補

通州志

卷之八人物

列女

三

陸氏州人董守義妻年二十五夫亡時遺孤產四十日家
貧不自給陸誓甘荼槩教子成立辛苦備嘗享年八旬

子亦以善養稱

舊志無今補

田氏州人王紀有妻居東石村年二十八夫亡遺子二俱
幼家貧甚田矢志撫孤教之成立苦節幾十年如一日

享大壽終

舊志無今補

王氏州人齊應輔妻夫亡守節署知州陳廷栢旌曰栢舟
自矢

陳氏州人周崇禮妻夫亡守節署知州陳廷栢旌曰一門
節孝

李氏州人穆奎龍妻夫亡守節孝事堂上撫遺腹子繼宗成立以延夫祀知州吳存禮旌曰純孝完貞

石氏州人張某妻割股療舅疾知州王光謨旌曰婦孝格天

陳氏州人羅朝樑妻割股療夫疾知州王光謨旌曰天心誠感

崔氏州人王信善妻割股療夫疾知州王光謨旌曰懿範可風

茅氏州人錢起龍妻割股療親疾知州吳存禮旌曰惇孝性成

通州志

卷之八人物 列女

三

王氏州人王有道妻割股療夫疾知州王光謨旌曰志切

所天 按王氏與有道同姓今無考仍舊志

崔氏州儒士李懋林妻居張灣年二十一夫亡家貧子三

天彩天實天或俱幼崔將殉族黨勸曰子幼舅姑與夫

喪未葬賢婦責也乃忍死措喪葬事悉中禮家益落女

紅佐食撫三子既長經營四方能養其母崔終以未讀

書爲憾課諸孫力學季孫涓補諸生有文譽崔年七十

除夕謂子孫曰吾事畢矣汝曹宜益自振拔毋怠是夕

卒署知州陳廷栢旌曰志凜冰霜

舊志傳太畧今查增

敖氏州人姚起鳳妻年三十夫亡家貧甚子謙方數歲起

鳳寡親族身後孀孤絕無倚賴教立志苦守教子成立
後以一命榮其親孫永齡能孝養人謂節母之報教享
大年終以下舊志俱無或考畿輔通志或探知州黃成章編載及現在查案并採訪確實者列爲傳
谷氏州庠武生羅宏堇妻宏堇世科第而貧及卒子無所
遺谷年尙少殫力撫孤以針黹給饘粥教子成立苦節
四十餘年卒

王氏州人崔一鴻妻年二十九夫卒無子王立志守節以
夫從子爲後撫之成立苦節終身

馬氏州人吳邦彥妻年二十五夫卒家貧子二俱幼馬苦
守撫孤迨長能自食其力以成家孫周補諸生馬卒年

通州志

卷之八人物

列女

三

六十四知州王之琦旌曰克盡坤儀

陳氏州人王福海妻爲隣惡王老漢子逼汚不從被殺康
熙五十三年 旌表

焦氏州人王良弼妻居張灣年十三歸于王年二十四夫
沒子宏達甫周晬以藐孤無依不敢身殉父母欲奪其
志寧死不改節姊復力勸之曰呱呱幼兒可冀其成立
耶宜三思毋後悔焦從容答曰孤若亡吾亦亡耳姊慚
退子稍長延師教之日以敦品行相督宏達補武生踰
年焦卒年四十八宏達舉康熙甲午武鄉試

劉氏州人董居正妻居張灣年二十餘夫亡無子誓不改

適後螟蛉一孫相守苦節四十年卒年六十餘

楊氏州人夏景科妻年三十餘夫亡苦節五十餘年卒年八十七

蔡氏州人李天華妻居張灣年三十夫亡無子遺一女天華終鮮兄弟孤寡無所託蔡誓不以貧易志族黨高其節贍養之且爲其女擇配令與蔡相依蔡茹齋奉佛以終其身卒年七十餘

王氏州人柳應科妻居張灣夫亡家貧甚子女俱幼王備歷艱苦撫育成立卒年八十

張氏州人王于埕妻居河東朱家店年二十夫亡舅姑在通州志

卷之八人物

列女

五

堂張侍奉極誠孝教子承意自襁褓至成立嚴慈交盡苦節三十餘年康熙五十九年旌表

李氏州人耿進金妻年三十二夫歿無子李矢志堅守備歷諸艱後撫夫從孫鉞爲孫教養成立補諸生守節六十年卒年九十一

陳氏州庠生張煒妻年二十九煒遭地震歿屋盡傾衣食不給遺孤在襁褓中有勸改適者陳以大義拒之或有饋遺輒屏不受歷饑寒勵冰檝撫孤成立苦節四十三
年卒年七十一

康氏州庠生黃雲圖妻年二十八夫亡以舅姑俱暮年不

敢殉侍奉甘旨如夫存時舅姑歿喪葬悉中禮苦節三十三年卒年六十

郭氏州人劉清源妻年二十九夫亡老姑在堂子三長十歲次六歲三未周郭竭力奉姑色養兼至姑歿哀毀中經營喪葬罔不盡禮族黨咸稱其孝延師課子督訓不懈仲子宏志早年補諸生有文譽郭苦節四十二年卒年七十

李氏州庠生馬雲錦妻

畿輔通志馬作馮誤

年三十二夫亡家貧舅

老無宗黨可依子成龍生甫八月李紡績易食以奉舅生養死葬心力交瘁撫子成立宗祀賴存苦節四十五

通州志

卷之八人物

列女

三

年卒年七十六知州靳讓旌曰閨中正氣

楊氏州人某妻居北關村年十四夫出不歸繼母逼改嫁不從凌辱殆遍終以死誓垂三十年夫歸完聚如故州人庶吉士朱綸立楊節婦傳

張氏州人馬德坤妻年二十五夫亡遺娠五月張慟哭自誓曰倘生男願撫之以續馬氏後生女未亡人死耳果生子張操作辛勤撫養成立苦節享壽終

任氏州貢生孚尹女蘇起龍妻年十九歸于蘇二十八夫亡子三女二俱幼家故儒素幾不自給任矢志守節食貧撫孤夫喪不能葬日夕飲泣子既長孟夏季霈俱服

賈仲雨補諸生能文善書任乃命三子速舉父喪葬之日憑棺哭曰今而後先靈妥矣任一生婚嫁子女心力俱瘁苦節四十五年卒年七十二

李氏州人四衛運丁崔時茂妻年二十八時茂以父喪哀毀卒姑老遺孤二長大成六齡次大任生甫六月李以養姑育子爲己責家極貧日夕勤紡績事針黹佐易薪水有勸改適者泣曰吾生爲崔氏婦死爲崔氏鬼將焉適耶姑歿喪葬盡禮教二子克成立李一生備歷困境或日不再食嚴冬衣單袂終無怨言年八十餘卒知州黃成章旌曰栢節松齡

通州志

卷之八人物 列女

七

姜氏州庠生龔熿妻

畿輔通志
熿作黃

讀書通大義于歸後侍夫

疾心力俱瘁年二十九夫亡哀毀絕粒將殉以舅高年子幼從親黨勸忍死守節代夫盡子職生養死葬無失禮撫子召遊成立親爲教督以醫著于時年七十餘子與媳相繼歿孫女一未字孫大任甫數歲家極貧以所居賃租給食與孫女及孫棲托片椽中困瘁益甚凡苦節六十餘年卒年九十餘初召遊與州人學博田元樞善臨終以子女託元樞如其言携大任于塾教誨甚切大任自塾歸姜口授醫卜諸書女則元樞爲擇配于郭嘗迎姜往來其家迨姜歿大任始補諸生貧無所依依

其姊姊夫婦相繼歿大任力謀娶未幾妻又歿竟賚志終大任處竒窮能績學勵行身死無後士林惜之

史氏州人侯天培妻于歸一載夫亡越三日舉遺腹子史苦志堅守撫孤成立卒年七十知州黃成章旌曰古節新旌

蘇氏州人朱建中妻年二十八夫亡無子遺女二家極貧蘇誓不再適携二女依母家守節三十一年卒年五十八知州王之琦旌曰操凜冰霜

劉氏州人蕭芷繼妻年二十七芷病篤劉晝夜哭泣誓與俱死芷曰家貧無子誠難然有二女若死誰爲撫之芷

通州志

卷之八人物 列女

天

卒劉守遺命以女紅育二女及長一字玉瑄一字黃金章劉苦節四十五年卒年七十一

柯氏州人灤州訓導楊文蔚妻年十八于歸事舅姑盡孝文蔚素嬰弱疾迨司鐸灤州病益劇柯侍奉調護無間晨夕及卒柯年二十三以舅姑老子幼忍死守節事堂上生養死葬心力交瘁教子勤學爲講說經書大義早年補諸生旋天柯苦節三十一年卒年五十三雍正五年旌表

崔氏州人夏之節妻年三十二夫亡家貧子三俱幼崔矢志撫孤甘心荼苦教子成立爲之婚娶晚年謂諸婦曰

昔遭汝舅變卽欲身殉憶吾父嘗云烈女難守節更難
故忍死撫孤耳知州靳讓旌曰女有士行

劉氏浙江山陰文學胡利溥妻寄籍州人川隣母年十九
于歸甫一載利溥以好黃老術入終南不返遺娠生子
川隣劉貧無所依茹荼飲檠課子成立川隣工文章翰
墨見重于時後奉母來通遂寄州籍劉苦節享高壽終
王氏州庠生耿宗湯妻居潯邑王年三十夫亡矢志守節
治家肅然耿有族婿呂哲素叵測適土賊橫于鄉哲煽
惑其黨劫耿家莊縛宗湯弟宗孔及諸姪等將加刃舉
家驚匿王獨不避以大義曉賊賊知墮哲計釋縛而退

通州志

卷之八人物

列女

完

哲叔茂竒與哲同惡嘗囑盜誣宗孔下獄詎王曰付我
五百金可脫汝叔王識其詐佯應曰善須開明所需各
項乃可與姪商耳遂獲茂竒字據命侄如標赴巡按白
寃獄始雪盜伏法茂竒亦獲罪王之以節兼才如此
張氏州人某女密雲人杜本榮妻年十九夫亡苦節三十
餘年雍正六年 旌表

田氏州廩生郭金甌繼妻年十六歸于郭二十三夫卒子
汝舟七歲女三歲田素明大義矢志撫孤值地震舍宇
盡圯菽水難給偕子女熒熒以存不易其操汝舟稍長
課讀甚嚴十八補諸生旋食餼學行著于時悉母教所

成就女字武舉謝錫綸田苦節三十五年卒年五十七
陶氏州人賈文選畿輔通志選作魁誤妻年二十七夫亡遺子六歲
陶堅志守節撫孤成人操井曰勤紡織終身如一日
詩國子生知州黃成章額旌之

王門雙節徐氏州人王德粹妻陳氏德粹弟德溥妻徐歸
德粹五年二十五夫亡陳歸德溥四年二十九夫亡俱
無子娣姒同心誓不改適守節以終其身徐卒年五十
二陳卒年五十一知州黃成章旌曰一門雙節

馬氏州人張仲祥妻年二十四夫歿無子遺女一馬立志
守節歷幾十年茶檠自勵知州黃成章旌曰苦操勁節

通州志

卷之八人物 列女

三

陳門雙節馮氏州人某女密雲人陳啟亨繼妻夫亡前妻
遺子琦五歲馮撫之成立爲娶婦王氏王年二十一琦
又天姑婦相依同甘茶檠馮守節三十餘年卒雍正七
年 旌表王守節二十七年卒雍正十一年 旌表

裴氏州人倪煜妻年三十夫亡矢志堅守撫孤世基成立
苦節終身知州黃成章旌曰節義兼全

洪氏州人馬斐妻年十八于歸二十九夫亡家貧姑老遺
子羲瑞八歲洪矢志守節日夜勤紡績針黹以佐菽水
姑歿經營殯葬貧不廢禮教子力學每自塾歸一燈課
讀不輟羲瑞年十八補諸生旋食餼貢成均洪處困勵

貞凡五十一年卒年七十九雍正十三年 旌表

孔氏州廩生潘淑妻年二十九夫亡姑老子幼孔身任之事姑養生送死悉本於誠舅姑與夫喪未葬復卜吉地以安窀穸教子成立能孝謹孔苦節壽終

黃氏州人高起麟妻年二十七夫亡無子女家貧甚族人勸之嫁黃以死誓針黹易食或浣衣受直無怨也有欲爲父娶作繼室者使媒通黃叱絕之卒年四十四族人高其節舉喪與起麟合葬

高門雙節蘇氏州國子生高麟繼妻馬氏麟子鈞妻也蘇年十七歸于高十九麟卒一女在襁褓蘇立志守節以

通州志

卷之八人物

列女

三

前妻所出子鈞已十歲可冀成立殫心教養長爲娶婦馬氏舉孫兩月鈞又歿蘇偕子婦馬同志撫孤自懷抱至成人皆姑婦所教育云

陳氏州人劉邦卿妻年二十一夫亡遺子儼尙幼陳矢志守節撫孤旣長業于耕陳苦節終身

李氏州人安州訓導何湛妻年十五于歸舅憲曾姑馮俱在堂奉事孝謹舅歿佐夫哀禮兼盡湛司鐸安州旋卒李年二十九痛哭絕食戚黨以姑老子幼勸乃不敢殉經營夫身後事必誠必信家故儒素力勤女紅佐食事孀姑幾三十年飲食寒煖必身侍之姑年八十餘見其

白髮服勞嘆爲孝婦姑歿哀禮如喪舅時教子元正自七歲以至成立晨夕督課不怠甫冠補諸生李苦節三十二年卒年六十乾隆七年 旌表

鄭氏州人王朝相妻居張灣年三十餘夫亡子二俱幼鄭矢志從一苦守垂四十年教養其子成立卒年七十

李氏州庠生魏廷璜妻年二十六夫亡家貧子幼李撫孤成立窮困甘之苦節幾十年卒

杜氏州人李某妻事母以孝著夫亡苦志守節三十餘年里黨稱之無間言

李氏州人韓瑾妻年十八夫亡志不可奪苦節幾十年卒

通州志

卷之八人物

列女

三

張氏州人馬上瀛妻年十五于歸上瀛市牛乳爲業家畜牛覓工取乳張以工直多費手習之相夫儉勤類如此二十一夫亡子二長呈祥五歲次呈瑞甫周歲張矢志不二仍夫業以撫孤積十餘年家漸裕爲二子娶婦生四孫冢婦更以賢孝著張守節三十八年卒年五十八馬氏州儒士李本固妻年三十餘夫亡無子女馬誓不改適苦節三十餘年卒年六十八

鮑氏州人楊國隆妻年二十夫亡無子姑在堂女幼或勸改適鮑曰婦人不事二姓有孀姑幼女在不敢死耳家貧以紙糊器易食奉姑色養備至姑歿年八十餘經營

喪葬罔不中禮女長已字天鮑子身事姑三十五載州人嘆爲苦節純孝

李氏州人馬秉義妻年二十七夫亡矢志守節撫子承祧性嚴謹親黨罕見其面苦節四十年卒年六十六

李氏州人康永祿妻年三十餘夫亡無子遺二女李食貧堅守針紉自給偕二女惇惇一室不履戶外女長俱字人次女適劉早寡守節詳後傳李苦節四十餘年卒年七十四

康氏州人劉成德妻年二十夫亡子一女一俱幼成德家故貧身後子無所依康誓不易志居一椽中十指自給

通州志

卷之八人物

列女

三

衣食恒缺乏撫孤長大心力俱瘁人謂康母李本苦節康實不愧母教者

陳氏州人方某妻年三十三夫亡家貧子幼陳矢志撫孤甘守窮困教子職成立苦節幾十年卒

張氏州人徐孝妻早歲夫亡遺腹舉一子家極貧張誓不改適以浣衣捻線自給時至凍餒撫子長大備歷艱辛苦節幾十年卒

王氏州人劉懷聖妻以孝行著年二十九夫亡食貧苦志守節終身

鍾氏州人王有德妻夫亡苦志守節茶糜終身卒年八十

四

趙氏州人劉養志妻年二十九夫亡遺二子俱幼家貧趙以針工謀生撫孤成立苦節三十餘年卒

顧氏州人馮守銀妻夫亡堅守兼以孝著苦節三十餘年卒

傅氏州人張文翰妻年二十六夫亡遺腹舉一子家貧甚紡織自給教養孤子成立苦節三十餘年卒

于氏州人張國柱妻年二十二夫亡子甫三歲于志切撫孤備嘗艱苦子果成立苦節三十餘年卒知州黃成章旌曰節孝公評

通州志

卷之八人物

列女

三

尚氏州人李永福妻于歸後孝事舅姑姑病日夕侍湯藥及卒相夫哀禮兼盡年三十五夫亡舅年垂七十子五俱未成立家又貧尚以女紅謀甘旨及諸孤衣食舅卒不以貧廢禮教諸子次第成就家稍給支亦蕃衍康熙六十一年卒年七十五知州黃成章旌曰古節新旌

戴氏州人楊純祖妻年十八于歸二十四夫亡姑老子幼戴以仰事俯育爲己任奉姑克誠教子有法苦節享壽而終知州黃成章旌曰節孝雙全

張氏州人王璘妻年十七夫歿姑老子甫周歲張矢志不二事姑盡孝教養遺孤成立苦節四十餘年卒

田氏州人宗麟育妻年十五于歸善事舅姑嘗割股入藥以愈姑疾當事旌曰賢孝二十九夫亡無子遺女三田絕食者數日以姑老不敢殉奉姑生死以禮教女皆端淑守節幾十年卒

周氏州廩監生燮女耿震暎

畿輔通志
暎作英

妻居滎邑周于歸

後事姑盡孝夫亡遺子五俱幼周勤紡績嚴課讀教諸子次第成立居恒重一本誼祖母及父母兄妹六喪不能舉爲卜兆葬之守節享壽而終

董氏州人杜如蘭妻于歸後事孀姑以孝著夫早亡家貧甚董經營殯葬心力俱殫茹荼飲檠幾十年卒

通州志

卷之八人物

列女

三五

袁氏州人前明舉人希賢孫女王振妻居張灣及笄于歸事舅姑有孝行三十五夫亡遺一子二女子甫周歲家貧無所依或勸改適袁以死誓二女相繼歿子既長猶不自給振戚趙乾高其節資以薪水袁苦節終其身

李氏州人林森妻夫早亡遺子三雲鵬雲霄雲漢時仲季俱幼李殫力教養三子皆成立雲鵬稟母教善訓兩弟雲漢由武鼎甲歷官副總兵李受封享壽而終

陳氏州人湖廣安陸知縣王暉妾年二十九夫亡矢志守節撫孤成立歷苦節三十八年卒年六十七子家琬家琰俱諸生

李氏州國子生劉澤源妻夫早亡家極貧李備歷艱困撫遺孤以終其身

王氏州庠生公法女武強教諭雷淳妻年二十九淳卒遺一子元樾尚幼王矢志撫孤教養成立補諸生食餼王苦節幾十年卒

陳氏州人延慶訓導呂捷妻年二十九夫亡姑在堂夫弟尚幼遺女一陳立志守節奉姑以孝勗夫弟成立姑旣歿哀禮兼盡夫弟擢由武舉官守備教女以禮法長字武舉黃士輝陳苦節幾十年卒

李氏州人劉義惠妻居羊房村夫病侍奉湯藥寢食俱廢

通州志

卷之八人物

列女

三

夫亡經營殯葬悉盡禮遺孤甫六歲家貧無親族可倚賴李以紡績易食殫心教子成立苦節幾十年卒

王氏州庠生公浩女宣化選貢生姚之益妻年二十二夫卒苦志守節撫孤成人

李氏州人劉普妻年二十六夫亡無子女李誓不改適勞勞苦守以終其身知州黃成章旌曰松節鶴齡

耿氏州人馬呈奇妻于歸後孝事舅姑呈奇南遊客死耿聞訃將殉親黨以子幼勸乃矢志撫孤冰檠自勵歷幾十年卒

劉氏州人馬文緯

畿輔通志
緯作煒

妻文緯幼失怙恃祖父母在

堂劉于歸後侍奉至孝文緯歿撫子之琳成立爲娶婦旋相繼夭劉苦節幾十年卒

王氏州人馮滕公妻年二十餘夫亡姑老遺一子一女俱幼姑曰婦年少家極貧將何以守王誓不易志日夜織履易食奉姑已則粗糲皆不給子長力役受直以飯供母王泣曰我十五年未嘗此矣命先薦父而後食苦節幾十年卒

潘氏州貢生劉瓊妻年二十三夫亡舅姑俱在堂潘矢志守節以婦代子歷幾十年人稱其孝

趙氏州人廣東鹽大使李寅妻夫早亡無子女趙矢志守

通州志

卷之八人物 列女

三

節茶槩自甘歷幾十年卒

楊氏州人居文傑妻夫亡苦志守節幾十年卒

金氏州國子生居文登

畿輔通志缺文字

妻夫亡苦志守節幾十

年卒

于氏州人居文印妻夫亡苦志守節三十五年卒

劉氏州人居文英妻夫亡苦志守節三十年卒

李氏州貢生授縣丞達女喬任妻年二十夫亡越兩月舉

遺腹子時姑已七旬家無次丁李守節事姑以誠孝著

姑歿經營殯葬俱盡禮撫孤成立心力交瘁知州黃成

章額旌之

通氏州人陳麟妻年二十五歸于陳未匝月麟卒通將以身殉念太姑及舅姑俱在堂家貧無所依賴乃代夫養親以女工謀菽水苦節幾十年卒

劉氏州人任大華妻居任家莊年十八夫亡無子矢志堅守事舅姑以孝著嗣夫從子教之成立卒年八十二嗣子能恭孫秉元俱諸生知州黃成章旌之曰節操堅白

郭氏州人田某妻夫早亡誓不改適撫子景魁成立苦節三十年卒

范氏州人張繼宗妻年三十夫亡子幼范矢志撫孤子長旋歿遺一孫范又撫之鞠育兩世苦節垂五十年卒

通州志

卷之八人物 列女

三

祝氏州人周鐸妻夫亡苦志守節撫子元標成立歷荼苦幾十年卒

王氏州人陳治本妻年十八于歸閱八月夫亡王矢志從一苦節以終其身

張氏州人陳士英妻夫亡苦志守節幾十年卒

何氏州人鐵嶺訓導師曾女州庠生洪世鎮妻于歸後善事舅姑夫早亡舅亦棄養何奉繼姑以孝撫遺孤及諸姪教養兼至歷艱苦幾十年卒

魏氏州人趙之琳妻年二十三夫亡遺子二俱幼家貧無親戚助魏矢志堅守以針指謀薪水撫子成立苦節幾

十年卒

張氏州廩生袁府妻年十七于歸府已邁疾張侍奉湯藥越七月餘夫卒時張年十八痛不欲生以孀姑邁年矢志代夫盡養家貧女紅謀菽水姑歿哀禮兼盡撫夫從子爲嗣教養成立乾隆七年旌表時年六十二孫鏞國子生

李氏州庠生劉炎繼妻居張灣年二十一于歸甫一載夫亡舅姑在堂前妻遺四子俱幼家貧無所依李以仰事俯育自任典簪珥勤女紅克盡孝養舅姑歿時家益困經營殯葬罔不盡禮教育四子如已出旣成立咸爲婚娶苦節幾十年卒

通州志

卷之八人物 列女

三

王氏州庠生紹唐女張元鑑妻幼侍父讀書識大義年二十三于歸事姑孝謹夫業農王克佐操作二十五元鑑歿遺子兆熊未周晬王哀毀欲殉以姑老無依矢志守節凡奉養必先意承志姑歿時家益貧典貸殯葬哀禮交盡撫子成立仍父業王至老猶操井臼課桑麻不倦遇豐收鄉里有匱乏者卽分贍之乾隆八年旌表時年七十

劉氏州人朝玉女庠生王巽妻年十九于歸事孀姑盡孝巽家貧授徒劉黽勉操作不怠二十九巽歿姑老子元

章甫四齡親黨鮮有倚賴劉仰事俯育一身肩之拮据
養姑十五年姑嘗語人曰老年人無子而有子賢婦力
也姑歿力措殯葬撫子元章稍長卽令入塾歸必叩其
所課弱冠補諸生乾隆十年 旌表時年六十二

陳氏州人朱國祥妻夫亡遺一子三女俱幼陳矢志靡他
撫育子女兄陳光肇重其處貧守貞爲贍養之并婚嫁
其子女陳守節幾十年卒

吳氏州人張應捷妻年二十夫亡舅姑在堂父將迎歸奪
其志吳以死誓孝養舅姑生死盡禮苦節幾十年卒

梁氏州人張可稿妻夫亡苦志守節三十年卒

通州志

卷之八人物列女

早

王氏州人馮嘉祥妻夫亡苦志守節四十餘年卒

楊氏州庠生唐裔典妻夫早亡遺三子俱幼楊矢志從一
守貞撫孤三子皆成立苦節四十餘年卒

梁氏州人方國棟妻于歸後事姑陸至孝姑病篤割股入
藥以進知州王之琦旌曰純孝忘軀

馬氏州人李時遇妻居張灣夫亡遺一女尚幼馬立志守
節夫姪成龍謀佔其產逼改嫁馬斷髮自矢成龍怙惡
不悛凌逼愈毒馬不得已自縊夫柩前死

按此曾有斷案今康熙年

間卷多零爛莫考

張氏州庠生吳姬嗣妻夫亡無子苦志守節與夫弟庠生

姬緒妻喬氏同居食貧共處幾十年知州黃成章旌曰
苦節流芳

潘氏州庠生鉞女庠生威世位妻年十八于歸孝事舅姑
夫卧疾盡出簪服易參藥求治卒不起時潘年二十八
子桓甫三歲潘將殉姑及親黨慰解之乃力營夫喪葬
事極盡誠信家貧薪水不給惟十指是賴奉孀姑二十
餘年生養死葬無闕禮教子克自成立乾隆十二年
旌表時年七十一

柳氏州人沂州州同星耀女舉人錢澍妻年二十于歸克
循婦道相夫力學澍登康熙辛卯賢書越三載得瘵疾

通州志

卷之八人物 列女

罕

柳晝夜奉湯藥或勸節勞柳曰夫存則存設不諱身與
俱矣澍卒柳年二十八水漿不入口者五日誓殉于夫
靈前娣姒謹防不得死夫兄溥以次子朝樞嗣勸柳撫
孤延祀乃復進食朝樞方八歲柳教之讀書鞠育成立
弱冠補諸生乾隆十三年 旌表時年六十二

陶氏州人某女旗人周六哥妻夫亡慟不欲生念夫喪未
舉亟卜地葬夫葬畢縊墓側死遠近皆嘆其節烈

龍氏州貢生命錫女陽湖主簿羅鏊妻幼讀書通大義于
歸後事姑篤孝年二十八鏊得不治症龍夜禱于天割
股和藥以進疾尋愈後鏊又嬰疾垂危龍願持長齋以

延夫算罄果痊罄初官定州訓導後改陽湖主簿家貧
龍紡績佐之至老不懈乾隆二十七年卒年八十二
趙氏州貢生張泌妻于歸後事姑至孝姑病將不起趙沐
浴叩天持刀割股絕而復蘇入藥以進姑果愈姑壽至
九十終趙卒年五十八

王氏州人陳木匠妻家貧甚繼姑性嚴苛王曲盡誠敬無
怨言姑患癆瀉疾卧牀三年夫傭于外王洗滌穢垢衣
器侍奉不稍怠夫得直無幾王于侍疾時猶操力作以
佐薪水久之姑亦知其孝有悔心州人公舉孝行知州
王光謨給額旌之

通州志

卷之八人物 列女

三

楊閨姐

畿輔通志
閩作閩

州人侍郎正中女孫保安訓導某次女

天性孝友年七歲生母宋有宿疾每疾發卽焚香告天
願以身代父年三十五始得子七歲患痘甚險閨姐禱
神乞借已算目不交睫者十一晝夜及殤一哭氣絕力
救始甦後生母產中卒閨姐號慟如成人絕飲食三日
淚乾氣盡而歿葬于州城南門外督學張題其塚曰孝
女墓

按正中子一名墳一名均曾有任保安訓
導者舊志科貢表內未書其官今亦無考

吳氏州舉人邦翰女貢生王家珮妻于歸後事舅姑盡孝
家珮攻苦得咯血疾劇甚吳禱于天願身代割肉和藥
以進尋愈舅宦安陸攜眷之任旋往攝隣邑篆有羣盜

入安署將行暴家人驚匿吳謂家玘曰家事小國帑重君急詣郡守請捕乃自掖姑匿旁舍以免吳年三十三卒張敘立傳子鎰詳鄉賢傳

王氏州國子生權女年十三許字宣化舉人魏之樞之樞家貧力學登康熙乙酉賢書以王尙幼未請婚尋染疾不起王欲侍母臨其喪母未許卽以死自誓當事聞之備輿蓋送歸于魏額獎曰栢舟永矢又置園田數十畝贍其高節王旣歸魏事舅姑盡孝親操井日不憚勞瘁以夫從子嗣督課甚力補諸生王苦節幾十年卒州人王鎰立傳

通州志

卷之八人物 列女

三

李氏寄籍州人童嶽妻嶽本浙之會稽人充州掾挈婦家于通李天性孝義年十三割股愈父疾十七歸于童姑病篤又割股以愈姑姑畏遠涉不能就嶽養以季子留浙李自甘粗糲積貲寄姑佐甘旨嶽爲掾無苟取家益貧旋得失血症已昏絕李剖脇取肝肉爲羹灌之李亦暈仆夫婦俱復甦嶽病尋愈次年李以肝疾發卒時康熙甲申夏也寄籍州人李徵淳撰李氏剖胸救夫傳

夏氏州人李之玘妻夫亡遺二子俱幼李食貧守節撫育遺孤歷幾十年卒

常氏州人夏某妻世泰母夫亡撫孤守節三十二年卒

劉氏州人艾成龍妻居張灣夫亡守節教子德臻成立卒年八十三

王氏州人李應春妻夫亡遺四子俱幼王矢志撫孤備嘗艱苦子有仁有義有智有信能稟母教篤友于終身不析爨王苦節四十餘年當事給額旌之

張氏州人武文炳妻有孝行嘗割股療親疾既于歸夫病篤煎肌入藥以愈夫鄉里稱其賢孝

馬氏州人劉某妻于歸後夫病篤割股療夫年二十六夫亡遺一子尚幼馬矢志守貞撫孤成立苦節幾十年卒子起龍國子生

通州志

卷之八人物

列女

四

宋氏州國子生王萬春妻夫早亡孝事舅姑守貞教子苦節三十五年卒

嚴氏州人永定典史顧俊妻于歸後事太姑陶至孝隨夫宦閩中相夫服官多惠政夫卒于任民哀感之扶櫬歸營葬盡禮教子以義方俾成立人謂母教之善云

王氏州人李天培妻事舅姑以孝著撫前室子教養成立享高壽終

張氏州人李某妻于歸後事孀姑以孝服食起居先意承志歷十餘年如一日教子琳能讀書補諸生

尹氏州人孫某妻夫亡苦志守節三十餘年卒

虞氏州人李天實妻早歲于歸事舅姑盡孝舉一子虞尋
歿天實年方冠感其孝親終身不再娶子涓州庠生

李氏州庠生唐彬妻彬寒素李黽勉有無相夫事舅姑色
養兼至教子以義方早成立鄉黨稱其賢孝

陳氏直隸文安世襲拜他喇布勅哈番良燦女州國子生
張霽妻年十七于歸二十四夫亡矢志守節孝事孀姑
克殫心力苦節幾十年卒

劉氏州人田某妻夫亡家貧苦志守節幾十年卒

鄭氏州人馬益亭家婢鄭本密雲人年八歲役于馬馬素
饒裕後漸貧他婢盡去鄭獨留亦不求配馬幼子卧疾

通州志

卷之八人物 列女

罍

十餘年鄭百計覓藥救痊又爲人澣衣取直以贍其主
馬子婦久病有子不能撫鄭代撫之賴以成立事馬家
三代歷七十六載如一日居恒持已循謹雖耄年不失
主僕禮以處女終年八十四里人羣嘆其義

李氏州人茂榮女武生白煇繼妻年十九于歸二十三夫
歿姑年踰七旬子廷境二歲家極貧衣食罕繼李晝夜
勤女紅盡養嚴寒衣一單親族有助絮衣者仍奉諸姑
身處凍餒無怨姑歿力營殯葬訓子謹飭以業賈成立
州人稱爲奇窮苦節乾隆十五年 旌表時年六十二
楊氏州人有德女庠生趙璞妻居灤邑年二十于歸相夫

以恭敬著二十五夫歿家故貧遺孤國柱甫周晬楊哀
毀中經理殯葬無失禮以夫嗣爲重矢志守節教子旣
長入太學乾隆十七年題准遵照

欽定清標彤管匾額

旌表并准鑄姓氏于節孝碑設位入祠

載入州志時年六十二

蘇氏州人國泰女王允祚妻年十七于歸允祚家故貧母
以警廢蘇調護扶掖日夕不怠稍暇則操作井日勞苦
安之年二十三夫歿無子遺一女尙幼蘇痛姑無所依
忍死守節織紡易食曲慰姑憂事姑至八旬孝敬如一
日姑歿竭力營措喪葬撫女旣長適廩生張素學乾隆

通州志

卷之八人物 列女

巽

十八年 旌表時年五十四

劉氏州貢生濬女庠生倪基聖妻年十七于歸二十七夫
亡姑垂七旬子九歲基聖彌留時囑曰母老子幼匪異
人任劉涕泣承命不敢身殉奉姑極誠孝生事死葬悉
中禮撫子宗寬旣長爲授室宗寬與子婦相繼夭復撫
夫從子銘爲嗣教養成立乾隆二十年 旌表時年六
十九

蘇氏州人華亭女張光祺妻年二十二于歸孝事舅姑克
盡婦道二十九夫亡時姑毛在堂長子秉銑四歲次秉
鈔夫故後九日生蘇矢志堅守以仰事俯育自任菽水

不給紡績易之姑賴以終天年撫二子稍長訓勉不倦
並成立苦節三十三年卒年六十一乾隆二十二年題
准遵照

欽定清標彤管匾額

旌表并准鑄姓氏于節孝碑設位入祠

載入州志

趙貞女州庠生傑女許字庠生丁鼐爲繼妻年十九未婚
鼐歿趙聞訃毀容奔喪誓以死殉舅姑泣慰之乃願終
事堂上修婦道極孝謹凡生事死葬以迄歲時祭享貧
不廢禮前室子方五齡趙撫之如己出旣長旋天瑩瑩
一室中以終其身乾隆二十四年 旌表時年五十四

通州志

卷之八人物 列女

七

胡氏州人士琮女孫士俊妻性孝謹幼侍母疾不離側母
病篤私飲泣惟恐母知家人異之年十九適士俊以不
及事舅姑爲恨常設舅姑遺像事之如生士俊本寒素
胡以女紅佐薪水夫患瘡疾百計求活瀕危禱天願代
卒不起時胡年二十九遺子三俱幼立志撫孤不敢殉
旣經營夫殯葬後家益罄日夜勤針黹撫三子次第成
立年六十以勞悴成疾三子延醫調治胡曰吾爲未亡
人幸汝曹長大可見汝父于地下毋容藥也越數日卒
苦節三十二年乾隆二十五年 旌表

王氏州武生周璜妻年十八于歸事舅姑以孝著二十六

夫亾矢志守貞終事堂上凡飲食寒煖必曲體二人意
舅姑相繼歿王哀毀中經營殯葬竭誠盡禮人以至孝
苦節稱之乾隆二十七年 旌表時年六十四
吳貞女州人宏基女王元紳聘妻年二十一未婚元紳歿
吳聞訃易服奔喪號慟絕食時夫姊孀居在室泣勸至
再乃願守節終身元紳素貧身後無所遺吳以針黹自
給雖歷饑寒不怨夫姊有子一無家與吳共處極敬睦
其子娶婦生男女各一而夫姊及其子夫婦皆相繼歿
所遺幼穉吳俱鞠育之俾得成長乾隆二十七年 旌
表時年六十

通州志

卷之八人物 列女

吳

王氏州人耀生女陳漢超妻年十五于歸二十一夫亾家
貧無子姑在堂夫弟未成立王念若以身殉姑將焉依
乃日勤女紅謀食養姑身雖嬰疾服勞不稍怠姑歿殯
葬無措王盡以室中器用衣飾易貲籌辦每食必先泣
奉姑與夫木主前歲時享祀貧不廢禮撫夫弟漢章成
立娶于雷未久漢章歿王待雷加意撫卹瑩瑩一室相
處無閒言云乾隆三十八年 旌表苦節至今四十六
年現年六十六

雷氏州人陳漢章妻漢章爲嫂氏王教撫成立雷于歸後
事王恭謹相夫以儉勤稱年三十夫亾無子遺女三俱

幼雷誓無二心與王同節兩女旋殤撫長女及笄贅女
夫于家未幾女夫與女相繼歿姒娣相依共矢荼檠鄉
黨敬而哀之守節至今三十一年現年六十

王氏州庠生曰成女正白旗漢軍生員王聖成妻王年十
九于歸越三載聖成歿無子王痛不欲生以姑老無所
依乃矢志事姑守節家貧日勤針黹以佐饔飧殫孝養
者十六年姑歿力營喪葬畢寄居母家乾隆三十九年
本旗題請 旌表現年五十八

石氏州人懷秀女湯文輝妻幼事父母能孝年十七于歸
家故貧力持中饋敬養舅姑二十七夫嬰疾盡典簪服

通州志

卷之八人物 列女

巽

百計求療竟不起無子遺一女石痛不欲生堂上泣慰
之乃曰舅姑在婦何敢死日務針黹以謀菽水舅姑疾
奉湯藥不離側舅歿殯葬盡禮事姑年九十餘晨夕問
視如一日先是夫弟有六人姑以多病不能撫俱石鞠
育成室撫女旣長亦擇配得所云乾隆四十一年 旌
表時年六十九

王貞女州人曰興女州庠生蘇世恩聘妻年二十未婚世
恩歿王聞訃卽截髮毀容請于父母奔夫喪憑棺慟絕
者再戚黨咸慰解之乃留事舅姑極盡誠孝性嚴肅非
骨月不見其面操作井臼無懈時以貞女爲孝婦者九

年卒二十八乾隆四十一年 旌表

袁氏州人昭遠女俞國潮妻幼知書識大義年十七于歸
勸夫力學夫以貧業賈于外家政悉畀諸袁事舅姑及
夫生母黽勉旨甘心力俱瘁舅姑相繼病歿藥餌殯葬
盡出嫁時簪服易貲以辦二十九夫亡袁念夫生母在
堂子四俱幼不敢殉仰事俯育胥賴女紅凡孝養夫生
母四十三年如一日教育諸子成立四子翼鴻補諸生
食餼初袁于閨中時覽經史閒及吟咏夫故後取所詠
焚之曰未亡人焉用詞章末耶每四時祭祀哀禮至老
不衰嘗訓諸孤曰祭必誠庶幾能如在也乾隆四十二

通州志

卷之八人物 列女

辛

年 旌表時年九十

李氏州人承祖女金撰玉妻年十八于歸二十夫亾家極
貧舅姑在堂夫兄弟俱遠出遺孤在襁褓中李以事親
撫孤爲己責日勤針織力謀菽水雖極匱乏不敢貽堂
上憂姑患足疾三年旦夕侍奉扶掖不懈舅姑相繼歿
力營殯葬子年十三殤李痛欲絕族人勸以夫從子義
爲後撫如己出教之力學補諸生平居待夫諸從子亦
專勗其敦行讀書云乾隆四十四年 旌表時年七十

四

林氏江南上元人鳳來女州人鄭起貞妻年二十一于歸

以不及事舅姑日懸遺像奉之如生起貞習計然往來
南北林年三十二起貞客死櫬歸慟絕者再子光宗甫
四歲女二俱幼起貞遺貲既渙散家計匱乏林持長齋
日勤女工易食撫其子女子稍長令就外傳歸則督課
甚切終以貧故改業爲賈後家漸裕光宗泣請茹葷終
不許苦節四十一年倉場總督宗室塞爾赫旌曰節操
松筠雍正九年卒年七十二歿之前一月謂其子曰吾
昨夢人牽熊來且曰七月來接今汝婦有娠可望生男
吾將于七月死不及見孫矣果生孫當命名文英是年
光宗果生子如母訓名之今文英以乾隆庚寅舉人候

通州志

卷之八人物列女

五

選教諭

沈氏州人陶濱妻于歸後相夫克謹濱嘗病劇沈涕泣禱
天割股和藥以進獲愈沈年三十八濱以瘵疾卒遺子
文成尙幼殫力教養成立文成稟母教事伯父極恭謹
年十六以伯父病危亦割股療之人嘉其義沈卒于乾
隆二十四年年七十八

張氏州人陳訓繼妻年二十七于歸時訓已久疾未踰月
訓卒家貧前室趙所生子韶尙幼張誓不改適撫前室
子至十六歲殤復以族子誼爲後家無恒產饗殮日不
給乃於舍旁隙地植瓜菜以易食晨夕灌溉身任其勞

教子稍能樹立克盡孝養張自甘荼苦如故子歿遺二孫張又撫之歷艱難困頓五十九年乾隆四十四年卒年八十有六

周氏州人于國相妻居小馬家庄于歸後相夫以勤儉著年三十一夫亾三子俱幼家貧周誓不改適依母家操作自給撫三子顯祖成祖紹祖成立苦節四十八年卒年七十八

高氏州人嵩女陳嘉言妻年二十五于歸相夫克盡婦道二十九夫歿無子高矢志守貞以夫從子樸爲嗣時樸未周晬高教養兼盡俾得成立苦節四十年卒年六十

通州志

卷之八人物

列女

五

八

鍾氏州人居元龍妻于歸後克盡婦道年二十六元龍歿鍾志不可奪荼檠守貞歷今六十一年現年八十六

馮門雙節李氏州人玉琳女馮廷敬繼妻李氏州人德元女廷敬子徵妻也李年二十一于歸事夫以敬慎儉勤著待前室子徵如己出以兄德元女爲徵妻二十九廷敬卒所生子術尙幼徵已先數月歿徵妻年二十七子達未周晬姑婦並守貞撫孤慈孝交盡凡同甘荼檠者歷四十五年姑現年八十三婦現年七十一

朱氏州人劉五妻居協各庄年十七于歸事舅姑盡孝二

十八夫亾子甫八歲朱代夫侍親撫孤成立苦節五十二年現年八十

郭氏州人韓士瑋妻居曠裡村年十九于歸相夫以儉勤著四十夫亡遺一子一女子成相幼多疾郭以夫祀爲重殫心撫育俾得成立女長適州庠生張希天亦早寡詳後傳郭守節三十六年卒年七十五

徐氏州人于光祖妻年二十六于歸孝事舅姑家貧日勤操作舅歿佐夫經理殯葬克盡誠信年三十九夫亡姑在堂子秉忠兩歲女未周徐食貧事姑力撫子女苦守四十一年現年七十九

通州志

卷之八人物

列女

三

方氏州庠生陳瑄妻年十八于歸事姑孝謹相夫力學有賢聲越七載夫亡子未周晬方以夫祀不可絕矢志撫孤稍長教之就傅早夜督課以克繼書香爲勗子克荷廩貢生方苦節五十年乾隆三十四年卒年七十四

張氏州人趙之紀妻年二十一于歸相夫持家克殫婦道二十七之紀歿子人龍方在抱張誓無二心食貧堅守教養其子成立苦節四十五年卒年七十一

李氏州庠生孔傳宣妻年十五于歸婦職以賢著二十夫歿無子女李矢志不二荼檠守貞依夫從子庠生繼彰繼彰沒其子廣義贍養之後以夫從子繼曾爲嗣乾隆

二十一年學校公舉督學徐額旌曰清節維綱苦節五十六年現年七十五

李氏州人金承祖妻于歸後相夫敬順年三十三承祖歿子琪尙幼李勵志荼檠撫孤成立苦節四十三年現年七十五

張門雙節朱氏州人經女張廷瑞妻張氏州庠生懋德女廷瑞子永盛妻也朱年二十一于歸三十一夫亾遺二子永茂永盛俱幼家貧夫喪不能舉朱從弟元介及戚屬共助之張賃居一椽針黹育子歷饑寒不易其操永盛妻張十九于歸能事孀姑三十七而寡遺子二俱幼

通州志

卷之八人物列女

五

衣食不繼有勸改適者張泣拒之曰吾法吾姑苦自能甘也撫二子稍長習負販貧窶如故張處之無怨言朱苦節四十三年卒年七十三張苦節二十一年現年五

十七

通俗偶有一姓非宗而議婚者故永盛娶于張云

姚氏州人張維垣妻維垣與姚議姻後隨從父炳宦楚中炳卒于官維垣卽隸湖廣籍入伍差務來北始成婚甫三月以限迫還楚姚寄食母家閱歲維垣遺書絕婚令姚改適親黨憤維垣無良聽姚自主姚泣告于親黨曰吾無故見絕于夫命不辰也倘死轉無以自明願終身如張氏嫠婦時年二十三居母家事親極孝每歲時伏

臘猶祀張氏之先及父母歿始歸夫族叔家年踰五十
循循執婦禮張氏義之爲嗣一子已娶而天姚被棄守
貞歷艱苦者五十一年卒年七十三張氏族人高其節
葬于張氏之隴以從其志

張氏州庠生阮敬妾敬娶于劉無出早卒納張生子一女
一張年二十四歿歿家素貧子女俱幼張誓甘荼苦守
節撫孤子維翰稍長令就學晨夕訓勉不怠旋補諸生
張貞靜謙抑居家遇尊卑長幼輒引分自下嫡劉之父
重其節相待若女族黨家人敬事之如嫡禮苦節四十
八年乾隆四十六年卒年七十有二

通州志

卷之八人物

列女

五

陳氏州人嘉言女庠生王克恭妻年二十一于歸克恭本
寒素陳日勤操作佐夫力學年四十克恭歿無子女家
益貧陳以紡織自給歷奇窮者三十一年卒年七十

楊氏州人顯德女王偉繼妻偉家故貧楊子歸後黽勉佐
夫以儉勤著年三十七偉忽他出不返子一女三俱幼
啼饑號寒日不自給楊力勤針黹撫育之以次成長苦
節三十一年卒年六十七子濟能安貧有介操人謂皆
母教云

余氏州人一德女王殿芝妻年二十于歸家貧舅姑俱邁
年甘旨不給余盡以簪服易貲授夫謀微利力盡孝養

舅姑歿贊夫經營喪葬家益匱乏年二十八夫亡子同甫周晬身後之事罔措余哀號幾絕賴夫族兄力營殯葬余念撫孤爲重不敢身殉夫族兄亦重其節迎歸養之未三年夫族兄歿乃依兄克斐克斐善待孀妹而困于貧余力勤針帶自給子同稍長克斐克斐爲之傳余日夕紡績以脩膏火每同自塾歸輒叩所課習詳列泣涕勉之同補諸生食餼人謂皆節母之教余苦節三十七年乾隆三十九年卒年六十有五

王氏州人馬羲葵繼妻年二十一于歸事舅姑以孝稱前室遺二子俱幼撫如己出三十夫歿家極貧舅姑就衰

通州志

卷之八人物

列女

五

王日勤女紅以謀甘旨生事死葬靡不盡禮終身迫饑寒教孤子不遺餘力並底成立乾隆二十一年州紳士陳其節于督學金公額旌曰節峻懷清卒年六十六崔門雙節姚氏州人崔二妻袁氏崔二從子獻倫妻也居楊家坨姚年十七于歸二十九夫歿子生甫八月姚以夫嗣爲重苦節撫之成立袁年十九歸獻倫二十七獻倫歿遺孤五齡袁冰檠自勵與夫孀熒熒相依殫心教育姚苦節四十五年現年七十三袁苦節二十四年現年五十

常氏州人衛千總世經女庠生許景達妻子歸後克盡婦

道年三十夫亾無子矢志守節歷今四十三年現年七十二

馬門雙節榮氏州人馬老妻馮氏馬老從子馬三妻也居賈家疇榮年十七于歸三十五夫亾無子依夫從子三同居三娶婦馮十年而歿時馮年二十六苦志守節奉榮如姑撫幼子成長榮苦節三十八年現年七十二馮苦節二十四年現年四十九

毛氏州人啟山女陳良復妻于歸後黽勉操作相夫有賢聲年四十二夫亾家極貧子敬宗玉宗俱幼陳日勤針黹易食撫子旣長督課甚嚴敬宗旋補諸生敬宗玉宗相繼歿有孤孫毛以耄年孀婦衣食罕繼復鞠育之歷困苦三十一年現年七十二

通州志

卷之八人物

列女

五七

陳氏州人方洪寬繼妻陳本浙人媵于州人鄭姓時洪寬爲鄭僕事主能盡力妻陸歿主命以陳繼之陸遺女五歲陳撫如己出年二十九洪寬歿無子或勸改適陳以死誓願終身役于主家居恒習爲勞苦操作不息主嘉其貞亦厚待之主歿主母及幼主俱嬰疾陳代理殯殮罔不中禮撫前室女長字于韓女旋夭陳泣曰悔未早葬若父母致女不得見也乃奉夫及前室喪請于幼主葬鄭塋之隙地今鄭氏掃墓亦附饗焉陳役于鄭凡遇

幼主弟姝子女婚嫁及主母喪靡不竭誠殫力且出所積貲以助匱乏其幼主州舉人候選教諭英述其堅操義行甚詳苦節四十四年現年七十二

王氏州人宏烈女張良梅妻年十九于歸事舅姑以孝凡烹飪浣濯悉躬任之無不當堂上意舅歿姑患癱疾扶掖起居調護飲食歷幾寒暑不怠姑歿逾年夫亡王年二十五無子夫族罕有倚賴王號痛幾絕與弟家相籌殯葬如禮遂依母家父母憂其乏嗣王卽撫戚韓姓數月子爲後泣告父母曰女今撫此朝夕侍親側可慰泉下人矣父母歿依弟家相家相爲課所撫子王日勤針

通州志

卷之八人物

列女

五

菑以佐膏火子旣成立稍能奉母立門戶遇匱乏家相恒欣助之王苦節四十六年現年七十一

陸氏州人張寬妻居王家新庄子歸後相夫維謹年三十餘夫亡遺五子俱幼家貧陸荼苦自甘撫諸孤成立以次婚配連舉孫人謂苦節之報現年七十餘

顧氏州人方策妻子歸後佐夫操作不怠年三十餘夫亾無子遺四女家極貧顧誓無二心以針黹易食撫諸女成長爲擇婿得所顧苦節三十六年卒親族高其節舉顧喪與策合葬

郭門雙節孫氏州人可成女郭應元妻鄭氏州人永貴女

應元嗣子景祿妻也孫年十五于歸時應元爲人司會計所入不給孫以操作佐之年二十八應元歿孫矢志守節撫嗣子景祿成立爲娶婦鄭鄭年十七于歸能奉其姑姑多疾景祿以經營于外不得侍奉鄭扶掖調護晨夕罔怠姑歿景祿旋得疾鄭百計醫禱竟不起時鄭年二十三家極貧子女俱幼告于親黨爲夫經營殯葬誓不改適以針黹易食撫育子女長成今兩目將盲困苦如故鄉里皆敬而憐之孫苦節四十一年卒年六十八鄭苦節三十年現年五十二

蘇氏州人民義女楊永貴妻于歸後事夫維謹年二十七

通州志

卷之八人物

列女

堯

夫亾無子遺女三俱幼蘇誓不改適撫育其女教嗣子士琮成立苦節四十三年

馬氏州人王慧仁妻居天橋灣于歸後事夫惟謹以儉勤稱年三十夫亾子幼馬誓不改適食貧撫孤苦節三十九年卒年六十八

王氏州庠生又旦女孟希聖妻年十六于歸事舅姑以孝著舅歿相夫經營殯葬哀禮兼盡夫病醫者謂不治王割股和藥以進乃愈數年內舉三子俱殤姑尋歿夫弟希賢夫婦亦繼歿遺子顯仁顯義並幼王撫之如己出年三十一夫復病割股求療竟不起家貧矢志守貞女

紅自給撫顯仁顯義成立旋以顯仁爲嗣娶婦李顯仁
早卒遺孤宏道王與婦兩世孀居食貧撫之王苦節三
十七年乾隆二十七年卒年六十八

楊氏州人鄭尙德妻居河東楊家庄年三十四夫亾家極
貧無子一女甫二歲楊誓長齋守節依夫堂弟鋼鋼亦
貧罕有贍助楊忍饑寒撫女長大歷艱苦四十一年現
年七十四女適西部民王孝亦以苦節著詳後傳

崔氏州人大成女韓份繼妻年二十二于歸孝事舅姑相
夫維謹二十七夫歿子澍尙幼崔不敢殉以仰事俯育
自任子澍旣長遊江南十餘年不歸崔煢煢一身寄食

通州志

卷之八人物 列女

卒

夫族苦節四十七年現年七十三

劉氏州人自忠女謝國安妻居協各庄年十五于歸佐夫
事親克盡孝養年三十夫亾遺孤甫三歲劉矢志守貞
教子成立苦節四十四年現年七十三

謝氏州人楊善妻居東堡裡年十八于歸家貧佐夫黽勉
三十三夫歿遺孤幼而瞽謝以夫嗣爲重食貧撫之成
立苦節三十九年現年七十二

韓氏州人沙大妻居楊家坨年十六于歸黽勉操作克相
其夫四十夫亾煢煢無所依賴苦守三十一年現年七
十

韓氏州人袁廷芝妻居東堡裡年十九于歸家貧相夫操
作以儉勤著四十夫亾遺孤甫三歲衣食鮮繼韓甘歷
艱苦教子成長里人憐而敬之現年七十

陳氏州人姚廷顯妻年二十四于歸越一載夫歿家貧無
子陳矢志守貞夫叔國子生姚明重其節爲贍養之苦
節四十六年現年七十

張氏州庠生史炳瑞妻居北關年十九于歸家本儒素佐
夫以儉勤稱二十七炳瑞歿遺子一女二俱幼貧不自
給張矢志守貞日勤女紅謀食撫育子女成立悉爲婚
嫁苦節四十二年現年六十八

通州志

卷之八人物 列女

空

朱門雙節陳氏州人湖南興化知縣廷仁女朱叙妻葉氏
叙妾也陳年十六于歸相夫惟謹葉勝于陳叙納之叙
歿時陳年二十六葉年二十三同志守貞家雖貧茶檠
無怨所生子女俱夭以夫從子朝棟爲後撫之成立苦
節四十五年陳現年七十葉現年六十七

朱氏州人三策女庠生李明誠妻居灤縣榆林庄年十八
于歸事舅姑孝謹二十四夫亾遺子二長椿甫四歲次
枚未周晬舅姑俱老疾鮮有倚賴朱不敢殉矢志守節
踰年舅歿鬻產殯殮如禮姑病足嘗臥床褥朱侍奉扶
掖不懈長子椿出爲夫兄後教次子枚苦志力學補諸

生朱食貧履困守節四十四年現年六十七

曹氏州人大宗女庠生潘熙妻年十九于歸佐夫力學越十載夫亾無子家本寒素煢煢鮮依曹矢志不二苦節三十八年現年六十七

杜氏州人高士正繼妻年二十五于歸視前室子國瑞如已出二十七夫歿杜無所育矢志守節國瑞頗馳驚不善治生杜涕泣勸誠國瑞旋悔悟杜爲娶婦今已舉子女人謂微節母之力不及此苦節四十一年現年六十七

王氏州人治秀女李國柱妻居灤縣王各庄年十八于歸

通州志

卷之八人物 列女

三

家貧孝事舅姑二十六夫亾子維新生甫七月王痛不欲生顧念老幼無所依矢志守節仰事俯育舅歿竭力殯葬奉姑終身孝謹今姑年八十八撫子維新成立能力養其母王苦節四十二年現年六十七

徐門雙節薛氏州廩貢生鈺女徐陵妻錢氏州人之棟女陵子廷璋妻也薛年十九于歸相夫克盡婦道二十九夫亾遺子廷璋尙幼薛矢志撫孤苦節教養子旣長爲娶于錢錢年二十歸廷璋事孀姑孝謹三十六夫亾遺子芳桂錢育之成立薛守節三十六年卒年六十四錢守節十一年現年四十六

黃氏州人候選州同甲捷女楊岱妻年十八于歸姑在堂多疾黃奉事惟謹夫姊適李家貧黃體姑意數贍其乏小姑甫九歲姑以病不能教黃日夕指導之姑旋歿相夫經營殯葬哀禮兼至嘗謂其夫曰吾事姑日淺未殫婦職君姊處寒素盍迎歸共處亦稍慰姑于泉下也岱從之迺歸同居十餘年敬禮無失嫁小姑于張爲籌辦奩具無所吝年三十四夫亾遺子三女二俱幼黃不敢殉矢志撫孤教養婚嫁心力俱瘁仲子大經州廩生黃苦節三十一年卒年六十四

尤氏州人成業女張素妻年十八于歸家貧相夫黽勉二

通州志

卷之八人物

列女

三

十六夫亾遺孤甫六月乳哺無依尤誓不改適食貧撫孤苦節三十七年卒年六十二

姜氏州人曹錮妻于歸後事堂上以孝年三十七夫亾舅老無所依三子俱幼家貧衣食鮮繼姜力勤女紅贍養其舅舅歿勉營喪葬撫諸子以次成長苦節二十四年卒年六十

韓氏州人灤州訓導文煜女庠生王家琬妻年二十于歸性孝謹能佐夫力學三十七家琬歿子鎡未成立家貧無以自給韓茹苦撫其孤旣長入太學韓卒年五十九孫覲辰州諸生

薛氏州人江南長洲知縣候補知府仁錫女國子生張廷璋妻年十八于歸事舅姑盡孝二十一夫亾無子以舅姑在堂不敢殉盡鬻奩中物爲夫營辦喪葬家故貧日勤女紅以謀菽水舅姑相繼歿泣請于兒殯飲如禮兄重其節迎歸養之薛撫兄子如巳子旣長食餼于庠皆其教誨功也苦節四十六年現年六十六

宗氏州人開州學正一鵬女候選吏目趙民悅妻年二十一于歸事姑克孝三十五夫亾姑在堂子二俱幼腹有遺娠宗以養姑育子爲巳責家雖貧必謀甘旨以進姑疾日夕侍奉不怠撫二子及遺腹所生女以次成長力

通州志

卷之八人物

列女

畝

營婚嫁苦守三十一年現年六十五

王氏州人千總子祥女姚永齡妻于歸後事姑盡孝年二十二姑病篤王泣禱于天割股和藥以進尋愈知州黃成章旌曰孝念可嘉後永齡患痰疾甚劇亦割股療之人謂王志誠能感乾隆三十二年卒年六十五

李氏州人陳壯圖妻于歸後相夫以恭謹著年三十三夫歿家貧子宗鼎甫八歲李矢志荼糜撫孤成人夫弟廩貢生良圖重其節能贍給之苦守三十三年現年六十五

王氏州人曰守女職員楊璉妻年十八于歸克相其夫二

十七夫亾子六歲王以夫嗣爲重矢志不二撫孤成人
苦節三十八年現年六十四

張氏州人文燦女趙雲鶴妻年十九歸雲鶴相夫以敬戒
著三十四夫亾有遺娠姑年六旬張異舉子以延夫嗣
且代夫終事堂上越幾月果生男殫力奉姑二十餘載
姑歿喪葬盡禮撫其子愍教養成入張現年六十二

周氏江西金谿人英鶴女州國子生劉樞妻年二十于歸
婦職惟謹三十夫歿遺孤大鶴甫數歲周矢志守節教
子成立歷今三十三年現年六十二

袁氏州武生宗麟紱妾幼喪母年十七父以逋累欲死袁

通州志

卷之八人物

列女

奎

請鬻身代償時麟紱妻艱于嗣納之其父獲全旣歸執
妾婦禮極敬順家日落力勤針黹佐麟紱養其母身處
凍餒無怨言及侍麟紱母疾凡床褥垢汚日夕浣濯不
以諉嫡里人咸嘆其孝奉嫡數十年無稍忤麟紱身後
袁丐所親殯殮以禮舉三子教之成立女一適張早寡
詳後傳袁現年六十二

王氏州人永獻女王國祥妻居吳家園年十七于歸相夫
以儉勤著三十一夫亾無子女矢志守節茶檠自勵者
三十二年現年六十二

黃氏州人鯨女庠生馬瓏妻幼孝讓嘗侍父疾憂懼如成

八年二十六于歸瓏以攻苦得血疾黃調護維謹甫七月瓏歿時黃年二十七痛不欲生舅姑以腹有遺娠勸之始勉受命越兩月生子乃矢志養親撫孤家雖貧孝養無闕舅姑相繼歿凡侍疾飾終盡誠盡禮子廷俊質弱鞠育備至稍長命入塾不以愛妨勞廷俊年十五補諸生二十四舉于鄉今揀發山西知縣黃苦節三十五年現年六十一本年詳請具題 旌表

裴氏州人王某妻居前朱家堡于歸後家貧佐夫操作年二十五夫亾無子女裴矢志不二甘處檠茶苦節三十二年現年六十

通州志

卷之八人物

列女

奕

耿氏州人世倬女王繹會妻年十六于歸事舅姑孝謹二十三夫亾子在抱耿矢志守節代夫完子職生養死葬誠禮兼盡子旋天耿苦節三十八年現年六十

孫氏州人兆女楊琪繼妻于歸後克相其夫善撫前室子年二十六夫亾矢志不二教養前室子成立苦節三十五年現年六十

李氏三河庠生春榮女州選貢生王嶽申妻于歸後舅曠繼姑張俱在堂性頗嚴峻李盡婦職惟謹待夫異母弟妹一出以誠年三十九嶽申歿家貧子幼李勵志茶檠教養遺孤或勸其子貿易爲治生計李曰吾家居通四

百年世讀書今令兒輩以貧廢學是隳先業也益課子力學長介眉次介福補諸生食餼季介祉亦補諸生李苦節教子歷今二十二年現年六十

張氏州人鄭文輝妻居東關年十七于歸佐夫持家克盡婦道三十二夫亾家貧無子矢志守貞以夫從子爲後撫養成立終身荼苦安之若素云

安氏州人鄭文熹妻年二十二于歸三十夫亾無子以孀姑在堂夫弟四人俱幼不敢身殉姑旋歿哀禮兼盡力支門祚撫夫弟以次成立人謂嫂氏如慈母云

羅氏州人陽湖主簿鏊女順天府學生高兆鰲妻于歸後

通州志

卷之八人物

列女

七

姑性嚴厲羅侍奉能竭誠敬姑亦感悟終善遇之姑病籲天請代割股和藥以進尋愈越數年姑歿夫抱疾家又貧羅于哀痛中力營殯殮人稱其孝夫疾亟復割股求療竟不起凡身後事貧不廢禮日勤針黹給食教子渠力學隸州籍補諸生

黃氏州武生許景福妻于歸後克相其夫年二十二景福歿黃矢志守貞甘處荼檠苦節三十九年現年六十

顧氏州人成德女州廩生章世基妻年十七于歸孝事舅姑值夫亦嬰疾顧以婦代子躬侍湯藥舅歿經營殯殮必盡誠信夫沉疴莫治禱天願代及不起時顧年二十

八殮之日誓以身殉姑挽其臂臂流血漬衣蓋夫病中
會封以進者從姑命忍死守節事姑益孝謹日勤針黹
以奉甘旨姑歿哀禮如喪舅時教嗣子讀書甚嚴既長
爲娶婦訓誨不怠苦節三十一年卒年五十八本年詳
請具題 旌表

鐘氏州人成瑞女彭永祚妻年十六適永祚家素貧佐夫
黽勉自給三十夫亾一女尙幼有遺娠鐘矢志守節異
產男以延夫嗣果舉子閱四歲殤鐘所棲僅茅舍一椽
衣食恒不繼煢煢撫女艱苦備嘗女適人乃迎養其母
現年五十九

通州志

卷之八人物

列女

矣

李氏州人張士亮妻居大甘棠庄年十七于歸二十八夫
歿舅姑俱邁年子國祿甫六歲李不敢殉以終事堂上
爲己責生養死葬誠禮兼盡教其子成立起家李歷苦
節三十二年現年五十九

宛氏州人廷玠女張文興妻年十八于歸二十五文興歿
遺二子悅恒俱幼宛誓不改適守貞撫孤教養成立苦
節三十四年現年五十八

黃氏州人馮本妻本父貢生國英爲州宿儒家處寒素黃
年十七歸本越三載本歿無子黃矢志堅守不嚙于貧
日勤女紅自給苦節三十八年現年五十八

李氏州人丁天乙妻年十八于歸事姑盡孝夫從母趙貞女亦同室奉之如姑天乙客遊江浙越二載歸卒于途時李年二十八遺子女各一俱幼夫櫬至將絕食殉從貞女勸乃以奉老姑撫子女爲己責家雖貧必謀甘旨奉姑至八十終喪葬盡禮貞女疾侍湯藥不離側及歿哀悼逾常教撫子女既長殫力營婚嫁事苦節三十一
年現年五十八

陳氏州國子生納言女魏喬年妻年十七于歸事舅姑以孝越一載夫亾無子舅亦棄養陳矢志守節願奉孀姑終其身以夫從子紹洵爲後教養如己出紹洵年十八

通州志

卷之八人物

列女

完

補諸生旋食餼援例授學博歷署正定樂城訓導陳苦節四十年現年五十七

雷氏州人變女劉塏妻居張灣年十七于歸二十二夫亡家貧無子孀姑在堂夫弟增甫七歲雷不敢以身殉屢勉有無竭盡孝養姑歿盡鬻室中奩具殯葬如禮撫增成人教誨如母雖身處饑寒不怠乾隆四十二年督學羅額旌曰巾幗鬚眉卒年五十二

皮氏州人滁蘇衛千總毓秀女庠生王澤妻年十七于歸事舅姑孝相夫以賢能著二十七夫亾子二長女元四歲次文翰甫周晬皮絕食欲殉時小姑貞女蘇王氏在

室力勸之曰嫂若死嫂爲其易者耳襁中兒忍累堂上
耶乃勉進飲食以仰事俯育自任舅以喪子故悲憤不
解舉止異平時皮慮有他變延至戚相慰自跪舅前泣
告曰願翁念此二孫勿過傷使媳與孫無依也舅稍紓
憂越三年舅歿家益貧外家亦莫能助乃請于姑以所
居餘屋分賃得租度日奉姑惟恐失意身則凍餒無怨
言姑憫其苦幾欲奪志皮以死誓日勤針黹教子讀書
文元年十四徙他業文翰就塾每歸必叩所課頻督夜
讀稍懈袒臂示之有癢痕二寸許寬盈寸謂文翰曰汝
父病亟我割肉以進卒不效卽欲身殉爲汝輩苟活今

通州志

卷之八人物

列女

辛

乃不自奮耶文翰悟乃力學年十五補諸生皮素曉大
義夫未歿時小姑許于蘇未字而寡欲奔喪皮重其貞
躬送之今王貞女已奉 旌皮事姑終身不怠姑臨終
謂孫婦曰汝姑善事我汝輩爲我報之教二子成立俱
爲擇婦苦節二十九年現年五十六本年詳請具題

旌表

孫氏州人維女沈奇成妻幼知孝讓失怙恃哀痛如成人
受撫于從祖父母年十九于歸家貧姑老夫筆耕給食
孫針黹佐之二十二夫亾無子時夫兄先歿妯孀居僅
一幼女孫誓與妯共守孝養其姑踰年妯歿孫撫其女

如已出奉姑不怠姑歿喪事罔措貸于族親經營盡禮
既葬日勤女紅積累以償所貸撫姒女既長擇配得所
夫甥徐某重其節常迎養於家苦節三十五年現年五
十六本年詳請具題 旌表

倪氏州庠生鈞女田煦妻年二十四于歸克盡婦道三十
三夫亾家貧無子矢志守貞歷艱苦二十四年現年五
十六

吳氏州人雲保女沈伯禮妻年十九于歸佐夫黽勉以儉
勤稱三十四夫亾貧無所依矢志不二苦節二十三年
現年五十六

通州志

卷之八人物

列女

七

張氏州人高奇功妻居東堡裡年十七于歸家貧相夫操
作不怠三十三夫歿長子幼腹有遺娠張矢志守節踰
時舉次子忍處茶檠撫養二子成立苦節二十三年現
年五十五

姜門三節薛氏州人姜鳳翹妻張氏鳳翹弟鳳翰妻王氏
鳳翰嗣子敬妻也薛歸鳳翹後事舅姑以孝著年二十
四夫亾子敏生甫八月薛矢志撫孤教育成立苦節三十
一年張年十七歸鳳翰三月夫亾無子誓不改適以
夫從子敬爲嗣時敬產僅三月張撫之如已出自襁褓
至成立心力交瘁爲娶婦王敬旋夭遺一子尙在抱王

以事姑育子自任姑婦煢煢共處慈孝交盡今啟子亦成人張苦節三十八年王苦節十八年薛張俱現年五十四王現年三十六

白氏州人文琦女庠生梁淳妻年十八于歸事舅姑以孝著二十四夫亾無子女白矢志不二代夫恪盡子職苦節三十一年卒年五十四

朱氏州人衛千總元介女庠生梁學海妻年二十三于歸事姑相夫克盡孝謹二十五夫亾子甫生矢志守節奉養其姑子六月殤依夫從子茶糜自勵苦節三十一年現年五十五

通州志

卷之八人物

列女

三

常氏州人世紀女鑲紅旗人黃鈺妻年二十三于歸相夫敬順三十一夫亾無子矢志守節家貧不自給兄瑄爲贍養之苦節二十五年現年五十五

楊氏州人進科女庠生張永清妻居烟郊幼以孝稱年十五于歸事舅姑惟謹姑歿家貧盡出奩資舉姑喪永清勤學授徒以血疾卒時楊年二十一痛不欲生舅力勸曰吾老孫又穉賢婦毋輕殞也乃不敢殉父慮其年少將奪志楊以死誓父亦稍周卹之楊日勤針黹奉養舅及繼姑舅卧疾晝夜侍湯藥及歿力營喪葬撫子文昱旣長令入塾讀書歸必督課年十八補諸生旣受室母

教猶不倦云苦節三十五年現年五十五

雷氏州人喬能恭妻年二十六于歸二十九能恭歿家貧無子女雷念老姑在堂不敢身殉竭力侍奉以婦代子苦節二十六年現年五十四

王氏州國子生磐女于恂妻年十九于歸相夫恭謹二十六夫亾子在襁褓王矢志守貞撫孤教之成立苦節二十九現年五十四

宛氏州人廷玠女張映昇妻年十八于歸婦職性謹二十一映昇歿子生甫八月宛以死自誓守貞撫孤苦節三十四現年五十四

通州志

卷之八人物 列女

三

王氏昌平人某女州人浙江嘉興府西水驛丞薛淳繼妻年十九于歸淳謁選後挈眷抵浙未久卒于官時王年三十三子廷樑尚幼王經理夫喪得歸葬家貧荼槩自甘教子成立守節二十二年現年五十四

韓氏州人仁女李宏達妻于歸後相夫以儉勤著年三十五夫亾家貧子昌幼絕無倚賴韓十指謀食撫孤成立苦守二十年現年五十四

王氏州人宏志女吳宏如妻居烟郊幼嫻姆教識大義年十五于歸舅廷弼已棄養太姑及姑在堂王侍奉惟謹宏如故卑寒賴叔廷佐贍給之王事夫叔孀如舅姑家

無間言年十九宏如歿遺孤文霖甫周晬王哀毀欲絕
血淚漬衣以戚長勸慰不敢殉食貧撫孤稍長晨夕訓
勉俾得成立初太姑邁年嬰疾王扶掖起居不懈姑歿
悲痛無已時鄉里嘆爲賢孝苦節三十六年現年五十
四

張氏州庠生翁鶴齡妻鶴齡父茂舉拔萃科世業儒家處
寒素張于歸後黽勉佐夫孝事堂上年未三十而寡一
子一女皆相繼夭益窘乏饗殮日不能給寄食母家自
甘荼槩年四十餘卒

趙氏州人國弼女藍廷鑑妻年二十三于歸相夫克盡婦
道二十七廷鑑病亟醫禱罔效趙焚香叩天割股和藥
以進廷鑑卒不起遺子一方在抱趙痛絕者再誓不食
死母郭泣勸曰夫亾死節義也獨不念藐孤乎乃勉進
飲食乳粥無依茹素自給教養其子成立備嘗艱苦者
已二十七年現年五十三

通州志

卷之八人物

列女

七

黃氏香河縣人國貞女州人張福旺妻居大灰店年十五
于歸相夫以敬慎著三十夫亾遺一子尙幼黃矢志撫
孤荼槩自勵苦節二十四年現年五十三

康氏州武生煥章女廩生劉堯妻年二十于歸舅庠生文
煜早棄養事孀姑盡孝堯嗜學能文有聲庠序每試輒

高等以貧故爲計然家操書算夜歸焚膏誦讀達旦不
輟康紡績伴之堯刻苦成疾將殆謂康曰老母在我不
能終事惟汝是賴汝幸有娠倘生男其善撫之我知汝
志不二家雖貧族賢可求助也康涕泣慰解越數日堯
沒時康年三十哀毀幾絕盡出簪服易貨以殮族人爲
具賻畢葬事數月生男薪水苦不給族中量助康佐以
女紅必謀甘旨奉姑姑歿告諸族經營喪葬盡禮乃寄
居母家子七歲令就塾族人重康貞孝助脩脯康復日
事紡績以益膏火勵其子奮志讀書終困于貧徙他業
康苦節二十三年現年五十二

通州志

卷之八人物

列女

七

張氏州廩生耿元亮繼妻于歸後恪盡婦職三十八夫亾
遺子一女一俱幼家貧不自給張殫力撫孤脩歷困苦
無怨子女以次成長現年五十一

閔氏州人仁女鮑瑞妻年二十于歸三十一夫亾有遺娠
矢志守節及生子殫心鞠育以延夫祀家貧依姊家女
紅度日苦守二十一年現年五十一

王氏州人候推守禦所燠章女州庠生吳霖妻年十六于
歸越三載霖患瘋疾王百計求治晝夜防護不怠代夫
持門戶黽勉有無者十數年霖歿王年三十五哀毀中
經營殯葬貧不廢禮遺二子廷珪廷璧俱未成立烝烝

撫之教養兼盡現年五十二次子廷璧業儒應試

李氏州人郭一妻于歸後黽勉佐夫年三十一夫歿家貧甚子幼無所倚賴李誓不再適傭作自給撫子車成長歷饑寒困苦無怨言

王氏州人偉女張國位繼妻年二十于歸老姑在堂性苛急王先意承志脩極孝謹三十夫亾拮据奉姑歷荼苦無怨言撫前室一子及所生一子二女先後成長爲營婚嫁苦節二十一年現年五十

劉氏州人璞女李仲春妻居灤邑年十九于歸奉舅姑以孝家素貧夫作客死時劉年二十五子寅甫三歲夫柩

通州志

卷之八人物

列女

美

歸痛絕欲殉舅姑泣諭之曰兒不幸天若婦死我兩人何依且藐孤誰撫也劉飲泣受命矢志守貞舅旋歿經營殯葬貧不廢禮日勤女紅佐姑甘旨今姑年八十四侍奉敬謹不怠教子寅發憤讀書弱冠補諸生劉苦節二十六年現年五十

郭氏州人景廷召妻居西集年十六于歸二十七夫亾遺孤尙幼食貧撫之成立現年五十

楊氏州人張臨妻居廟上年十八于歸二十夫亾無子時繼姑在堂親族罕有倚賴楊不敢身殉孝事其姑苦節三十一年現年五十

王氏州人宋大妻居楊家坨年十五于歸佐夫操作以儉勤著三十三夫亾矢志守節自甘茶槩者十八年現年五十

劉氏州人張瀚妻子歸後相夫克謹年三十三夫亾無子撫夫從子爲嗣茶槩自甘殫力教養苦守十八年現年五十

錢氏州人潘德占妻父籍浙之紹興僑居于通年二十一于歸二十三德占歿子煦甫十月錢矢志守節撫孤存祀日茹荼槩教子成立苦節二十七年卒年四十九

張氏州武舉耀女州人曹鑛妻鑛父顯宗以諸生通醫善

通州志

卷之八人物

列女

七

濟人家素貧乏張年二十二歸鑛三十鑛歿舅姑在堂子佩甫六歲張矢志不渝以仰事俯育自任舅踰三年卒喪葬盡禮事姑顧黽勉甘旨竭誠殫力者十八年姑老疾晝夜侍湯藥兩月不懈姑歿以積勞哀毀越五日卒年四十八張弟州舉人維基能述其姊苦節謂甥佩成立皆孀母之教云

毛門雙節陳氏州人良復女庠生毛正履妻李氏州人之桐女正履弟正益繼妻也陳歸正履婦職惟謹年三十七夫亾子鳳池鳳彩未成立陳茶槩撫之教養兼盡陳現年五十李歸正益二十五夫亾有遺娠忍死以待及

產則女也家貧夫嫂亦孀居親黨憐其無依勸令改適李以死自誓撫夫從子鳳彩爲嗣妯娌同操針黹易食李現年三十七

錢氏州漕汎把總張明文妻子歸後克相其夫年二十八夫亾無子夫弟先卒遺二孤俱幼錢矢志守貞撫其一爲後旋殤又嗣夫族子和教養備至錢苦節歷今二十餘載門戶肅穆親黨咸尊禮之

王氏州人臨榆教諭館女昌平州庠生李琰妻琰本江南桐城人寄籍昌平王年十九于歸二十五琰卒無子女王誓死守節有諷以改適者曰從一之訓聞之久矣忍

通州志

卷之八人物 列女

夫

事二姓以玷我父我夫乎舅東來由安州學正歷官浙江四川知州夫兄弟玟琬俱宦遊不能挈王行王遂寄居母家從弟覲展贍養之屢郵書于夫之兄弟求歸夫家竟不得耗凡煢煢苦守者二十五年現年四十九

黃門三節李氏州人黃顯宗妻陳氏顯宗弟啟宗妻陳氏顯宗弟國宗妻李年十九歸顯宗二十四夫亾無子陳年二十二歸啟宗三十五夫亾遺子一甫九歲陳年十九歸國宗二十六夫亾遺子二女一俱幼三婦于歸後並以孝事舅姑著及顯宗啟宗國宗繼歿三婦誓不改適同心苦節食貧撫孤後家計益匱各寄食於母家李

苦節二十六年現年四十九陳苦節十二年卒年四十
六陳苦節十三年現年三十八

張氏州人楊二妻居楊家坨年十五于歸三十六夫亾食
貧苦守以節自勵歷今十四年現年四十九

齊氏州人張文聰妻居大甘棠庄年十八于歸事舅姑惟
謹二十七夫亾無子矢志守節撫夫從子純信爲嗣教
養如己出苦節已二十三年現年四十九

馮門雙節張氏州人馮書雲妻王氏書雲弟州廩生書爵
妻也張王本中表女兄弟同時歸于馮爲妯娌時姑高
年七十餘多病兩婦奉事極孝王年三十書爵歿張年

通州志

卷之八人物

列女

堯

三十一書雲歿所遺子女俱幼姑病日篤兩婦哀毀中
侍奉湯藥旦夕不懈及姑歿各罄奩物以營殯葬自是
家益匱乏諸孤待哺兩婦力勤針黹育之雖身至凍餒
相處絕無怨言王苦節十六年以勞瘁嬰疾瀕危囑張
善撫其子女張如言待如己出今書雲子秉銓書爵子
秉鈞皆成立能篤友于人謂其善承母訓且天所以報
兩婦節孝也王卒年四十六張現年四十九

田氏浙江嘉興縣國子生希賢女州武生楊崑繼妻年二
十于歸相夫儉勤待前室子大鵬及一女如己出崑得
療疾田晝夜侍湯藥寢食盡廢越八月崑歿時田年二

十八以前室子女未成立已所生子大鳴尙幼矢志守貞勉支門祚教二子嚴慈交濟長爲娶婦女適聞氏亦得所田苦節二十二年現年四十九

張氏州人文彬女車國貴妻居車家屯年十五于歸二十一夫歿無子舅姑在堂張不敢身殉矢志守節代夫完子職舅先棄養哀禮兼盡值夫同祖弟國興舉子天徵甫三月卽撫爲後姑歿哀毀如喪舅時天徵七歲延師督課晨夕訓勉十五補諸生爲娶婦今已有孫張苦節二十八年現年四十八

李氏州人承祿女王承業妻居西集年十九于歸相夫克

通州志

卷之八人物

列女

全

盡婦道三十一夫亾遺孤幼穉李苦節撫養以延夫嗣現年四十八

古氏州人肇誼女宛文光妻年十七于歸二十一夫亾無子古屢欲身殉戚黨慰解之以夫從子培爲後教養成立苦節二十四年卒年四十四

宗氏州武生麟紱女庠生張秉錚妻幼稟母教識大義年十七于歸越二年秉錚以攻苦得疾宗侍奉湯藥籲天求代卒不起宗慟絕欲殉顧念孀姑在堂忍死奉姑終身以夫從子成緒爲後撫育成立苦節二十五年卒年四十三

李氏州人穆民女金自重妻年十九于歸二十九夫亾李以姑在堂不敢身殉家貧日勤女紅奉養苦節已二十一年現年四十八

沙氏州人萬清女劉泰妻年十六待年于劉越一年成婚性貞靜寡言笑事堂上以孝著年二十三泰亾舅姑相繼歿無子沙矢志守貞依夫季父宏禮事夫叔審如舅姑待小叔小姑誼極肫摯宏禮家素乏沙操作勤劬寒暑不懈宏禮夫婦重其節每憐慰之宏禮子益爲州諸生能述其嫂氏苦節凡自甘荼苦者十有九年卒年四

十二

通州志

卷之八人物

列女

全

劉氏州武生李陞妻年十九于歸事舅姑盡孝相夫有賢聲以艱于嗣勸夫置妾妾復不育而歿陞旋嬰癱疾卒時劉年三十四哀毀不欲生戚黨慰解之劉曰未亾人不幸無子夫嗣莫續何以生爲乃議以夫從子文鏞爲後劉撫如己出長爲娶婦王今已舉孫劉現年四十六陳門雙節王氏州人淳女陳炳禮妻黃氏炳禮弟炳暉妻也王于歸後事堂上以孝著年三十炳禮歿孀姑在堂遺二子舉培舉基俱幼王矢志守貞仰事俯育姑歿後家益乏夫族陳懋華高其節贍于家王苦節歷今十七年現年四十六黃年二十二歸炳暉越二十日而寡誓

不改適以夫兄子鑿基爲嗣撫如已出苦節十五年卒
年三十六

楊氏州人劉天富妻居朱家店于歸後佐夫操作以儉勤
稱年二十三夫歿子甫周晬楊誓不改適依母家食貧
撫孤苦節二十四年現年四十六

許氏州人鵬程女孫繕文妻年十六于歸十九夫亾無子
許堅矢大義願甘荼檠以終其身苦節二十八年現年
四十六

張氏州國子生麟女王宗洛妻年二十一于歸事舅姑克
盡誠孝年三十四夫亾一子尚幼張以婦代子事堂上

通州志

卷之八人物 列女

全

益謹舅疾日夕侍奉不離側及歿經營殯葬心力兼瘁
姑以賢孝稱之現年四十六

趙氏州庠生潘國杰妻居林家屯年十九于歸事堂上以
孝三十三國杰歿時舅英久棄養孀姑王在堂三子熊
燕熹俱幼趙奉姑守節育子成立今姑年七十二趙年
四十六

李氏州人如彬女王化成妻居東關年二十一于歸家貧
舅姑在堂相夫力盡孝養夫疾亟焚香告天割股和藥
以進卒不起時李年三十八子女俱穉舅姑皆踰七旬
家徒壁立絕無依倚母家亦貧有弟稍周助李日夜勤

十指以供堂上菽水已與子女一日不再食衣百結衣
甘之無怨舅歿百計營葬姑病割股求療果愈姑現年
八十餘子今十歲李現年四十六鄉黨稱爲賢孝

方氏州舉人谷瀚妻年十七于歸時瀚年十九登乾隆癸
酉賢書三載瀚歿方以有遺娠不敢殉閱五月生子應
律方矢志撫孤家貧依母家數年後苦不給寄居小姑
家女紅佐食育子成立夫弟濬習貿易稍資之苦節二
十六年現年四十六

姚氏州人胡炳妻炳父奕芳爲州武生家素貧姚年二十
三歸炳黽勉佐夫以儉勤著二十九炳歿子國柱甫四

通州志

卷之八人物 列女

全

歲孤苦無所依姚誓不改適日勤十指易食育子成立
一苦節十八年現年四十六

徐氏州人鄭邦基妻居泰子府年十七于歸事舅姑孝謹
相夫有賢聲二十七夫亡遺孤甫三歲徐矢志不二殫
心仰事俯育者歷今十九年現年四十五

阮氏州國子生虔女武生鄭文瑛妻年十七于歸姑在堂
奉事惟謹夫嘗客山左歲一往來以車覆殞于沂州途
次時阮年二十四聞訃死而復生者再顧念子甫四歲
女在抱不敢身殉食貧撫孤子箋詩旣長爲娶婦字女
亦得所苦節二十二年現年四十五

劉氏州人王國富妻居藁村年十五于歸孝事舅姑相夫惟謹二十一國富歿遺孤甫三歲劉忍死守節侍奉堂上不怠撫子成長苦節二十五年現年四十五

張氏州人文學女賈克謙妻居賈家疇年十九于歸事舅姑孝謹二十九夫亾遺子三長六歲次四歲三子生甫五月家貧矢志守節力謀甘旨舅姑相繼歿竭力經營殯葬益窘之日賴針黹贍其子歷困苦至今十七年現年四十五

姚氏州人瀚女廩貢生白文瑞長子純妻年十七于歸純素嬰疾娶踰月而歿無子姚以大義自誓願終身事舅

通州志

卷之八人物 列女

四

姑居恒先意承志克代子職舅姑歿依夫兩弟以居撫夫弟庠生鳳次子廷鉉為嗣殫心教誨俾得成立苦節二十六年現年四十四

雷氏州人廷俊女林秉純妻年十八于歸相夫惟謹二十四夫亾遺子二文光文達俱幼雷守節撫之以次成長歷今十一年現年四十四

崔氏州人濤女蘭杲秀妻幼知大義嘗割股療父疾年二十三于歸克相其夫二十八夫亾遺一女尚幼家貧誓不改適以女紅自給撫女成長苦節十七年現年四十四

張門雙節紀氏文安人河南開封同知黃中女州人張鯨妻陳氏易州庠生曾史女鯨弟州庠生鰲妻也紀年二十四于歸事舅姑孝踰年鯨得瘵疾紀侍奉湯藥晨夕不怠及歿紀年二十六遺一女生甫七月以舅姑在堂不敢身殉哀毀中婦職益謹撫女長已字紀苦節十九年現年四十四陳五歲喪父事孀母盡孝年二十于歸相夫孝事堂上二十四夫亾遺孤在抱舅姑皆臥病陳視歛捨絕忍死與夫嫂紀侍舅姑疾同誓苦節子七歲殤陳痛不欲生戚黨以舅姑在慰解之今紀陳皆待嗣陳苦節十二年現年三十五

通州志

卷之八人物列女

金

雷氏州人廷傑女州廩生張國模妻年二十四于歸事舅姑孝謹國模以攻苦得瘵疾雷侍奉湯藥晨夕不懈者年餘及不起雷年二十九念舅姑老子燕緒尙在抱不敢身殉事堂上益誠篤姑病扶持調護凡七晝夜日不交睫姑歿哀毀中經營盡禮今舅高年多疾賴賢婦如賢子云雷現年四十二

鄭氏州人王孝妻居西部年十七于歸二十二夫亾遺子選未周晬家貧無所依鄭誓不再適願撫孤以延夫嗣居恒持長齋女紅易食育子成立今選年二十能力農養其母鄭現年四十二

王氏州人邢德重妻居牛堡屯年十七于歸家貧相夫操作者幾年夫終不能自給餬口於外王遂寄居母家母居北新庄有住旂武君安同居母他出君安欲污之王峻拒不從奔避舅氏家越兩日母歸舅氏送王返告其母斥逐君安而君安素覓暴絕無顧忌是夕王以羞忿故投井死時年二十七母鳴于官君安伏法王以守貞不污捐軀明志附疏具題乾隆三十三年 旌表

楊氏州人州同國璽女庠生蘇世德妻年十五于歸克盡婦職十八夫亾無子楊誓不改適苦節七年卒年二十四

通州志

卷之八人物

列女

全

劉氏州人馬明元妻年十八于歸事舅姑孝謹舅歿相夫經營喪葬哀禮交至二十九夫亾老姑在堂子二女一俱幼劉以仰事俯育自任矢志守貞力持門祚越二載餘姑歿喪葬一如舅歿時撫育子女以次成長鄉黨咸重其才節現年四十一

陳氏州人國興女王三瑞妻居龐村庄年二十三于歸善事舅姑相夫以道二十九夫亾無子女痛不欲生以姑在堂黽勉侍奉苦節十二年現年四十

韓氏州人士瑋女州庠生張希天妻居烟郊希天幼喪母父國棟再娶于許許撫希天兄弟四人如已出及長相

繼補諸生皆許撫育之力韓年十七歸希天事舅及繼姑極孝越四年而夫歿子女俱幼韓誓不他適不一年子殤踰二載舅歿侍孀姑起居飲食誠敬兼盡撫其女煢煢一室云苦節二十年現年三十九

袁門雙節王氏州國子生磐女國子生袁炳玉妻孫氏炳玉妾也炳玉素病瘵王年二十四于歸時炳玉已先納孫王偕孫主中饋無少猜妬婚數月炳玉歿王以孫有遺娠不敢殉夫故後十五日孫果舉孿生子王幸夫祀得衍與孫矢志守節孫亦誓無二心交撫兩子今子得潤得淦年俱十四能讀書爲文母氏猶日夕督訓不怠

通州志

卷之八人物列女

七

王與孫俱現年三十七

李門雙節海氏州國子生李基繼妻雷氏基子州庠生文銓妻也海年二十一于歸相夫敬順撫前室子女銓及女如已出文銓娶于雷氏雷年十七能孝事舅及繼姑越十二年文銓歿遺二子灝淳俱幼雷痛不欲生舅姑慰之曰盍撫孤以慰泉下乎雷涕泣受命自是基以喪子故多病家亦匱乏海與雷鬻簪珥以佐食越五年基歿時海年三十四子文銘及女俱幼殯殮罔措戚黨助之姑婦哀毀不食者六日顧念兩世幼穉俱未成立姑婦矢志同貞歷凍餒無怨言海現年三十六雷現年三

石氏州人韓城妻居曠裡村年十五于歸十九夫歿舅姑在堂子四海幼石誓無二心以仰事俯育自任苦節十八年現年三十六

李氏州廩貢生柳如錚妾于歸後事家長及嫡汪敬順有禮年三十如錚疾侍奉湯藥寢食俱廢瀕危割股和藥以進卒不起無子遺二女俱幼李矢志守節願奉嫡終其身嫡性頗嚴李事之循謹不懈現年三十六

楊氏州人廷秀女黃學孟妻于歸後克盡婦道年二十六夫亾子榮幼楊以夫祀爲重不敢殉守貞撫孤歷今十

通州志

卷之八人物

列女

六

一年現年三十六

陳氏州人懋信女黃維璘妻年十六于歸二十三夫亾遺一女尙幼家貧無所倚藉陳矢志堅守日勤女紅給食撫養其女苦節至今十二年現年三十四

倪氏州人銑女庠生周履惠妻年十七于歸履惠性孝友力學好義乾隆三十一年學校以優舉督學額旌之倪能佐夫攻苦有賢聲二十二履惠歿遺孤謙撫甫二齡倪以夫祀爲重不敢殉殫心撫育漸以成立苦節十一年現年三十二

樊氏州人于治妻年十九而寡無子家極貧親黨罕有倚

賴樊矢志不二以針黹自給煢煢苦節十三年現年三十二

耿氏州舉人世傑孫女張文禮妻幼知大義年十五于歸十九夫歿遺幼女一耿痛不欲生親黨咸慰勸之乃忍死撫其女門內峻肅非骨月莫睹其面苦節十一年現年二十九

楊氏州人王選繼妻于歸後事夫惟謹年二十一夫亾無子內外族黨以年少家貧勸令改適楊矢志不二願苦節終其身有百計勸解之者楊忿不欲生勸者亦懼而退居恒煢煢一室茹苦自甘雖骨月罕見其面苦守歷

通州志

卷之八人物

列女

允

今僅六年而志貞操潔鄉里共信亟登之以成其志且爲奪其志者戒楊現年二十六

按自劉向傳列女蔚宗宗之臚陳女範不拘一操魏隋以來始專書節烈顯著者良以履常丁困境遇不同變而能貞其行逾卓我

國家化民成俗揚闡幽潛凡節婦年例旣符均得上邀旌表建坊入祠又

欽定清標彤管字額給與無庸建坊之家風勵人倫典稱大脩夫海內甚廣節婦歲不乏人藉非分別年限則申報何可勝數且尋常孀寡自難與奇窮苦節一體

邀榮此定例不得不嚴也至若方志所登固不容濫而或有年例未合境苦志堅及孝事舅姑割肉療疾者皆足使桑梓之人聞風觀感則稍寬其例益見守義敦倫斷不泯沒更有早寡僅及數年而勸之奪之能以死誓實爲親黨所共信者亦附載以警奪志之非以保立志之確顧或鄉愚僻處採訪難周嗣續無人清操莫述又豈能免挂漏之憾歟



